



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material


5548


5548

1902

9(47.925)

LN-44





V/310 304

258 909 1040 6 6692

1857

18 280 6 1 6692 6692

1857

1857 1857 1857 1857 1857 1857

1857

1857 1857 1857 1857 1857 1857

1857

323.1(91.542)

Ի - 60


Բ. ԻՇԽԱՆԵԸՆ

ՏԱՃԿԱՀԱՅ ԽՆԴԻՐԸ

ԵՒ

ՄԻՋԱԶԳԱՅԻՆ ԴԻՊԼՕՄԱՏԻԱՆ

33625
8



Թ Ի ՅԼ Ի Զ

Ելեբար. տպարան «ՀերՄէՍ» Ընկ. Մադաթեան փ. № 5

1906

(204)

2012

183410. calh
83110 - in
948 - 90
8

Յ Ա Ռ Ա Ջ Ա Բ Ա Ն

Ներկայ աշխատութեան հիմնական մտքերը արծարծել ենք դեռ երեք տարի սրանից առաջ: 1903 թ. կարդացել ենք Բերլինի հայ ուսանողների մի ժողովում «Հայ ժողովրդի քաղաքական կացութիւնը» վերնագրով մի դասախօսութիւն, որի երկրորդ բաժնի մէջ թուցիկ ակնարկներով ծանրացել ենք «Հայկական Հարցի» վրայ: Անցեալ տարի, 1905 թ. ապրիլ ամսին, Բերնում, Եւրօպայի հայ ուսանողութեան միութեան տարեկան համագումարում կարդացել ենք՝ «Թիւրքահայ խնդրի դիպլոմատիական դրութիւնը» վերնագրով մի դասախօսութիւն, որի մէջ մասնաւորապէս քննել ու լուսաբանել ենք «Հայկական Հարցի» դիւանագիտական բնոյթը և նրա ներկայ վիճակը:

Ուրեմն մեր ներկայ աշխատութիւնը մի պատահական ու հապճեպ ձեռնարկ չէ ամենեւին, այլ արդիւնք տարիների երկար ու բարակ լսորհրդածութեան, մտքերի որոճման: Մենք ուշի ուշով քննել ու վերլուծել ենք ամեն մի քաղաքական երևոյթ, որը մեր ձաւոր կամ հեռուոր կապ ու առնչութիւն ունի «Տաճկահայ Խնդրի» հետ:

Սակայն վերոյիշեալ դասախօսութիւնները կազմում են լոկ համառօտակի ամփոփումը, կմախքը, գրեթէ կօնսպիկտը ներկայ դրքոյկի: Այնտեղ թոյլ է արտայայտւած տեսակէտը, առաջնորդող տենդենցը, իսկ այստեղ—լրիւ չափերով: Այնտեղ հետազօտած նիւթը աւելի աղքատ է, փաստերն անբաւարար, մինչդեռ այստեղ աշխատել ենք հնար եղածին չափ բաղմակողմանի լինել:

«Հայկական Հարց»—դա մեր նորագոյն իրակա-
նութեան ամենահիւանդոտ երևոյթներից մէկն է, որ
տասնեակ տարիներ շարունակ սերունդներ զբաղեց-
րեց ուսահայերիս մէջ: Այդ համաղալին խնդիր յայտա-
բարւած «վիրաւոր դատը» կլանեց իր մշտապէս բոցա-
վառ խարոյկի մէջ լաւագոյն ոյժերը մեր հասարա-
կութեան գրեթէ բոլոր խաւերից: Հայ մանր ու խո-
շոր բուրժուական բովանդակ իդէօլօգիան՝ յանձինս
իր գրական արտադրութիւնները—հրապարակախօ-
սութեան, վիպասանութեան և բանաստեղծութեան—
մի կողմից, ունևորի և չունևորի նիւթական զոհարե-
րութիւնը միւս կողմից, պրօլետարական-դեմօկրատա-
կան խաւերի բանւորի և գիւղացու, արհեստաւորի—
ֆիզիքական-ազմական ոյժերի անխնայ սպառումը
երրորդ կողմից,—այդ բոլորի հաւաքական արդիւնքը
դարձել է մեր մէջ կարծէք մի յաւիտենական սրբա-
ղան ողջակէզ, նուիրաբերած «Հայկական Հարց»՝ «Տաճ-
կահայ Սնդիր» կոչւած կուռքին:

Երևոյթը հասկանալի է՝ իր բնական սահման-
ների մէջ: Եւ մենք չենք, որ պիտի զարմանանք, գո-
վենք կամ պախարակենք անցածն ու կատարւածը և
դեռ այժմ լինելիքը: Սակայն ռըն է նոյն այդ երե-
ւոյթի բուն էութիւնն ու իմաստը, վախճանական ել-
քը, ի՞նչ բան է ինքը՝ «Համազգային դատ» անուա-
նւած «Տաճկահայ Սնդիրը»,—այդ բոլորի մանրա-
զըննին քննութիւնն ու պատասխանը տակաւին չի են-
թարկել մեր մէջ հրապարակական հաշուէկշռի-
նացիօնալիստական տեսակէտով ու տենդենցիայով
առաջնորդող մրոտումները վաղուց արդէն բաւարա-
բութիւն չեն տալիս նորագոյն նացիօնալիստին, փոքր
ի շատէ խստապահանջ համազգայնականին անգամ,
գրս մէջ մենք կասկած չունենք:

Իսկ մարքսիստական անալիզով, մատերիալիս-
տական ըմբռնողութեամբ ու տեսակէտով չէ շօշա-

փւել «Հայկական Հարցը» իր ամենահեռաւոր սահմանների մէջ անգամ: Ինչպէս հասարակական բնաւորութիւն և մասսայական հմայք ունեցող շատ երևոյթներ մեր մէջ, այնպէս էլ «Տաճկահայ Խնդիրը»՝ իրենց ծագումով, զարգացումով և պատմական մերձաւոր ու հեռաւոր տեղեկեցիականերով, դեռ չեն գնահատել դասակարգային մասշտաբով, դեռ չեն մերկացրել նըրանց դասակարգային սուր ու շեշտակի բնոյթը:

Մեր ձեռնարկը մի հիմնական փորձ է—առաջին փորձը—մարքսիստական տեսակէտով քննելու և լուսաբանելու «Հայկական Հարցի» միայն մի կողմը—նրա ամենաճակատագրական մասը՝ «Տաճկահայ Խնդրի» քաղաքական բնաւորութիւնը, նրա և միջազգային դիպլոմատիայի փոխադարձ առընչութիւնը և այլն (տես «Ներածութիւն»):

Եւ մենք անվերապահ խոստովանում ենք, որ մեր շօշափած խնդիրը կազմում է ամենադժուար ու կնճոռտ մասը ամբողջ հարցի: Ինքը քաղաքականութիւնը մի ձևուն արուեստ է: Քաղաքական խնդիրներն ու երևոյթները—իրենց տնօրէնութեամբ և վախճանական ճակատագրով ենթակայ պետութիւնների հաւաքական դիպլոմատիային, քաղաքական խաղերին—կազմում են դրական մշտարժէք հիմքերից զուրկ մի առաձգական ու պրօբլեմատիկ դրութիւն: Մեզ համար ամենակարևոր խնդիրը եղել է այստեղ՝ ճշգրտօրէն որոշել հւրօպական պետութիւնների ըէալ քաղաքականութեան պատմական տեղեկեցները Թիւրքիայում և դրանով լոյս սփռել «Հայկական Հարցի» քաղաքական եզած ու լինելիք ընդհանուր ճակատագրի վրայ: Անկարելի է և կարիք էլ չունենք ամենայն ճշտութեամբ նախատեսելու կամ գուշակելու թէ արդեօք ինչ դիրք կրունէ այս կամ այն պետութիւնը ոչ հեռաւոր ապագայում դէպի «Տաճկահայ Խնդիրը». չէ՞ որ վերջին հանգամանքը՝ մասնակի դիրքերը, հետեոզա-

կանօրէն բղխում են նրանց իրական-կենսական շահերի ըէալ քաղաքականութիւնից, պատմական ձգտումներից, որոնց ընդհանուր պատկերը ուրուագծել ենք մենք ըստ հնարաւորին ճիշտ եզրների մէջ:

Մեր թեմայի մէջ աշխատել ենք բաւարարութիւն տալ երկու հիմնական հարցերի. նախ՝ ի՞նչ եղաւ և ինչո՞ւ այդպէս եղաւ «Հայկական Հարցի» քաղաքական վիճակը. և երկրորդ՝ ինչ վախճանական ելք կունենայ նա ապագայում: Առաջինը—համեմատաբար գիւրբին և կարևոր բաժինը—կազմում է մեր այսպէս ասած բացասական քննադատութիւնը (նեգատիւ կրիտիկան), ուղղած այն կազմակերպութեան գործունէութեան ու հասկացողութեան դէմ, որ համարւում է հայկական հարցի ու շարժման պատմական ներկայացուցիչը: Երկրորդի—անհամեմատ դժուար ու պրօբլեմատիկ բաժնի—մէջ պիտի համառօտաբար ուրուագծենք այն հաւանական զբաղան հիմքերը, որոնց վրայ պիտի յանդէ «Տաճկահայ Խնդրի» վախճանական ելքը՝ մասնաւորապէս, և Թիւրքիայի ապագան՝ ընդհանրապէս:

ՀԵՂԻՆԱԿԸ

ՏԱՃԿԱՀԱՅ ԽՆԴԻՐԸ ԵՒ ՄԻՋԱԶԳԱՅԻՆ ԳԻՊՂՕ- ՄԱՏԻԱՆ

I.

Ներածութիւն

Քաղաքական խնդիրների և հասարակական երևոյթների երբակի ընոյթը:—Հայկական հարցի երեք կողմերը:—Մեր թեման և նրա ծաւալը:—Հայ յեղափոխականների վերաբերմունքը դէպի իրենց հակառակորդները:—Մեր հակառակորդների քաղաքագիտական մտածողութեան հորիզոնը:

Իւրաքանչիւր քաղաքական խնդիր՝ իր յեղափոխական ընաւորութեամբ, ամեն մի հասարակական երևոյթ՝ իր մասսայական ծաւալով ու գործնական արտայայտութեամբ, ունի հետազօտութեան և քննութեան երեք կողմ: Նախ՝ այդ խնդրի կամ երևոյթի պատմական ծագումը, ծագման պատճառները, նրա աստիճանական զարգացումը և մասսայական ծաւալ ու հասարակական արժէք ստանալը: Երկրորդ՝ այն առաջ-մղիչ ֆակտորները, որոնք տոն են տալիս ու հասունացնում այդ խնդիրը կամ երևոյթը. այն մասսայական կազմակերպութիւնը, որի գոյութեան իմաստն է՝ նւիրել այդ խնդրին, դնել նրան կենդանի շարժման մէջ, դարձնել քաղաքական հրատապ, հերթական հարց և փութացնել դրա լուծումը: Վերջապէս երրորդ կողմը կազմում է հէնց այդ խնդրի լուծման մեթօդը, եղանակը, վախճանական իրականացման միջոցն ու ճանապարհը, որով ձգտում է գործող կազմակերպութիւնը հասնել իր ըզձայած իդէալին:

րը պարզելուց յետոյ, առաջարկել յեղափոխական կուսակցութիւններին՝ կամ աւելի որոշակի՝ Հայ Յեղափոխական Դաշնակցութեան, զրական ծրագրներ, այսպէս անւանւած ծրագրային բէցեպտներ, ապագայ անելիքի և ինչ եղանակով գործելու մասին:

Այս շեշտումներն ու նախազգուշացումները աւելի քան կարևոր են հէնց սկզբում, նախաբանի մէջ, որպէսզի ապագայում մենք պարտաւորւած չզգանք ընթերցողի, մանաւանդ ըննադատաբար տրամադրւած ընթերցողի, անտեղի պահանջների առաջ:

Ինչ ասել կուզի, որ մենք կրիտիկաբար և վերլուծաբար շօշափելով մի յայտնի քաղաքական խնդրի և միջազգային դիւանագիտութեան փոխադարձ յարաբերութիւնները, հարկադրւած ենք անհրաժեշտօրէն ծանրանալ այդ նոյն դիւանագիտութեանը տոն տուող եւրօպական մեծ պետութիւնների անտեսական շահերի և քաղաքական ինտերեսների հաւասարակշռութեաւ: Վրայ սուլթանի երկրում: Յոյց տալով թիւրքահայ ինդրի լուծման մեթօդական ընաւորութիւնը, պիտի ապացուցանենք նրա լուծման անկարելիութիւնը՝ արդի քաղաքական պայմանների և պետութիւնների դիպլօմատիական յարաբերութիւնների դասաւորութեան շրջանում: Մենք պիտի ապացուցել ջանանք, որ ոչ միայն տարերային հոսանքին բնազդաբար կուլ գնացած մասսայական խաւերը, հայդուկային խմբերը, այլև իրենք՝ թիւրքահայ յեղափոխութեան առաջաւոր ու ղեկավար ոյժերը, տամնեակ տարիներ շարունակ յուսախաբութեան մէջ էին մաշում իրանց կեանքը, մխիթարւում, խրախոյս ու կենսունակութեան ոյժ ստանում սենտիմենտալ ու հրաբորբոք զգացմունքներից, օտար երկրների ժարգասիրական կոչ ու աղաղակներից, դուրկ միանգամայն քաղաքական հորիզոնի անողոք ու բարդւած իրողութիւնները խոր, լուրջ ու անալիզօրէն, օբիեկտիւ կերպով կշռադատելու շրջահայեցողութիւնից:

Միշտ և ամեն դէպքում մի անախորժ հակառակորդ, մի անհաշտ թշնամի է համարւել հայ յեղափոփոխական-դաշնակցական իդէօլօգներին աչքում նա, ով յանդգնել է առհասարակ կրիտիկաբար վերաբերւելու դէպի թիւրքահայ յեղափոխական շարժումը, ով կասկածել է այդ գորդեան հանգոյցի բարեյաջող լուծման նկատմամբ մինչև աննախատեսանելի ապագայ: Տաճկահայ յեղափոխութեան իդէօլօգները բնաւ տարբերութիւն չեն դնում և բարոյական նախատինքի ու յանդիմանութեան միևնոյն մակդիրներով են որակում անխտիր այն բոլորին, որոնք հազար ու մի տարբեր, հակասական մօտիւններից դրդւած թշնամական կամ ժխտական դիրք են բռնում դէպի թիւրքահայ յեղափոխականների գործունէութիւնը՝ աւելի ճիշտ գործնէութեան եղանակը, մեթօդը: Լինի դժգոհն ու բողոքողը, մերկացնողն ու քննադատը հաստատօր բուրժուայ թէ զիւրացի, ինտելիգենտ թէ բանւոր, հոգեւորական թէ արհեստաւոր — սուրիէկտիվիստ թէ օբիեկտիվիստ, իդէալիստ թէ մատերիալիստ, բուրժուական թէ պրօլետարական իդէօլօգ և այլն, և այլն, — այդ միևնոյն է արդէն. Դաշնակցութեան գաղափարական ղեկավարները ունին այդ բոլորի հանդէպ լոկ մի չափած ձևած պատասխան, մի մեղադրական ակտ — դուք հակայեղափոխական, ազգադաւ և ապրկար մարդիկ էք, որ յանդգնում էք սրբապղծել այն սրբութեան սրբոցը, որ կառուցւել է հարիւր հազարաւոր անմեղ հայ նահատակների արեան շողախով: Դուք բոլորդ դատում էք խնդիրը և հասկանում երևոյթը սոսկ «ամբոխային տրամաբանութեամբ», ուրիշ ոչինչ — սերտած կրկնում են նրանք ամենալաւ դէպքում իրենց հռչակաւոր պարագլխի յայտնի ֆրազը:

Եւ սակայն, այդօրինակ ինքնախաբ ու խուսափողական պատասխաններով և անփոյթ վերաբերմունքով, իրերի բնական ընթացքը մազաչափ անգամ ոչ

դովրդի կամ մի քանի ժողովուրդների կիսանկախ կամ ամբողջական ազատագրումը տիրող բռնակալ ըէժիմի լծից, քաղաքական սպանիչ ազդեցութիւնից: Որո՞նք են այն գրաւական միջոցները, որոնց ապաւինած Թիւրքիայի դարաւոր բարբարոսութիւնների անխնայ ու անպաշտպան ենթակայ ազգութիւնները՝ կարող են առաջ վարել իրենց ճակատագրական կռիւլը և յանգել հետեւողալից վախճանի:

Կամ պիտի ընդունել նախ այն, որ բռնակալութեան լուծը թօթափող ապստամբ ժողովուրդը թուլացնում է իր մահացու թշնամուն, ջախջախում նրա գերազանց ոյժը, յաղթում նրան և այդպէս ազատում. երկրորդ կամ այն, որ իշխող մարմինը՝ տիրապետող դինաստիան, «մարդասիրաբար», ասենք թէ «գիււանադիտաբար» ազատութիւն է շնորհում իր այս կամ այն հպատակ ժողովրդին, երբ վերջինս չի ուզում այլ ևս մնալ պետութեան շրջանակում, կամ թէ չէ երրորդ՝ պիտի ընդունել, որ մի երրորդ ոյժ, մի միջին մարմին ինչ-ինչ մօտիւններից զրգւած միջամտում է ճնշողին ու ճնշողին և դիւրացնում վերջինս ապստամբութեան յաջող ելքը, աջակցում նրա ազատագրութեան:

Թէ առաջինը և թէ երկրորդը այնպիսի ուսույիական միջոցներ են, որոնցով չի ազատուել և երբէք չի կարող ազատուել որևէ տաճկահայատակ ժողովուրդ: Երրորդ ճանապարհը, ընդհակառակը, կազմում է ամենարեւալականը և մինչև օրս միակ հնարաւոր միջոցը, որով ազատուել են և՛ Յունաստանը, և՛ Ռումինիան, և՛ Սերբիան, և՛ Չերնօգօրիան, և՛ Բոսնիան ու Հերցեգովինան, և՛ Բօլգարիան, և՛ Կրետէն: Այդ բոլոր երկրները ազատուել են ոչ թէ զլիսաւորապէս այն պատճառով, որ նրանք ապստամբել, յեղափոխական աննման հերոսութիւններ են ցոյց տուել, այլ հիմնապէս այն պատճառով, որովհետև նրանցից մէկի թէ միւսի ազատութիւնը եղել արդիւնք եւրօպական պետութիւնների հա-

ւաքական միջամտութեան, մի կամ մի քանի պետութիւնների մասնակի ինիցիատիվի: Ի՞նչ պիտի անէին հելլենները և սլաւոնները քաջամարտիկ գնդերը տաճկական զերաքանակ բանակի ռազմական հզօր ոյժի առաջ, եթէ զիւանագիտական խաղերը վճռականապէս չտնօրինէին իրերի ընթացքը: Ապստամբական փորձերը լոկ մի խթան ու զարկ էին, արագացնելու իրերի ընթացքի տնօրինումը, լոկ մի առիթ է՝ միջամտութեան հարկադրելու պետութիւնների պաշտօնական ներկայացուցիչներին: Սակայն հաւաքական միջամտութիւն ոչ ամեն դէպքում, երբ հրապարակ է նետում բռնակալութեան ճիրաններում հեծող այս կամ այն ժողովուրդը իր արիւնլւայ դեմքով, այլ ակտիւ ու վճռական միջամտութիւն միայն այն ժամանակ, երբ յարուցած խնդրի դրական լուծումով շահագրգռւած են պետութիւնները տնտեսապէս և քաղաքականապէս, եթէ զիւանագիտական ընդհանուր կօմրինացիաները նպաստաւոր դրութիւն են ստեղծում հարցի բարեյաջող լուծման համար. եթէ, ամենաանբարեպատեհ դէպքում, այս կամ այն թիւրքահպատակ ժողովրդի ազատութիւնը կամ անջատումը թիւրքիայից, չի շօշափում լիազօր պետութիւններից մէկի կամ մի քանիսի շահերը:

Այս ընդհանուր գիտողութիւնները աւելի քան կարևոր էին մեզ համար, որպէսզի կարողանայինք պարզ ու ճշգրիտ կերպով պատկերացնել այն ընդհանուր խճճւած դրութիւնը, որ ունի տաճկահայ խնդիրը. այն, եթէ ուզում էք՝ բացառիկ վիճակը, որ անկարելի է դարձնում հայկական հարցի բարեյաջող լուծումը:

Շուտով կլրանայ 30 տարին սկսած այն օրից (1878 թ. Իերլինի կօնգրես), երբ «Արևելեան խնդրի» մի փոքրիկ հատւածը, «Հայկական Հարց» ասածը, կընքւեց միջազգային զիւանագիտութեան աւազանում՝ 61-րդ չարաբաստիկ յօդւածով և սանկցիա ստացաւ մեծ պետութիւններից: Մօտ 28 տարի է, որ մի բուն

ճնշւած ժողովուրդ սրտատրոփ և լի յոյսերով աչք է տնկել եւրօպական պետութիւնների հաւաքական միջամտութեան վրայ. հանդիսաւոր խոստումների, մըշակւած ըէֆօրմների իրագործում է սպասում պաշտօնական Եւրօպայից: 28 երկարաձիգ տարիների խոզվայոյդ ժամանակամիջոցում տաճիկ կռուվարութեան անհամար խաբեբայութիւնները և այդ բոլորի վերաբերմամբ պաշտօնական Եւրօպայի սառնասիրտ, անտարբեր վերաբերմունքն ու լուսթիւնը կարծես փաստապէս անգօր են թւում համոզելու հայ յեղափոխական կազմակերպութիւններին—ասա և զբիր՝ Դաշնակցութեան—իրենց կատարեալ յուսախաբութեան մէջ:

Տաճկահայ ժողովուրդը կազմում է մէկը այն բաղադակից ժողովուրդներից, որոնք ամբողջ դար շարունակ ողոզեցին Բալկանների բարձունքները իրենց արիւնով: Եւ տաճկահայ խնդիրը կազմում է մի դժւարակնճիւղ օղակը այն բարդ ու առաձգական խնդրի, որ կնքւեց «Արևելեան Հարց» յայտնի պատմական անունով: Ինչպէս հելլենների և սլաւոնների ազատագրութիւնն էր, այնպէս էլ հայերի ազատագրական ձգտումների յաջող ելքը կախւած է միևնոյն կտրուկ միջոցից. և ինչպէս «Արևելեան Հարցի» արդէն իսկ լուծւած հատւածները, այնպէս էլ «Հայկական Հարցը» (նաև մակեդոնականը) ունի լուծման միուրոյն, եզակի ու բացառաիկ մեթօղը,—դա եւրօպական վեց մեծ պետութիւնների կամ նրանց մեծագոյն մասի, կամ առնւազը նրանցից երեքի, սակայն ամենաազդեցիկների հաւաքական միջամտութիւնն է դիւանագիտական միևնոյն համերաշխ, անհակասական պլատֆօրմի վրայ:

Եւ հայ յեղափոխական շարժումների բուռն տենչանքը, Դաշնակցութեան ամենամեծ մտազբաղ հոգսը ուղղւած է եղել դէպի այդ նպատակը, ընթացել է բացառապէս լուծման այդ մեթօղի—դիւանագիտական ճանապարհի—ուղղութեամբ:

«Ինչ է մեր շարժման նպատակը» — ասում է Դաշնակցութեան պարագլուխը: — «Ուրիշ ոչինչ, եթէ ոչ կազմակերպւած ու բռնի ուժով կուել, բողոքել, Տաճկաստանում տիրող սպանիչ կարգերի դէմ, մինչև որ վեց պետութիւնների երաշխաւորւած միջամտութեամբ այդ կարգերը դէպի լաւը կփոխեն ¹⁾»: Մի ուրիշ վկայութիւն. «... Պարզ է, որ եւրոպական միջամտութիւն առաջ բերելու համար, եթէ մի կողմից անհրաժեշտ էր տառապող հայ երկրի բողոքը թէկուզ յուսահատական ճիգերով լսելի դարձնել մարդկութեանը, նոյնքան անհրաժեշտ էր եւրոպական հասարակական կարծիքը գիտակից պահել, յուզել, ազմկել և այդպիսով անդրադառնալ միջազգային քաղաքականութեան վրայ յօգուտ հայկական դատի» — ասում է «Յառաջի» առաջնորդողը ²⁾: Մի երրորդ վկայութիւն. «Դաշնակցութիւնը գիտէ — ասում է Ego-ն, — որ իրական միջամտութիւն հրաւիրելու և զորդեան հանդոյցը լուծելու (նօսրգիրը մերն է) համար՝ անհրաժեշտ են այլ կարգի ձեռնարկներ (իմն, յեղափոխական շարժում, Բ. Ի.): Եւ ահա, դժբաղդաբար, փաստերը գալիս են ամրապնդելու այդ համոզումը» ³⁾:

Ինչպէս տեսնում ենք, Դաշնակցութեան իդէօլօգները վկայութիւնները, միաբերան հաստատում են, որ նրանց տասնեակ տարիների երկուստեք ուղղութեամբ — յեղափոխական և քաղաքագիտական պրօպագանդայի ճանապարհով առաջ տարած գործնէլութիւնը ունեցել է միայն և բացառապէս մի նպատակ՝ հրաւիրել եւրոպական մեծ պետութիւնների ուշադրութիւնը, հարկադրել նրանց՝ իրենց խոստման ու ստանձնած պարտա-

1) Քր. Միքայէլեան, «Ամբոխային տրամաբանութիւն» եր. 37—38:

2) ՏԵՍ «Յառաջ» № 23, առաջնորդող:

3) Ego «Գորգեան հանդոյցը» («Յառաջ» № 53):

կանութեան համաձայն, ազատելու տաճկահային իր աղիողորմ վիճակից, իրագործելու գէթ համեստ բէֆօրմների մի ծրագիր՝ նրա թշուառ կեանքը բարելաւելու, յառաջադիմութեան նօրմալ ճանապարհի վրայ դնելու համար: Ուրիշ խօսքով տաճկահայ յեղափոխութիւն ասածդ՝ իրերի բնական բերմունքով և այդ իրերի պատմական դասաւորութեամբ, ինքնին չէ հանդիսանում ազատագրութեան ուղղակի ծանապօրհը, քաղաքական խընդրի լուծման անմիջական մեթօղը, այլ նա դառնում է մի ուժեղ խթան, մի առիթաւոր միջոց՝ տաճկահայ դատը նոր ու թարմ ելլէջնելով յարուցանելու եւրօպական Լիազօրների դիպլօմատիական կաբինետներում և փութացնելու նրա պատմական լուծումը:

Թէ որն է տաճկահայ յեղափոխութեան այն ոյժը, որ իբր խիզախութիւն կունենան հարկադրել եւրօպական պետութիւններին դրական կամ բացասական ուղղութեամբ հաւաքական միջամտութեան դիմելու. թէ որն է Դաշնակցութեան ունեցած դիւանագիտական-պրօպագանդիստական գործնէութեան էութիւնն ու արժէքը՝ արևմտեան Եւրօպայում, յոգուտ հայկական հարցի—դրանց մասին մեր բացասական-քննադատական խօսքը կասկնք իրենց տեղին ու ժամանակին:

Այստեղ հարցնենք ամենից տաջ, առդեօք ո՞ր դէպքում կարող է յաջողութեամբ գլուխ գալ եւրօպական պետութիւնների հաւաքական միջամտութիւնը և դրական իմաստով լուծել «Արևելեան Խնդրի» որևէ դեռ անլուծելի հատուածը, մանաւանդ «Հայկական Հարցը»: Որո՞նք են այն հնարաւոր շանսերը, այն ուժեղ ու անխաղտ գրաւականը, որոնք անխուսափելիօրէն կհարկադրեն միջազգային դիւանագիտութեան կօնցերտում պատմա-քաղաքական հեզեմօնիան ստանձնած պետութիւններին՝ ձեռներեց լինելու տաճկահայ խնդրի բարեյաջող կամ գէթ համեստ-բաւարար լուծման. կըս-

տիպէն նրանց փոխելու քաղաքական յարաբերութիւնների քարայցած կշռաշափը՝ status quo-ն:

Դա կարող է լինել միայն այն ժամանակ, երբ ինքը՝ պաշտօնական Եւրօպան կենսապէս շահագրգռւած լինի տւած հարցի լուծուծով. միայն այն դէպքում, եթէ մեծ պետութիւնները ունենան տնտեսական և քաղաքական ըէալ ինտերեսներ այն միջավայրում, ուր հարկադրական պահանջ կայ սահմանելու ժանր ազգերի քաղաքական ճակատագիրը: Իրենք՝ Գաշնակցութեան վերածրարձ իդէօլօգներն իսկ, մինչ Հէգելեան աստիճան իդէալիստները համարձակութիւն չունեն ուրանալու այդ տարրական իրողութիւնը, արտաոոց փաստը: «Շահի փիլիսոփայութիւնը ըէալական քաղաքականութեան հիմնաքարն է»—իդէալիստ պ. Ego-ն սխալում է երբեմն մի-մի հատիկ ճշմարտութիւն խոստովանելու:

Սակայն Թիւրքիան այն երկիրն է, ուր կարելի լինի գտնել Եւրօպայի տնտեսական շահերի և քաղաքական ձգտումների մի ընդհանուր համերաշխութիւն յօգուտ տաճկահայ խնդրի, տեսնենք այդ:

1007
52662
33625
948 - 90

Եւրօպայի շահերը Թիւրքիայում

Տահկաստանը որպէս մի շահագրգիռ օրիեկտ—Եւրօպական մեծ պետութիւնների քաղաքական և տնտեսական-Ֆինանսական շահերը Թիւրքիայում:—Թիւրքիայի պետական պարտքերը:—Երկաթուղային գծերի կառուցումը:—Գերմանիայի նուաճումները:—Թիւրքիան, որպէս ներմուծման և արտահանութեան շուկայ:—Գիւլլումատի և կապիտալիստի ապահով յոյսերը:—Շահը և դիւլլումատիան:

Ում համար միանգամ ընդմիշտ պարզ է, թէ առհասարակ ինչ տեղ է բռնում Թիւրքիան եւրօպական պետութիւնների քաղաքական-գիւտանադիտական կօնցերտում. ում համար ակներև է, թէ իսլամական ինդօլինց մարմինը՝ իր եւրօպական և ասիական բաժիններով, որ աստիճան շահագրգիռ օրիեկտ է կազմում եւրօպական առաջաւոր պետութիւնների տնտեսական-քաղաքական շահերի տեսակէտից. նրա համար, ասում ենք, մութ ու դժւար չէ, գտնել այն հարցի պատասխանը, թէ ի՞նչ է նշանակում առհասարակ գործ ունենալ Թիւրքիայի հետ և, որ բնականօրէն հետևում է դրանից՝ ի՞նչ է նշանակում յոյս դնել եւրօպական դիւլլումատիայի վրայ, սպասել վճռական առաջխաղացում յօգուտ «Արևելեան Խնդրի» կամ նրա մի հատուածը կազմող «Հայկական Հարցի»: Նորանոր բարգւտող փաստերը ցոյց են տալիս, որ Թիւրքիան ներկայ շրջանում եւրօպական մեծ պետութիւններից մէկի, մի քանիսի և կամ բոլորի վերաբերմամբ այն չէ, ինչ նա մինչև 19-րդ դարու 70—80-ական թւականներին էր ներկայացնում: Առաջներում ամենևին օտարօտի չէր, նկատել որևէ պետութեան կողմից մասնակի առաջխաղացում և ինքնուրոյն քայլ նոյն իսկ այնպիսի խնդիրների վերաբերմամբ, որոնք անմիջապէս չէին շօշափում նրա քաղաքական շահերը: Այդ մասնաւոր

ինիցիատիվի շնորհիւ էր նաև մեծ մասամբ Բալկանեան ազգութիւնների ազատութիւնը: Սկսած ուղիղ այն օրից, սակայն, երբ մեծ պետութիւններից իւրաքանչիւրի դիրքն ու յարաբերութիւնը թիւրքիայի նկատմամբ որոշ բնաւորութիւն ստացան, ինքնուրոյն քայլն ու մասնակի ինիցիատիվը տեղի է տւել մեծ պետութիւնների այսպէս ասած՝ հաւաքական միջամտութեան ⁴⁾: Բայց հաւաքական միջամտութիւն այն որակի, որ պետութիւնների շահերը փոխադարձաբար յարգելով հանդերձ, անգօր է միւսոյն ժամանակ իրենց շահերը չչօշափող լինողիւրների վերաբերմամբ վճռական քայլ անելու, այլ միայն բաւականանում է երկար ու բարակ, անգրաւական ու խաբուսիկ խոստումներով: Զօրեղ պետութիւնների շահագրգիռ ինտերեսները իրար դէմ են ելնում թիւրքիայում այնպիսի մեծ թափով, որ բացարձակապէս անկարող է նրանից մէկն ու մէկը առանձնապէս մի նշանաւոր խնդիր լուծելու իրաւական հիմք եւ փոստական ոյժ ու քաջութիւն ունենայ: Հէնց այդ է պատճառը, որ այժմ սիոտեմատիկաբար կոտորածի ենթակայ սլաւոններն ու հայերը գրեթէ ոչ մի ուշադրութեան չեն արժանանում պաշտօնական Եւրօպայի կողմից:

Եւրօպական շահերի փոխադարձ համերաշխութիւնը միայն քաղաքական հորիզոնում չենք գտնում, այլ նաև խորապէս տնտեսական-ֆինանսական սահմանում, ուր ամեն բան դաւժում են եւրօպական կապիտալն ու կապիտալիստը: Մեծ պետութիւնների ակընյայտնի բարեկամութիւնը թիւրք կառավարութեան հետ, դօրեղ կերպով աճում է թրքական պետական պարտքերի ղեկավարութեան տակտով: Դեռ 1881 թ.

⁴⁾ Փրանսիական զիւլլօմատ Մ. դը Ֆօզէ ասել է մի անգամ իրաւամբ. «Հէնց միայն հաւաքական միջամտութիւն խօսքերը բաւական են, որ թիւրքիային հանգիստ շնորհեն»:

գեկեմբերը ամսին թիւը կառավարութիւնը իր մի գեկերետով հաստատում է «Օսմանեան պետական պարտքերի վարչական մարմինը» («Administration de la Dette Publique Ottomane»), բաղկացած է մի թիւը և հինգ օտար շահերի ներկայացուցիչներից: Այդ հաստատութիւնը ունեցաւ եւրօպական ֆինանսական աշխարհի վրայ փառաւոր ազդեցութիւն, որովհետեւ Բ. Դուսը պետական պարտքերի ղեկավարութիւնը և այդ պարտքերը հոգալու եկամտի աղբիւրները յանձնեց մի վարչական բոլորովին անկախ օրգանի և այդ միջոցով ապահովեց եւրօպական կապիտալը: Այնպէս որ արեւմտեան եւրօպայի դիպլոմատն ու կապիտալիստը հնարաւորութիւն ունեն հակառակ դէպքում իրենց բաց թողած խոշոր գուժարների համար «Պաշտօնական թիրքիան» ձեռք աւնել:

Մի փոքրիկ գաղափար տալու համար, թէ պարտքերի ինչ ահագին բեռ է ծանրացած թիւրքիայի շէնքին, առաջ բերենք մի համառօտ վիճակագրութիւն, համաձայն թրքական պետական պարտքերի վարչութեան ցուցմունքների: Այդ խոշոր գումարումները բաժանուած են հետեւեալ երկրների վրայ. Ֆրանսիա—315 միլիօն բուբլի (35 միլ. թրքական ֆունտ ստերլինգ), Իեկլիա—126 միլ. բ. (12 միլ. ֆ. ստ.), Գերմանիա—85,5 միլ. բ. (9,5 միլ. ֆ. ստ.), Անգլիա—76,5 միլ. բ. (8,5 միլ. ֆ. ստ.), թիւրքիայի բանկային հաստատութիւն—45 միլ. բ. (5 միլ. ֆ. ստ.), Հօլլանդիա—31 միլ. բ. (3,5 միլ. ֆ. ստ.), Աւստրիա—13,5 միլ. բ. (1,5 միլ. ֆ. ստ.), Իտալիա—9 միլ. բ. (1 միլ. ֆ. ստ.), Ընդամենը կազմում է 702 միլիօն բ. (78 միլ. ֆ. ստ.) պարտք ⁵⁾: Երևակայեցէք, մի երկիր, ուր պաշտօնեան, զինուորականը շարունակ բողոքում են իրենց անկանոն թօշակի համար, ուր մասսայական մղձա-

⁵⁾ Տե՛ս «Neue Zeits» «Die sozial-ökonomische Lage der Türkei» von Milorad Popowitsch (1902 թ. № 26):

ւանջի ենթակայ սովալուկ ժողովրդական տարրերը քմահաճ հարկային սիստեմի և բռնագրօսիկ կողոպուտի զարհուրելի ծանրութեան տակ քամում, մզում է իր վերջին կենսունակութիւնը, բաւական չէ, դեռ ենթակայ է օտար կապիտալի այգօրինակ խոշոր պարտքերի:

Տնտեսական-կապիտալիստական մի այլ փառաւոր ասպարէզ է բացել եւրօպական կապիտալիստների համար Թիւրքիայի այն սահմանում, ուր երկաթուղային գծեր կառուցանելու համար կազմակերպւած օտարազգի ակցիօներական ընկերութիւնների (ընդամէնը 223 միլիօն բուրլի դրամագլխով) խոշոր կապիտալը Թիւրք կառավարութիւնից ապահովւում է մեծամեծ տոկոսներով: Միայն 1899 թ. Թիւրք կառավարութիւնը վճարել է երկաթուղային ընկերութիւններին 19,871,682 Ֆրանկ: Տնտեսական-առևտրական տեսակէտից յատկապէս շահագրգռւել է վերջերս Գերմանիան: Թիւրքիան այն երկիրն է Գերմանիայի համար, ուր ներմուծւում է Գերմանական կապիտալը և նպաստաւոր շահեցնւում: Գերմանիային յաջողւել է, միւս կողմից, Թիւրքիայի գինւորների և պատերազմական նաւերի համար կարևոր պաշարեղէնի և նիւթերի մեծագոյն մասը ինքը հոգալու: Երկաթուղային գծերի և հեռագրական թելերի կառուցումը կատարւում է մեծ մասամբ գերմանական կապիտալիստների միջոցով: Մինչև վերջին ժամանակներս շաքարի ներմուծումը գէպի Թիւրքիա, կատարւում էր գրեթէ բացառապէս Աւստրիայից և Ռուսաստանից: Այժմ Գերմանիային յաջողւել է Թիւրքիայի շաքարի շուկայում բաւական ուժեղ տեղ գրաւել:

Կարիք կանջ արդեօք երկար բացատրութիւններով և փաստական-վիճակագրական տեղեկութիւններով ապացուցել ու հաստատել, թէ ինչ շահագրգիռ օրինակ է ներկայացնում Թիւրքիան Եւրօպայի համար: Միթէ

պարզ չէ բոլորիս համար, որ մերձաւոր Արևելքը՝ ինքը
Թիւրքիան, կազմում է մի նմանը շտեմնւած մրցարան
այն քաղաքական ազդեցութիւնների և տնտեսական
գրաւումների ու շահատակութիւնների, որ ունեն եւ-
րօպական պետութիւնները: Թիւրքիան մի առաջին կար-
գի շուկայ է իր միլիօնաւոր սպառող ազգաբնակու-
թեամբ այն ինդուստրիական արդիւնքների համար,
որոնք ներմուծւում են այդ տեղ կապիտալիստական
եւրօպայից: Թիւրքիան հում նիւթերի մի բերրի միջնավայր է,
որի անբաւ հարստութիւնները արտահանում են եւրօ-
պական ազգերը և իրենց հայրենիքում շահագործում
նորագոյն տեխնիկայի կատարելագործւած միջոցներով:
Թիւրքիան, վերջապէս, մի ամուր յենակէտ, մի ան-
խախտ խարխալ է այն քաղաքական հակընդէմ շար-
ժումների ու մրցող ձգտումների համար, որ ունեն վեց
մեծ պետութիւնները, մանաւանդ նրանցից մի քա-
նիսը:

Նշանակում է, երբ եւրօպական դիպլօմատն ու կա-
պիտալիստը Թիւրքիայում գործ զրած իրենց քաղաքա-
կան և տնտեսական-Ֆինանսական ջանքերի համար
փառաւոր կերպով վարձատրւում են կամ վարձատրւե-
լու գեղեցիկ ու ապահով յոյներ ունեն, ինչո՞ւ օսման-
եան կառավարութեան թշնամի հանդիսանան, ընդդէմ
գնան նրա քաղաքական շահերին որևէ միջանկեալ
խնդրի համար: Ինչո՞ւ «Մեծ Մարդասպանը» սարսափէ,
զողայ իր արիւնհանգ կոտորածների համար, երբ նա
մի անգամ ընդմիշտ լաւ է ըմբռնել եւրօպական պե-
տութիւնների հաւաքական միջամտութեան էութիւնը,
տեական ընթացքը և անփնաս սաստկութիւնը: Կարիք
կա՞յ արդեօք առանձնապէս յեշելու, որ Թիւրք կառա-
վարութիւնը մի քանի կէտերում նոյն իսկ շատ ընդու-
նակ է եւրօպականանալու արդի մտքով. այսինքն նա
շատ լաւ է ձանաչում, քան գուցէ որևէ մէկը, արդի
կաշառատուծեան բոլոր միջոցները, որպէսզի դրանով թէ

եւրօպական մամուլի ⁶⁾ և թէ ամենագեղեցիկ զիպլօ մատների բարեկամութիւնը վաստակել կարողանայ:

Սրանք են ահա տնտեսական-ֆինանսական և քաղաքական բացէ ի բաց թէ ինտիմ յարաբերութիւնները, որոնք գտնուում են եւրօպական հզօր պետութիւնների և տկար ու սնանկացած թիւրքիայի միջև: Ընդունում ենք այս յարաբերութիւնները իրենց ճշգրիտ և իրական եզրների մէջ, ապա ուրեմն երբէք չպիտի սխալուենք, եթէ գրանից հետեցնենք, որ եւրօպական ցինիկ զիպլօմատիան ամենևին վճռական բայլ չէ անելու, արմատական բէֆօրմների շուտափոյթ իրագործում չէ պահանջելու որևէ թրքահպատակ սրախոխող ժողովրդի համար, գոնէ մինչև անքան ժամանակ, որքան նա պարտքերի տոկոսներով և ակցիօներական երաշխաւորութեամբ շաղկապւած է թիւրքիայի հետ:

Շահը՝ տնտեսական թէ քաղաքական բնաւորութեամբ, կազմում է այն իրական հիմնաքարը, այն բէալ խարխալը, բազիսը, որի վրայ ամուր յենուում է այս կամ այն պետութեան պատմական քաղաքականութիւնը, դասաւորում են նրա զիպլօմատիական յարաբերութիւնները: Համառօտ և ընդհանուր գծերով ցոյց տալով այն տնտեսական-քաղաքական լայն հորիզոնը, որի վրայ ուժեղ մրցակցութեան են դուրս գալիս եւրօպական լիազօր պետութիւնները, անհրաժեշտ է մեկ համար, այնուհետև իմանալ թէ ո՞րն է այն ընդհանուր զիպլօմատիան, որ ունեն, մի կողմից՝ եւրօպական պետութիւնները իրար մէջ և միւս կողմից՝ նրանք բոլորը միասին վերցրած՝ թիւրքիայի նկատմամբ առ-

⁶⁾ Թերևս այժմ մոռացւած լինեն այն կարիկատուրաները, որոնք Սասունի կոտորածի ժամանակ լոյս էին տեսնում Փարիզի ամենաազականւած թերթերից մէկի («Petit Journal»)-ի մէջ, որ ցոյց էր տալիս, թէ իբր թիւրքերն են հայերից կոտորում, գոհ տալիս: Այդ իրողութեան կեղծիքը գիտէր անշուշտ մամուլի ղեկավարը:

հասարակ և «Արևելեան Խնդրի»—մանաւանդ «Հայկական Հարցի»—վերաբերմամբ մասնաւորապէս: Միայն ընդհանուր պօզիցիաների ճիշտ ըմբռնողութիւնից ու բնորոշումից է, որ մենք կարող ենք և հնարաւոր է «Հայկական Հարցի» նկատմամբ հանել ճշգրիտ ֆացիտ, անմիջական ու որոշ հետեւանք:

IV.

Պետութիւնների դիպլոմատիան եւ Թիւրքիան

«Արևելեան հարցի» վերաւոր կողմերը:—Եւրօպական դիպլոմատիան Բերլինի կօնգրեսից առաջ:—Պաշտօնական հովանաւորութեան շրջանը:—Դիւանագիտութիւնը 1878 թ.-ից յետոյ:—Թիւրքիան՝ դիպլեկտիքական հակասութեան մէջ:—Պետութիւնների իրական և պաշտօնական քաղաքականութիւնը:—Մարքսի կարծիքը:—Թիւրքիայի երկսայրի քաղաքականութիւնը:—Լոկ խոստումների արտաքին միսիան և իրական ներքին միսիան:

«Զկայ բացարձակապէս միջազգային քաղաքականութեան մի սահման, ուր եւրօպական դիպլոմատիան այն աստիճան անընդունակ (նօտրագիբը մերն է) եղած լինի, ինչպէս Արևելեան խնդիրն է»⁷⁾—ասում է Ֆրանց Մերինգը:

Անպայման ճիշտ է Մերլինգի այդ խօսքերի հիմնական միտքը: Սակայն մենք աւելի շուտ կասէինք հետեւեալը. չկայ միջազգային դիւանագիտութեան ողջ կօնցերտում մի այն աստիճան վիրաւոր ու հանգու-

⁷⁾ Fr. Mehring «Eine Wunderkur» («Neue Zeit» XX տարի, 2 հատ. ևր. 485):

ցաւոր կէտ, մի այնպիսի դժարակնօն խնդիր, ինչպիսին ներկայացնում է մերձաւոր արեւելքի հարցը՝ պայմանաւորւած Թիւրքիայի գոյութեամբ, որպէս այդպիսին: Մի հարց, որ մեխել, կաշկանդել է զիւանագիտական յարաբերութիւնների պրօցեսը status quo յայտնի հիմնակէտի վրայ. մի հարց, որի անլուծելի մնացած հատուածները այնքան զուրկ են նպաստաւոր լուծում ստանալու հնարաւոր շանսերից, և ճէնց այդ պատճառով մի հարց, որ մինչ աննախատեսներէի տղազայ օժտւած է ապրելու, յարատեւելու ուժեղ կուսններով: Եւ այս բոլորը ասելու, պնդելու և հաստատելու իրաւունք տալիս է մեզ քաղաքական համբընթաց կեանքի ճնշող լօգիկան՝ Բերլինի կօնգրեսից յետոյ աւելի, քան առաջ:

Պարզենք մեզ մի քանի խօսքով՝ սրն է միջազգային զիւլլօժատիայի էական բնոյթը 1878 թւականից (Բերլինի կօնգրեսից) առաջ և յետոյ:

78 թւականից առաջ եղած զէւանագիտութիւնը մենք անւանում ենք Թիւրքահպատակ քրիստոնեայ ժողովուրդների վրայ «պաշտօնական հովանաւորութիւնը» ապահովող և պարտաւորեցնող մի շրջան. պաշտօնական հովանաւորութիւն Եւրօպական մի կամ մի քանի պետութիւնների կողմից: Դեռ 1774 թ. ռուսաց կայսրուհի Եկատերինա II-ի օրով, Քիւչիւք-Քայնարջիի դաշնագիրը գրեց տաճկահպատակ սլաւոններին ռուսական կառավարութեան հովանաւորութեան տակ: 1815 թ. Վիեննայի կօնգրեսում ռուս կառավարութիւնը առաջարկում է Եւրօպայի ընդհանուր հովանաւորութեան տակ առնելու տաճկահպատակ քրիստոնեաներին: Իսկ 1854 թ. ապրիլի 21-ին (ն. տ.) Անգլիան, Փրանսիան, Աւստրիան և Պրուսիան մի հաւաքական ուլտիմատումով պահանջում են Թիւրքիայից՝ ապահովել տաճկահպատակ քրիստոնեաների քաղաքական և կրօնական իրաւունքները: Երկու տարի յետոյ, 1856 թ. այդ պահանջը դարձաւ Փարիզի դաշնագրի 9-րդ յօդ. ածը, իսկ

1860 թ. նոյն այդ պահանջը իրաւունք տւեց Աւստրիային, Պրուսիային և Ռուսաստանին պարտականութիւն գնելու Տաճկաստանի վրայ, որ վերջինս ընդունէ լուրջ վարչական միջոցներ՝ բարելաւելու օսմանական կայսրութեան հպատակ բոլոր բրիտոնեաների կացութիւնը:

Այսպէս մի շարք ուլտիմատումներով՝ մասնաւոր իւրիցիատիվի ղեկավարութեամբ, եւրօպական դիպլոմատիան Բերլինի կօնգրեսով մտնում է իր զարգացման երկրորդ խոշոր ֆազիսը: Սովորական ուլտիմատում պահանջների շարքը ընդհատուած էր մերթ ընդ մերթ ազատագրական ահեղ ու անզուսպ բռնկումներով Բալկանեան թերակղզում, որոնք պետութիւնների միջամտութեամբ յանգում էին նպաստաւոր վախճանի:

Բերլինի կօնգրեսն արդէն ստեղծեց դիւանագիտական յարաբերութիւնների մի նոր պլատֆօրմ մի կողմից եւրօպական պետութիւնների, իսկ միւս կողմից թիւրքիայի միջև: Այդ ժամանակ էր միայն, որ «Արևելեան Սնդրի» բոլոր հատւածներում ուժեղ շեշտեց միջազգային իրաւունքի և մասնակցութեան անհրաժեշտութիւնը: Անպայման այսօր եւրօպական վից մեծ լիազօրներից մէկը թէ միւսը ունի աւելի շատ տնտեսական շահեր, ֆինանսական ինտերես թիւրքիայում, աւելի զօրեղ քաղաքական ազդեցութիւն Բ. Դրան վրայ, աւելի է վայելում դիւանագիտական հեզեմօնիայի պատիւը, քան միւսները: Սակայն եթէ եզել է մի շրջան թիւրքիայի պատմական կեանքում, երբ այս կամ այն միջազգային խնդիրն կարգաւորելու, ահաւոր կօնֆլիկտը լուծելու համար այնքան մեծ կարիք է զգացւել պետութիւնների հաւաքական համաձայնութեան ու միջամտութեան, դա եզել է 1878 թւականից ի վեր, Բերլինի կօնգրեսից յետոյ:

Այդ ժամանակից ի վեր է, որ թիւրքիան դրւել է մի դիալեքտիքական կօլօսալ հակասութեան մէջ և դարձել մի փափուկ կոււախնձոր բոլոր պետութիւնների հա-

մար: Մեծ պետութիւններից իւրաքանչիւրի—սկսած փոքրիկ Իտալիայից մինչև՝ վիթխարի Ռուսաստանը— պատմական-ճակատագրական ձգտումն է՝ որքան կարելի է տնտեսական-ֆինանսական շահերի և քաղաքական ազդեցութեան մեծ մասնակցութիւն ունենալ Թիւրքիայում, շահագործել բարեպատեհ առիթները և որքան հնարաւոր է աշխատել սուլթանի երկրի այս կամ այն տերրիտորիան, ծայրն ու անկիւնը, ծովափեայ քաղաքը, նեղուցը գրաւել, իր փաստական զերիշխանութեան տակ առնել. ուրիշ խօսքով՝ օգտուել, ստանալ ու ձեռք բերել աւելի ու աւելի, քան եւրօպական որևէ այլ ախոյեան այդ անել կարող է: Իա կազմում է պետութիւնների իրական քաղաքականութիւնը:

Միւս կողմից գիւլյօմատիական կօմբինացիաների ժամանակ պետութիւններից իւրաքանչիւրի պաշտօնական (միտումաւոր) միտիան է՝ ի տես եւրօպական միւս էրազօրների, ամենամեծ նախանձախնդիր հանդիսանալու Թիւրքիայի քաղաքական ամբողջութեան, նրա հիմնական իրաւունքների անձեռնմխելիութեան և պաշտպանելու նրա պետական սուվերենիտետը (զերիշխանութիւնը): Պետութիւնների այդ պաշտօնական ձգտումները արտայայտուեցին մի քարացած ֆօրմուլայով—անխախտ և անեղծանելի պահել status quo, իրերի մի անգամ ընդմիշտ որոշած գրութիւնը:

Ահա այս հակընդէմ ու հակադարձ ձգտումների խորքումն են թագնւած միջազգային գիւլյօմատիայի գիւլեկտիքական կօլօսալ հակասութեան արժատները Թիւրքիայի հողի վրայ: Մի հակասութիւն, որ անմիջապէս ըզխում է կապիտալիստական արդիւնաբերութեան սիստեմից. մի հակասութիւն, որ ընտանհրաժեշտօրէն պայմանաւորւած է բուրժուազիայի և նրա դասակարգային պետութեան զաղութային քաղաքականութեամբ: Ուրեմն մի իրի, մի օրիեկտի նկատմամբ միևնոյն պետութիւնները ունեն երկու կարգի միմեանց

դիւմետրալ հակասական, միմեանց ջնջող ձգտումներ, նրանից (այդ օրինակից) կտորներ գրաւելու, ասել է նրան կազմալուծելու, և միևնոյն ժամանակ նրան պահպանելու, ամբողջութիւնը անխախտ պաշտպանելու ձգտումներ: Երկուսն էլ անխուսափելի, երկուսն էլ կենսական: Սակայն շնորհիւ այն հանգամանքի, որ այդ օրինակտը ուրիշ ոչ ոք չէ, բայց եթէ ինքը շահագրգիռ թիւրքիան, այդ պատճառով մինչև օրս, մանաւանդ Բերլինի կօնգրեսից ի վեր, իր լիարժէք բովանդակութեամբ իշխել է քաղաքական հորիզոնի վրայ պետութիւնների պաշտօնական միասիան, թիւրքիայի անգամ ամենաչնչին կտորի գրաւումը որևէ պետութեան կողմից, մանաւանդ Կ. Պօլսի ամբերում, ոչ միայն ցանկալի չէ միւս պետութիւնների համար, այլև մի այդօրինակ փորձ կհանդիպէ նրանց ուժեղ ու զինւած ընդդիմազրութեան: Ուստի իրերի բնական ընթացքը շնորհել է մինչ այժմ սբբազործւած status quo-ին տեական գոյութեան ուժեղ հիմքեր, նեցուկներ:

Այսպէս ուրեմն պետութիւնների պաշտօնական միասիայի կօնկլիտ արտայայտութիւնը, միտումաւոր քաղաքականութիւնը թիւրքիայի պետական ամբողջութեան նկատմամբ, ոչ միայն փաստապէս նսեմացրեց և անարժէք դարձրեց նրանց պաշտօնական հովանաւորութիւնը թիւրքահպատակ ջրիոտոնեաների վրայ, այլև ստեղծեց շահերի և յարաբերութիւնների մի այնպիսի «հաւասարակըշտութիւն» ու «համերաշխութիւն»—թէև առաձգական և բաղխումներով յղի, բայց և այնպէս մշտատե հաւասարակչութիւն ու համերաշխութիւն,—որ անորոշ ժամանակով շնորհեց Տաճկաստանին յարատե գոյութեան մի ամուր յենարան: Մնանկ ու քայքայւած,^ε հիւանդ գոյութիւն, բայց և այնպէս յարատե գոյութիւն հէնց այդ վիճակի մէջ: «Թիւրքիան—ասում է Կարլ Մարքսը—կազմում է լեզիտիմիստ Եւրօպայի մի վերաւոր կէտը: Լեզիտիմիստ և միապետական կառավարութեան սխտեմի

անընդունակութիւնը՝ սկսած ֆրանսիական առաջին յեղափոխութիւնից, արտայայտուել է մի նախադասութեան մէջ՝ ուղիղ և անխախտ պահել status quo-ն: Այդ ընդհանուր համաձայնութեան մէջ—այն է թողնել իրերը այնպէս, ինչպէս նրանք որևէ պատահականութեամբ առաջացել են—կայանում է տիրապետող պետական ոյժերի անզօրութեան և աղքատութեան այն ապացոյցը, որ նրանք կատարելապէս անընդունակ են զարկ տալու յառաջադիմութեան և քաղաքակրթութեան»⁸⁾: Որքան էլ ճիշտ և բնորոշ լինեն Եւրօպայի հասցէին ուղղած այդ մերկացումները ու բացասական յատկութիւնները, այնուամենայնիւ փաստը մնում է միշտ փաստ, այսինքն այն, որ Թիւրքիան շնորհիւ իր աշխարհագրական դիրքի՝ իր ասիական և եւրօպական բաժիններով դարձել է օտար տնտեսական-քաղաքական շահերի համար մի անզուսպ ու անսանձ մրցութեան առարկէզ, մի կուլինձոր, իսկ դա մի փափուկ գրութիւն է, որ մինչ աննախատեսանելի ապագայ ապահովում է նրա իրաւական-փաստական գոյութիւնը:

Այսքանը մեծ պետութիւնների անխուսափելի հակասութիւններով լի ընդհանուր դիպլոմատիայի մասին Թիւրքիայի նկատմամբ, որի առանձին կէտերին կզանանք մենք դեռ յետոյ: Այժմ մի քանի խօսքով տեսնենք թէ ինչ քաղաքականութեան է հետևում ինքը Թիւրքիան պետութիւնների հանդէպ:

Դիւանագիտական այն կօմբինացիան, որ վերասահեղձեց Բերլինի դաշնագրի զօրութեամբ, հարկադրեց սուլթանի կառավարութեան զիմելու երկսայրի քաղաքականութեան հայերի նկատմամբ: 61-րդ յօդուածի հիման վրայ նա ենթարկուում է «խիստ մեծ»

⁸⁾ Marx, «Die Nationalitäten in der Türkei beim Beginn des Krimkrieges» (S. in «Neue Zeit» XV տարի, 2 հատ. եր. 69) գրւած 1853 թ. «New-York Tribune» թերթում:

պատասխանատուութեան պետութիւնների հաւաքական ոյժի առաջ: Նշանակուած է նա պիտի դիմէր դրա վերաբերմամբ համապատասխան քաղաքականութեան: Տասնեակ տարիներ ընթացքում դատարկ խոստումների և խաբուսիկ յոյսերի անվերջ շարանը կազմեց սուլթանի արտաքին պաշտօնական միասիան, նրա քաղաքական պատասխանատուութեան էութիւնը: Սակայն նրա համար ամենագլխաւորը ներքին իրական միասիան էր՝ իր պետական շահերի համապատասխան ըէտլ քաղաքականութիւնը:

Ո՞րն էր այդ քաղաքականութեան բուն իմաստը:

Հայաստանում մտցնելիք ըէֆօրմների ծրագիրը սեւ ուրուականի նման հետևում էր Ելզըզ-Քիօսկի հրէշին և ծնեցնում նրա ուղեղում ջարդ ու կոտորածի դիւային ծրագրները: Սուլթանը, այդ՝ անպայման խելօք ու նենգամիտ քաղաքագէտը, շատ լաւ գիտէր, որ ըէֆօրմների հիմքում դրւած է հայերի և մուսուլմանների թւի յարաբերութիւնը: Ուրեմն կոտորածով թէ գաղթականութեամբ հարկաւոր էր որքան կարելի է շատ նւազեցնել հայերի քանակը հայկական վիլայէթներում, որպէս զի թւական ոյժն ու առաւելութիւնը այնքան ծանրանայ, որ ոչ մի կարևորութիւն չունենայ այլևս, որպէս զի Հայաստան առանց հայերի մարդաջինջ լօզոնզը հասնէ իրականացման ամենաբարձր և ամենաայլանդակ չափերին: Սոստումներ, առաջադրած ուլտիմատումներին ներողամտական սին պատասխաններ արտաքուստ, պաշտօնապէս, և կոտորած, մասսայական ջարդ ու աւեր՝ ներքուստ —ահա սուլթանի երկսայրի քաղաքականութիւնը, որով այդ «թագակիր Մաքիավելին ոտքից մինչև գլուխ շաղախւած մարդկային արեան մէջ, կարողանում էր խաբել և դևո մինչև այժմ խաբում է և քթից բռնած ման է ածում եւրօպական պետութիւններին՝ հաստատելով իր բարեկեցութիւնը նրանց փոխադարձ երկիւղի և տարածայ-

նութիւնները վրայ»։ Իսկ կոտորածների կրիտիքական բողոքներին թիւրք կառավարութիւնը կարողանում է «առևտրական մենարտոնութիւնների, ընծաների և դիւանագիտական զիջումների միջոցով որևէ պետութեան (մի կամ մի քանիսի) բարեացակամութիւնը վաստակել», որն իր կողմից վաստակեցնում է իր խնտիմ բարեկամին հետևելով՝ մենք վճարար չենք բարձրացնի բարենորոգումների հարցը, մենք կլսենք և կպահպանենք status quo, բայց, խնդրեմ, դուք էլ այնպէս արէք, որ ձեզանում գոնէ արտաքուստ, ամեն ինչ խաղաղ լինի»⁹⁾։

Միջնադարեան բռնակալը շարունակեց մինչև օրս ամենայն յաջողութեամբ իր ջարդ ու կոտորածի քաղաքականութիւնը, անցնելով Տաճկահայաստանում ու Մակեդոնիայում չտեսնած ահագնասոսկ սարսափների մի շրջան։ Իսկ դիպլոմատի և կապիտալիստի պաշտօնական Եւրօպան սառնասրտութեամբ դիտեց և և համբերատարութեամբ տարաւ այդ բոլորը. այսինքն նա բռնեց այդ ամենի հանդէպ այն դիրքը, որն ամենից շատ համապատասխանում էր իր շահերին ու դիւանագիտական ձգտումներին։ Եւ տաճկահայ խնդրքը քննողն ու հասկացողը պէտք է ոչ թէ բարոյագէտի մեղադրական ակտ կարգայ Եւրօպայի հասցէին, այլ պէտք է քաղաքագէտի բէալիստական մասշտաբով վերլուծէ երևոյթի արմատներն ու պատճառները։

⁹⁾ Ալեքսանդր Ամֆիտէատրով «Եւրօպա և Հայաստան» կր. 16 և 18։

V.

Հայկական հարցի լաւատեսութեան եւ շոտետեսութեան շրջանը

Դիպլոմատիական դուալիզմը:—Տաճկահայ խնդրի քաղաքական երկակի բնոյթը Բերլինի վեհաժողովից յետոյ:—Ակնկալութիւնների և իլլիզիտաների շրջանը:—Գաշնակցութեան իդէօլօգներէ խանդավառ յոյսերը:—Սիստեմարիկ կատորածների միաուժաւոր քաղաքականութիւնը:—Քր. Միքայէլեանի հակասութիւնները:—61-րդ յօդուածը՝ լաւատեսութեան և յոտետեսութեան մի մնայուն աղբիւր:—Եւրօպական պետութիւնների և Թիւրքիայի ընդհանուր քաղաքական պլատֆօրմը և Տաճկահայ խնդիրը:

Նախընթաց գլխում մենք համառօտաբար ուրուագծեցինք եւրօպական մեծ պետութիւնների ընդհանուր դիպլոմատիան Թիւրքիայի հանդէպ և թիւրք կառավարութեան քաղաքականութիւնը եւրօպայի հանդէպ: Երկու գէպքումն էլ քաղաքականութիւն ասածդ երկակի բնոյթ ունէր—երես ու աստառ, արտաքին ու ներքին միասիտ, պաշտօնական և իրական քաղաքականութիւն.—անա այն դիպլոմատիական դուալիզմը, որ ճակատագրական անհրաժեշտութեամբ դարձաւ պետութիւնների «Die heilige Allianz»-ի—«Սուրբ Գաշնակցութեան»—պատմական-քաղաքական շարժումների և տնտեսական նւաճումների էսսէնցիան, կորիզը:

Այժմ տեսնենք, թէ ինչ վիճակի մէջ էր «Հայկական Հարցը» սկսած Բերլինի վեհաժողովից, այսինքն այն օրից ի վեր, երբ նա դարձաւ մի քաղաքական օրիէկտ ընդհանուր դիպլոմատիայի համար:

Տաճկահայ խնդիրը ևս երկակի քաղաքական բնոյթը ունէր, տաճկահայերի դրութիւնը ևս ենթակայ էր մի ճակատագրական դաժան դուալիզմի: Այդ երկակի բնոյթը մենք ձևակերպում ենք այսպէս. 1878 թ. ըսկսած թիւրքահայերի համար բացոււմ է անպտօղ յոյսերի, դատարկ խոստումների, անբովանդակ ոգևորութեան և վերամբարձ իլլիզիւանների մի տեսական շրջ-

ջան: Այդ մի կողմից: Միւս կողմից, սակայն, հէնց նոյն շրջանը բաց արաւ հայերի համար անլուր սրածուծեան ու աւերածութեան, անխնայ ջարդ ու կոտորածի, բարբարոսութիւնների և հալածանքների մի յամբընթաց ու անվերջ պրօցեսս:

Երկուսն էլ անխուսափելիօրէն կատարւած երեւոյթներ:

Առաջին բուն աղբիւրը Բերլինի դաշնագրի 61-րդ յօդւածն էր. ապա 1895 թւականի մայիսեան ըէֆօրմների ծրագիրը կամ առհասարակ միջազգային դիւանագիտութեան կօնցերտում առաջացած հայերի համար պաճ մի նպաստաւոր երեւոյթն ու կօմբինացիան, լինեն դրանք՝ Ալէքսանդր II կայսրի բռնած «նպաստաւոր» գիրքը, Լօրդ Գլադստօնի «մարդասիրական կրակոտ» ճառերը, նախկին մինիստր Դելկասէի տւած «մխրթարական» խոստումներն ու յոյսերը, թէ Միացեալ Նահանգների նախագահ Րուզւելտի արտայայտած պլատօնական «ցաւակցութիւնը»—ողջ մէկ են: Ամեն անգամ յոյսն ու խանդավառ ոգևորութիւնը, ապագայի փայլուն հեռանկարը տոգորում էր ոչ միայն պարզամիտ հայ ժողովրդին, այլև նոյնքան պարզամիտ և քաղաքագիտական հոտառութիւնից զուրկ հայ յեղափոխական կազմակերպութեան:

«Հեռագիրն իսկոյն լուր տարաւ ամեն կողմ—ասում է պ. Ego-ն ինքնաբաւական տոնով,—թէ Դելկասէն ընդունել է Դրօշակեան ծրագիրը (մշակւած 1901 թ.): Եւ դարձեալ ուրախութիւն, դարձեալ յոյսի ճառագայթներ հայկական շրջաններում: Ինչո՞ւ թագցնել—մենք էլ ուրախ էինք (նօտր գէրը մերն է): Զւարթօրեք էին, հազւագիւտ, յուսատու: Առաջին անգամն էր, որ դիպլօմատիան ընդունում էր մի յեղափոխական կուսակցութեան պատիրակութիւն և ականջ դնում նրա իրազեկ թելագրութիւններին» 10):

10) Ego, «Գորդեան Հանդոյցը» (տես «Յառաջ» № 58):

Այսքան թեթե ու միամտօրէն են վերաբերել Հ. Յ. Դաշնակցութեան իդէօլօգները դէպի քաղաքական երևոյթները: Բաւական էր յարաբերութիւնների մի կրիզիս, մի քաղաքական կօնֆլիկտ Թիւրքիայի և եւրօպական որևէ մեծ պետութեան մէջ, որպէսզի դաշնակցական «քաղաքագէտները» փարեն արտաքին գործոց մինիստրին և յոյսերի ու ակնկալութիւնների մի վիթխարի հիւսւածք բարձնն նրա շիւնքին: Եւ վերջուժը դարձեալ յուսախարութիւն, դարձեալ վհատում: Տասնեակ տարիների ընթացքում նրանց քաղաքագիտական մանկամտութիւնը չհասունացաւ, չմարզեց դիւանագիտութեան հնոցում, դուրս չեկաւ իր օրօրոցային վիճակից:

Տաճկահայ խնդրով տարւած Հայ Յեղ. Կազմակերպութիւնը չէր դադարում օրն ի բուն ճառելու և գրելու, որ միջազգային դիւանագիտութեամբ սրբագործւած «Հայկական Հարցը» պիտի շատ շուտով ստանայ իր բարերար լուծումը, նպաստաւոր յենակէտ ունենալով Բերլինի դաշնագրի 61-րդ յօդւածը:

«Մենք մի զօրեղ նպաստաւոր հանգամանք ունեցանք,—ասում է Դաշնակցութեան նախկին պարագլուխը,—որ վերջապէս պիտի որոշէր, արագացնէր հայութեան ելքը իր տատանման շրջանից: Այդպիսի մի հանգամանք եղաւ Բերլինի դաշնագիրը իր 61-րդ յօդւածով: Եթէ մինչև այդ յօդւածը՝ ջնջման հեռանկարից խուսափել ուղենալով, ջլատւած, տկարացած և իր տըխուր անցեալի բազմաթիւ բացասական հետքերը կրող հայը կարող էր նաև վախենալ ըիսկի (յեղափոխական ըիսկի, Բ. Ի.) վտանգից,—այդ յօդւածով (նօտրգիրը հեղինակինն է) հայութիւնն իրեն արդէն դաշնակից (նօտրգիրը մերն է) է տեսնում եւրօպական վեց պետութիւններ և աջողութեան պայմանական յոյսերը ուղղակի հաւատի պիտի

փոխարկւէին» (նօտրգիրը մերն է) 11):

Ուրեմն 61-րդ յօդւածը դարձաւ հիմնակէտն ու ելակէտը այն բոլոր իլլիւզիօն ակնկալութիւնների և ազատագրական ձգտումների, որոնցով ոգևորուած էին հայ յեղափոխական կազմակերպութիւնները և յորդորներով ոգևորցնում իրենց ատորագրւած ժողովրդական մասսաներին: Սա արդէն տաճկահայ խնդրի առաջին բնոյթն էր՝ խոստումներով և սոսկ յոյսերով վարագորւած արտաքին շղարշը:

Սակայն մենք գիտենք, որ նոյն այդ յօդւածը ամենամեծ և զրեթէ միակ պատճառը դարձաւ տաճկահայ խնդրին մի այլ, և իբրաւ աւելի իրական ու ներքին բնոյթ շնորհելուն: Դիւանագիտական հետամտութիւնը՝ թէև թոյլ ու անբողոք, և ծրագրային բէֆօրմների իրականացման ուլտիմատումները հարկադրեցին թիւրքիային մշակելու և իրականացնելու մի առանձին քաղաքականութիւն հայերի նկատմամբ, որ առաջ գոյութիւն չունէր նոյն չափով ու ծաւալով: Դա թիւրքիայի սխտեմատիկ կոտորածների ու հալածանքների միտումաւոր քաղաքականութիւնն էր, որի մասին մենք խօսեցինք նախընթաց գլխում: Եւ Հ. Յ. Դաշնակցութեան հանգուցեալ պարագլուխը, որ վերոյիշեալ ցիտատով ազատագրութեան այնքան մեծ յոյսեր է վերագրում 61-րդ յօդւածին, և միամտօրէն հայերին՝ աջակից դաշնակիցներ հռչակում եւրօպական վեց պետութիւններին, ամենևին չի նկատում, թէ ինչպէս նա ուղղակի իր այդ ասածների դէմ քարեր է շպրտում մօբալիսալի այն շանթահար ու յանդիմանիչ պարսաւանքներով, որոնց նա իր գրքի զանազան մասերում (օրինակ երես 13, 27, 57 և այլն) ուղղում է եւրօպայի հասցէին—«եսսամոլ, աչքածակ և դաւաճան» եւրօպայի դէմ: Քր. Մի-

11) Քր. Միքայէլեան, «Ամբոխային տրամաբանութիւն» եր. 32—33:

բայէլեանը չի նկատում բոլորովին, թէ ինչպէս իր թւած բոլոր յայտնի հեղինակներէից առաջ բերած կարծիքները՝ որոնց տակ Քր. Միբայէլեանը ջուխտ ձեռքով ստորագրում է, հիմնապէս հերքում են իր սեփական կարծիքը ճշրդ յօդւածի մասին: Եւրօպայի և Ամերիկայի բազմաթիւ գրողներ ու պարլամենտական գործիչներ՝ սկսած միսիօնար Գրինից մինչև սօցիալիստ Ժօրէսը (օրինակ՝ Մակ-Կօլ, Բրայս, Գիլօն, Կամարովսկի, Լեպցիուս, Բօլլէն-ժակմէն և այլն), որոնք արտայայտել են «Հայկական Հարցի» առթիւ, միաբերան վկայում են, որ ճշրդ յօդւած ասածդ ունեցաւ ամենատրտաբեր նշանակութիւնը տաճկահայերի համար, որ ըէֆօրմիների այդ ուլտիմատում պահանջները դարձան ամենագլխաւոր պատճառն ու մօտիւը այն չարիքների՝ կոտորածների ու հալածանքների (միթէ կարիք կայ թւել այստեղ, թէ որոնք են այդ կոտորածներն ու հալածանքները), որոնք կազմեցին սուլթանի միտումաւոր քաղաքականութեան էութիւնը տասնհակտարիներ շարունակ (տես նախընթաց գլուխը՝ Թիւրքիայի երկսայրի բաղաքականութեան մասին):

Ուրեմն պահանջների և ըէֆօրմիների մի յօդւած, մի դիւանագիտական ակտ, որ 70-ական թւականների վերջերից սկսած ազատագրւած բարեկեցիկ կեանքի նախանշաններ էր ցոյց տալիս, յոյս ու ոգևորութիւն ներշնչում հայ ժողովրդին ու նրա յեղափոխական իդէօլօգներին, նոյն այդ յօդւածը իրապէս դարձաւ դրժոխային կեանքի վերաստեղծման և դառն յուսախաբութեան մի անկրկնաքար: Միևնոյն դիւանագիտական ակտը, ասում ենք, դարձաւ լաւատեսութեան ու յոռետեսութեան մի մնայուն աղբիւր: Այսպիսով հայերի վիճակը, «Հայկական Հարցի» դիպլօմատիական գրութիւնը ևս անխուսափելիօրէն խճողած էր մի դիպլօմատիական հակասութեան մէջ: Չէ՞ որ ինքը Տաճկա-Հայաստանը ընդհանուր դիւանագիտական խղերին ենթակայ մի օրիկտ

էր՝ մի կողմից եւրօպական պետութիւնների, միւս կողմից Թիւրքիայի միջև. նշանակում է նրանց հակասական քաղաքականութիւնից պիտի անհրաժեշտօրէն ըղխէր մի հակասական անել դրութիւն և՛ հայերի ու «Հայկական Հարցի» համար:

Մինչև այժմ, նախընթաց պլուխներում—եթէ ուշի ուշով հետևել է ընթերցողը—մենք համառօտաբար և ճշգրիտ սահմանների մէջ ուրւազօժեցինք այն ընդհանուր քաղաքական պլատֆօրմը,—առհասարակ «Արևելեան Հարցի» և մասնաւորապէս «Հայկական Խնդրի» նկատմամբ,—որ ունեն՝ մի կողմից եւրօպական մեծ պետութիւնները՝ իբրև մի հաւաքական միութիւն, իսկ միւս կողմից Թիւրքիան՝ իբրև մի առանձնացած միաւոր: Ապա մենք ցոյց տւինք այդ պլատֆօրմի վրայ այն միջին դիրքը, որ ունի Տաճկահայ Խնդրի, երկուստեք դիպլօմատիական յարաբերութիւնները միմեանց օգակող օրիէկտը:

Ուրեմն եթէ մեզ համար պարզեցինք քաղաքական մարմինների (Եւրօպայի թէ Թիւրքիայի) մի անգամ ընդմիջտ գրաւած պօզիցիաները en bloc,—ըստ քաղաքական-պատմական տենդենցիաների՝ ամուր ու մնայուն, իսկ ըստ ձևերի՝ առաձգական ու փոփոխական դիրքերը,—ապա մեզ մնում է այժմ անցնել մեր թեմայի երկրորդ՝ գուցէ աւելի կարևոր մասին. ռըն է, արդեօք, այն պետութիւնը, որ ամենամեծ քաղաքական դերն է խաղում «Արևելեան Խնդրի» վերաբերեալ եղած ընդհանուր դիւանագիտական կօմբինացիաների ժամանակ և կազմում ամենաողժեղ հակառակորդն ու ազդեցիկ խոչնդօտը Տաճկահայ Խնդրի նպատաւոր լուծման. այնուհետև՝ ի՞նչ են ներկայացնում միւս պետութիւնները առանձին-առանձին վերցրած՝ «Հայկական Հարցի» նկատմամբ:

VI.

Ռուսաստանի քաղաքականութիւնը եւ տանկանայ
խնդիրը

Ռուսաստանի ծանրակշիռ դերը «Արևելեան Հարցում»:—Նրա իմպերալիստական ձգտումները նպատակը:—Ռուսաստանի մասնակցութիւնը Կրեմէի և արևել. Ռումիլիայի գործում:—Ցարի դիպլոմատիան Մակեդոնիայի նորագոյն ապստամբութեան օրով:—Եւրօպայի դիրքը Ռուսաստանի առաջխաղացման հանդէպ մերձաւոր արևելքում:—Ռուսաստանի քաղաքականութիւնը «Հայկական Հարցի» նկատմամբ:—Գաշնակցական իդէօլօգիաների խոստովանութիւնը:—Ռուսաստանի հետեղական ու սխտեմատիկ քաղաքականութեան մօտիւնները «Հայկական Մնդրի» վերաբերմամբ:—
1. Թիւրքիայի ամբողջութեան անձեռնմխելիութեան խնդիրը:—
2. Ռուսաստանը՝ ինքնավար Հայաստանի պատմական թշնամի:—
3. Ռուսաստանի և Թիւրքիայի մտերմութեան-քարեկամութեան ձգտումը:

Ով ուշի ուշով նետեւել է «Արևելեան Մնդրի» վերաբերմամբ տեղի ունեցած և ունեցող մեծ պետութիւնների դիպլոմատիական յարաբերութիւնների այսպէս կոչւած հանգոյցաւոր կէտերին, նա պարզ նկատած կլինի, թէ վեց պետութիւններից որն է վերցնում իր վրայ կնճռոտ հարցին պատասխանելու առաջին և վերջին խօսքը, ով է ծանուակշիռ գեր խաղում և վճռական ուղղութիւն տալիս դիւանագիտական յարաբերութիւններին: Դա Ռուսաստանն է, բռնակալ ցարիզմի թոնաւոր գոյութիւնը, եւրօպական կուլտուրայի և յառաջագիմութեան ամենամեծ մահացու թըշնամին: Եթէ կայ միջազգային դիւանագիտութեան ողջ կօնցերաում մի սահման, ուր այնքան մեծ արժէք ու նշանակութիւն ստացաւ Ռուսաստանի քաղաքական հեղեմօնիան, առաջնութեան դիրքը, դա «Արևելեան Հարցն» էր և է: Երբ Բերլինի կօնգրեսից առաջ, ասում ենք, ցարի կառավարութիւնը սեփական ինտերեսներ

րից շահագրգռած էր զզուժ ստանձնել իր վրայ սլա-
ազգութիւնների ազատութեան ձեռներէցութիւնը, ա-
պա 70—80 թւականներին՝ երբ «Արեւիկեան Սնորի» բո-
լոր հատուածներում այնքան ուժեղ (բայց ոչ հաւա-
սարապէս) շեշտեց միջազգային իրաւունքի մասնակ-
ցութեան անհրաժեշտութիւնը, շարունակեցին, այ-
նուամենայնիւ, ծանրակշիւ նշանակութիւն ունենալ
Ռուսաստանի եղակի ցանկութիւնն ու դիւանագիտա-
կան որոշումները:

Սերբիայի և Բուլղարիայի ազատութիւնից յետոյ
Ռուսաստանը շատ լաւ էր հասկանում, որ իր «ազա-
տարար» դերը Բալկանեան թերակղզում չունի ամե-
նեին այն նպաստաւոր հետեանքները, որոնք սկզբում
շահագիտական մտիւններ են ծառայել նրա համար մեր-
ձաւոր արեւելքի քաղաքականութեան մէջ: Նրա ձեռ-
առումների նպատակը՝ ձեռք բերել ծովափեայ մասերի և Գար-
դանիկեան նեղուցի վերահսկողութիւնը, կլանել իր մէջ ա-
զատազրւած ժողովուրդների տերիտորիաները—գլուխ չէ եկել
և չի կարող ժողովուրդների «ազատարար» դերով: Ռու-
սաստանի նւաճողական—իմպերիալիստական տենդեն-
ցիաները քարին էին դիպչում Բերլինի զաշնագրից
յետոյ աւելի ու աւելի, քան տոաջ: Եւ մեծ մասամբ
այդ է պատճառը, որ նա 78 թւականից ի վեր մեր-
ձաւոր արեւելքի իր դիպլոմատիական շարժումներին տը-
ւաւ բունակալական անողորմ ընթացք: Արեւիկեան քը-
րիստոնեաների պաշտօնական «պաշտպանը» իրապէս
զարձաւ արեւելեան քրիստոնեաների տեւական ստրկու-
թեան շղթաները դարբնողը:

Ռուսաստանն էր, որ Բերլինի կօնգրեսից մի քա-
նի տարի անցած ուժեղ կերպով ընդդիմանում էր Ա-
րեւելեան Ռուսիկան Բուլղարիայի հետ միացնելու ձեռ-
տումներին. մի ուլտիմատում, մի ցանկութիւն, որի
զէմ եռապետական զաշնակցութիւնը ոչինչ չունէր ա-
սելու և անելու: Ռուսաստանն էր, որ մինչև վերջը

խանգարեց կրօնին Յուսաստանի հետ միացնելուն, անելով այն անհիմն ու կեղծ առարկութիւնը, որ իբր այդ հանգամանքը առիթ կտար Բալկանեան թերակըզու ազգութիւնների անհանգստութեան և գժտութեան: Եւ Ռուսաստանի այդ եզակի ցանկութեան շտապեց միանալ Գերմանիան, ապա միւս պետութիւնները: Անգլիան չէր կարող և զգալի շահ էլ չունէր այդ խնդրի առթիւ Ռուսաստանին հակառակելու: 1897 թ., երբ Վիլհելմ Լիբկնեխտը ևս առիթ ունեցաւ Կրետէի մասին արտայայտելու, խոր յոռետեսութեամբ և իրաւացի պաթօսով, կժու կըքոտութեամբ նկատում էր ի միջի ալլոց հետեւեալը. «Ամբողջ աշխարհը ներկայացնում է Ռուսաստանի համար կամ մի զիտակից զօրաւիգ, օգնական, կամ թէ ոչ մի ստրկամիտ գործիք: Եւրօպան մի գժանոց է ներկայացնում ինքն իրենից»:

Դիմենք նորագոյն անցեալին:

Մի քանի խօսքով շոշափենք այստեղ այն դիպլոմատիական շարժումը, որ տեղի ունեցաւ մակեդոնական ասպտամբութեան օրով: Բաւական երկար ժամանակ էր տեւել մակեդոնական խռովայոյզ ցոյցերի սկզբնաւորութիւնից մինչև այն րոպէն, երբ ռուսական արտաքին գործերի մինիստր կօմս Լաժստօրֆը բարձրագոյն հրամանով ժամանել էր Վիեննա՝ տեղական իր պաշտօնակցի՝ Գօլուխովսկու հետ, ըէֆօրմների ծրագիր մշակելու համար: Ով հետեւել է այդ ժամանակ քաղաքական կեանքի ընդհանուր տրամադրութեան, նա լաւ նկատած կլինի, թէ ինչպէս արեւմտեան Եւրօպայի հանրական կարծիքը, քաղաքական մամուլը, պարլամենտը, հրապարակական միտինգները և այլն, իրենց թեր և դէմ վճիռներով, զբաղման նիւթ էին դարձրել խիզախ Մակեդոնիայի հերոսական կռիւր: Մակայն ոչ մի տեղից չէր նկատուում որևէ զրական քայլ: Քարացել էր ամբողջ արկածեան Եւրօպան և աչքը յառել իր արևելեան հզօր ու բռնակալ զինակցին: Այն, նա է միակը,

նա է վճռական ու կտրուկ ոյժը, որի ձայնին շտապեցին միւս հինգ պետութիւնները՝ համակիր թէ հակակիր, իրենց համաձայնութեան քուէն տալ: Ոչ մէկը նրանցից թոյլ չտուաւ իրան կամ անպատշաճ համարեց յօգուտ կամ ի վնաս Մակեդոնիայի որևէ առաջարկութիւն անելու ծրագրուած ըէֆօրմների նկատմամբ և անցկացնելու: Ռուսաստանի համար օրինական գոհացուցիչ նօրմաները առանց այլևայլութեան գոհացուցիչ համարեցին և միւս պետութիւնների համար: Ֆրանսիական հանրապետութիւնը նկատելով իր դաշնակցի առաջխաղաց քայլը, շտապեց բազմաթիւ պործակալներ կարգել Մակեդոնիայում և Ֆրանսիական դրոշակը փոզփոխել տալ: Սակայն նա ստիպուած էր շուտով յետ նահանջել իր յոգատար ձգտումներից, որովհետև դրանով սուէր էր ընկնում իր հզօր դաշնակցի առաջնակարգ հեղինակութեան վրայ. մի բան, որ իր ժամանակին նկատեցին Պետերբուրգի դիպլօմատիական շրջանները և նրանց օրգանները, ամենից առաջ «Новое Время»-ն:

Եւրօպական միւս հինգ պետութիւնները—այս մոռանալու չէ երբէք—ամենևին շահագրգռուած չեն զգում իրենց ըէալ ինտերեսների հետ առընչութիւն չունեցող որևէ խնդրի նկատմամբ առաջխաղաց քայլ անելու մանաւանդ այն դէպքում, երբ նրանցից մէկի կամ մի քանիսի այգօրինակ վերաբերմունքը անախորժութիւն կպատճառէ արևելեան քրիստոնեաների պաշտօնական հովանաւորին: Միանգամայն այլ բան է. իհարկէ, եթէ Ռուսաստանի շահագիտական առաջխաղացումը մերձաւոր արեւելքում զգալի վտանգ է սպառնում միւս պետութիւնների քաղաքական շահերին: Այդ դէպքում արդէն դիւանագիտութիւնը փոխում է իր նօրմալ ընթացքը և դիմում լուրջ, հակազդող միջոցների: Փաստ՝ Ղրիմի պատերազմի ժամանակ Անգլիայի և Ֆրանսիայի բռնած ժխտական դիրքը դէպի Ռուսաստանի իմպերիա-

լիստական քաղաքականութիւնը: Փաստ՝ Սան-Ստեֆանոյի դաշնագրի 16-րդ յօդուածի փոխարինումը՝ Անգլիայի ձեռնհրէցութեամբ, Բերլինի դաշնագրի 61-րդ յօդուածով, երբ ժամանակակից անգլիական դիւանագիտութեան տոն տուող երկու ազգեցիկ ներկայացուցիչները՝ Լօրդ Բեկօնսֆիլդ և լօրդ Սօլիւսբերի ի միջի այլոց կործանեցին Մեծ Բուլգարիայի ծրագիրը, ստիպեցին դուրս հանել Հայաստանից ուսաց զօրքերը:

Ռուսաստանի այս ընդհանուր դիրքից՝ դէպի «Արևելեան Խնդիրը», դիւրին է այժմ մեզ համար անցնել նրա մասնաւոր քաղաքականութեան՝ դէպի «Տաճկահայ Խնդիրը»:

Եթէ Ռուսաստանը իր quasi ազատարար դերը առհասարակ «Արևելեան Հարցի» նկատմամբ, փոխարինել է ձեռնպահ, դժկամակ և բացասական դերով, ապա մասնաւորապէս «Հայկական Հարցի» վերաբերմամբ նա,—գաղտնիք չէ այդ—գաւազիր է և նենգաւիտ, բացարձակ հակառակորդ է: Տասնեակ տարիների պատմութիւն ունենք մեր յետևը, սկսած յատկապէս 90-ական թւականներից, որ բացայայտ վկայում է թէ ով է «Հայկական Հարցի» անլուծելի, առկախ վիճակի ամենամեծ պատճառը: Յիշենք 1895 թ. մայիսեան ընթացքները, որոնց մեծ պետութիւնների դեսպանները միահամուռ դիմումով վճռական պօստուլատ էին դարձրել և իրազորման միջոցներ պահանջում սուլթանից: Սակայն բաւական էր ուսական դեսպան Նելիդովի գաւազիր, երկդիմի դիրքը՝ բոլորի վճիռն ու տրամադրութիւնը փոխելու համար: Դա Ռուսաստանի ամենաակնյայտնի և ուժեղ բացասական քաղաքականութիւնն էր հայերի նկատմամբ: Եւ այս խոշոր փաստը բաւական չէ միայն ապացուցանելու, որ միջամտող պետութիւններից ամենամեծ չափով Ռուսաստանն է «Հայկական Խնդրի» լուծման անընկճելի հակառակորդն ու թշնա-

մին, այլև այն, որ միայն Ռուսաստանի դիրքն ու ցանկութիւնը բաւական էր, որ այս կամ այն ուղղութիւնը տար դիւանագիտական գաղտնի յարաբերութիւններին՝ «Հայկական Հարցի» նկատմամբ: Իսկ Ռուսաստանը, ինչ ասել կուզէ, ունի միշտ սրտակից բարեկամ իր կողմը թեքելու համար,—գա ամենից առաջ Գերմանիան է, ապա Աւստրիան, իսկ այնուհետեւ Ֆրանսիան և Անգլիան ոչ միայն ունին չեն կարող աւել, այլև չէին ուզենայ անել: Լօբանօվ-Ռօստովսկին—ուս. արտաքին գործերի մինիստրը—ոչ միայն չէր ուզում երկրորդ Բուլղարիա ստեղծել յանձինս Տաճկա-Հայաստանի, այլև նրա Պօլսի ներկայացուցիչը՝ Նելիզօվը, ջարդ ու կոտորածի ցինիկական խրախոյս էր կարողում արնախումհրէշին. «Massacrez, Majesté, massacrez» ջարդեցէք, վեհապէտ, ջարդեցէք, — լօզունգով: Ինքը՝ Դաշնակցութեան կենտրոնական-պաշտօնական օրգանն իսկ հեռու չէ խոստովանելու այդ տարրական իրողութիւնը. «Տասը տարի առաջ—ասում է «Դրօշակ»-ը,—երբ հայկական կոտորածների սարսափեցուցիչ լուրը աշխարհ պատեց, առաջին կառավարութիւնը, որ հրճուանքով լեցեց՝ Մոսկովեան միապետութիւնն էր, և առաջին գահակալը, որ իր յաջողութիւնը կրկնապատկեց տեսաւ, դա ձմէրային պալատի գաղտնի թուլամիտն էր: Երկուսն էլ՝ մէկը իբրև ղեկավարող, միւսը իբրև գործադրող, իրագործած տեսան Լօբանօվի գաղանային բերանով պատգամած ծրագիրը՝ Հայաստան առանց հայութեան»¹²⁾: Այնուհետև «Կովկասեան վէրքերի» մէջ է. Ակնունին բազմաթիւ փաստերով ցոյց է տալիս, թէ ինչպիսի մեծ շարիք, անպարտելի խոչընդոտ է համարում ողու կառավարութիւնը ոչ միայն Կովկասում՝ խեղդելու համար ամեն մի յեղափոխական շարժում յօգուտ թիւրքահայերի, այլև դիպլօմատիական յարաբերութիւնները ժա-

12) «Դրօշակ», առաջնորդող, № 2, 1905 թ.:

մանակ՝ խորտակելու «Հայկական Խնդիր» ասածը, նոյն իսկ ըէֆօրմների ամենահամեստ ծրագրով: «Ամեն անգամ—նկատում է Ակնունին,—երբ յուզւած Եւրօպան փորձեր էր անում, թէև թոյլ, արդարութեան ծայն (նօտրագիրը մերն է) բարձրացնելու յօգուտ տանջող ու կռող հայութեան, միշտ և ամեն տեղ արևելեան քրիստոնեաների պաշտպանն էր (Ռուսաստանը), որ հանդէս էր գալիս իրրև դիմադրող, հակառակորդ և յաճախ՝ իրրև բացարձակ թշնամի» 13):

Այնուհետև վերջին ժամանակներս, լեզու մամուլի մէջ 14), դաշնակցական իդէօլօգները աւելի ու աւելի համողւած շեշտումներով պնդում ու խոստովանում են, որ իրաւ Տաճկահայ Խնդրի մինչ այժմ առկախ մնալու և նրա լուծման գործում ամենավճռական ու ամենաուժեղ ֆակտօրը կազմում է Ռուսաստանը: Թէ ինչպիսի խոշոր ու անել հակասութեան մէջ ընկաւ Դաշնակցութիւնը իր խոստովանութիւններով և իրական գործունէութեամբ, դրան կդառնանք մենք յետոյ, երբ կքննենք Դաշնակցութեան գործունէութեան երկակի մեթօդը: Իսկ առայժմ քննենք և տեսնենք, թէ ի՞նչ շարժառիթներից, ի՞նչ ընկալ մօտիւններից դրուած է Ռուսաստանը դիմում այդ օրինակ հետեւողական ու սխտեմատիկ քաղաքականութեան՝ «Հայկական Հարցի» նկատմամբ:

Ռուսաստանի մտածւած ու հեռատես քաղաքականութիւնը՝ «Հայկական Խնդրի» նկատմամբ, առաջնորդուած է, անտարակոյս, իր որոշ մօտիւններով:

Նախ ընդհանուր առմամբ: Միահեծան Ռուսաստանը աւելի, քան եւրօպական որևէ այլ պետութիւն, շահագրգռւած է միահեծան թիւրքիայի գոյութեամբ,

13) Է. Ակնունի «Կովկասեան վէրքեր» էր. 284:

14) Տես «Յառաջ» № 22—25, առաջնորդող. սպա «Յառաջ» 53, 56, 58, 61 և 64, «Գորդեան հանգոյց», Էցօ-ի:

նրա ամբողջութեան անձեռնմխելիութեամբ: Կամ Թիւրքիայից պոկւած, բաժանւած կտորները՝ Փոքր Ասիայում թէ Բօսֆօրի ափերում, իմ ձեռքս ընկնեն, կամ թէ չէ նա մնայ անսասան իր լի ամբողջութեամբ, — ահա ինքնակալ ցարիզմի դարաւոր քաղաքականութեան դեւիզը: Եւ վերջին տասնամեակների ընթացքում, երբ Ռուսաստանն իր նւաճումների և գրաւումների քաղաքականութեան յինակէտը մերձաւոր արեւելից տեղափոխեց ծայրագոյն արեւելք, — նա հետեւեց Թիւրքիայի վերաբերմամբ ունեցած իր երկընտրանք դեւիզի երկրորդ մասին: Յարի կառավարութիւնը լաւ գիտէ, որ Թիւրքիան դառնալով միջազգային քաղաքականութեան մի օրբեկտ, չի յաջողիլ իրեն առանց այլևայլութեան իր օկուպացիայի տակ առնել Բօսֆօրը, անկարող պիտի լինի իր ձեռքը «զաւթելու» հաւանած ու ցանկացած մասերը Փոքր Ասիայում: Նոյն իսկ, եթէ ուզում էք, Ռուսաստանի համար ցանկալի չէ Դարդանելի լուծումը, որովհետև հակառակ դէպքում Ռուսաստանի Սև Ծովեան նաւահանգիստները կօնֆլիկտի բոլորներում կենթարկեն անգլիական կամ այլ թշնամացած պետութեան պատերազմական նաւերի ուժակոծութեան վտանգին:

Երկրորդ. Ռուսաստանը չունի բացարձակապէս ոչ մի շահ ու ինտերես — եթէ չասենք վրաս ունի — տեսնել ինքնավար Հայաստան Քոքըր Ասիայում, կամ գէթ բարւոք վիճակ ունենցող հայութիւն նոյն միջնավայրում: Զ՞է որ միջազգային դիւանագիտութեան գրաւականներով ապահովւած ու երաշխաւորւած ինքնավար Հայաստանը կդառնայ ամենամեծ արգելադիմ խոչնդոտը՝ ընդմիշտ մի անանցանելի պատենշ փորելու Ռուսաստանի գաղութային քաղաքականութեան տենդենցիաների առաջ մերձաւոր արեւելքում: Զ՞է որ ազատ ու բարեկեցիկ Տաճկա-Հայաստանը կդառնայ որոշ գաղթավայր-ապաստան, արգիւնաբերական շահագործութեան

և տնտեսական ուժեղացման մի գրաւիչ աղբիւր այն հայու-
թեան (կովկասահայերի) տիրապետող տարրերի հա-
մար, որին՝ միւս ռուսահպատակ ազգութիւններին հետ
միասին, ձգտում է ճզմել ու կազմալուծել ռուսացման-
համալուծողականութեան ներքին քաղաքականութիւնը:
Ուրեմն որքան միամիտ յոյս ու հաւատ պիտի ունե-
նալ, սպասելու, որ ցարի կառավարութիւնը երբ և
իցէ բարեթեք վերաբերմունք կունենայ «Տաճկահայ
Խնդրի» նկատմամբ: Մենք յետոյ կդառնանք դեռ հայ
լիբերալ հրապարակախօսութեան և յեղափոխական իդեոլոգիայի
այն քաղաքագիտական մանկամտութեան, որով նրանք
խրատական դասեր էին ուղղում Ռուսաստանի հաս-
ցէին, թէ իբր նա չի հասկանում, որ իր քաղաքակր-
թական միասնայի դերը կարող էին ստանձնել ընդու-
նակ հայերը մերձաւոր արևելքում այն դէպքում, եթէ
Ռուսաստանը ազատագրէ հայերին Օսմանեան ծանր
լծից:

Երրորդ, որքան Ռուսաստանը ոչ միայն չի հովա-
նաւորում թիւրքահպատակ քրիստոնեաներին, այլև իր
պրօվօկացիայով քաջալերում է «Մեծ Մարդասպանի»
քաղաքականութիւնը, պաշտպանում նրա դիւահնար
ծրագրներին իրականացումը, այնքան էլ, բնականա-
բար, աւելի ու աւելի է մտերմացնում և իրենից կախ-
ման վիճակի մէջ դնում սուլթանական կառավարու-
թեան: Այդ առթիւ իրաւաւոր նկատում է Էդուարդ Բեր-
նշտայնը հետևեալը. Ռուսաստանը ոչ միայն տրամադր-
ութիւն չունի մի «Հայկական Բուլպարիս» վերաստեղ-
ծելու, այլև նա ամենևին չէ շտապում տաճկահայերին
իր սեփական պաշտպանութեան տակ սունելու: Նրա
համար փոյթ չէ, ընդհակառակը անհամեմատ աւելի
է քաղցրացնում նրա տրամադրութիւնը,— երբ մերթ
ընդ մերթ վրայ է հասնում թիւրքիայում հազարաւոր
հայերի մասսայական նախճիրը, երբ հայ կանայք, աղջ-
կերք ու մանուկներ ամենասոսկալի կոպտութեամբ

բոնաբարութեամբ, սրածուծեան զոհ են գնում: Որովհետև իւրաքանչիւր կոտորած աւելի է լարում Թիւրքիայի և Անգլիայի յարաբերութիւնը և աւելի ու աւելի ամրացնում ցարին ու սուլթանին շտղիսպող օղակը» (նոտր զրեբը մերն են) 15):

Եւ հէնց մեծ մասամբ այդ մտերմական-բարեկամական յարաբերութեան շնորհիւ է, որ Ռուսաստանի քաղաքական ազդեցութիւնը Թիւրքիայի վրայ այնքան ուժեղ է: Ռուսաստանի համար ցանկալի է, որ մինչև աննախատեսանելի ապագայ յարատեւ Թիւրքիայի ամբողջական գոյութիւնը. սակայն ներքնապէս քայքայւած, թոյլ ու հիւանդ գոյութիւն, որպէսզի նա կարողանայ իր նպատակներին գործիք ծառայեցնել, որպէսզի Թիւրքիային իրենից կախման վիճակի մէջ պահէ և միշտ զգալ տայ նրան, որ ինքը նրա պաշտպանն է, որ նրա գոյութիւնը պայմանաւորւած է իր գոյութեամբ:

«Թիւրքիան—նկատում է նոյն Բերնշտայնը—դարձել է ռուսական գիպլօպատիայի խաղալիքը: Սուլթանը նայում է Ռուսաստանի վրայ, որպէս իր առաջնակարգ պաշտպանի վրայ, ինչպէս Ռուսաստանը շահնում է, այնպէս էլ նա պարում է: Իր ներկայ կազմակերպութեամբ Թիւրքիան ոչ միայն կասկածելի չէ Ռուսաստանի համար, այլ ընդհակառակը նրա ամենահաճելի հարեանն է: Թող չափազանցութիւն չլինի, եթէ ասենք, որ Թիւրքիան Ռուսաստանի պահապանն է Բօսֆօրի և Դարդանեղի վրայ» 16): Հէնց այդ պատճառով էլ—ասում է Բերնշտայնը մի այլ տեղ—արեւելեան ժողովուրդները եկել են այն գիտակցութեան, որ միակ մեծ պետութիւնը, որի բարեկամութիւնը անհրաժեշտ

15) Ed. Bernstein «Die deutsche Sozial-demokratie und die türkischen Wirren» («Neue Zeit» XX տարի, 1 հատ. հր. 115):

16) Ibid, հր. 112:

է, իսկ հակառակութիւնից պէտք է խուսափել,—դա Ռուսաստանն է» 17): Հէնց այդ է պատճառը,—կաւելացնենք մենք,—որ Ռուսաստանի ամեն մի դիպլոմատիական քայլը, ամեն մի ուլտիմատում՝ թիւրքիայի հասցէին՝ դրական թէ քացասական ուղղութեամբ, անհամեմատ խոշոր նշանակութիւն ունի իր հետևանքներով, քան նոյնօրինակ քայլը եւրօպական մի կամ մի քանի պետութիւնների կողմից:

Շատ հեռու չգնանք լսենք զարձեալ մի նմուշ դաշնակցական ինքնասպան խոստովանութիւններից: «Յարիզմը—ասում է «Դրօշակ»-ը—սուլթանականութեան թիւրքն է կովկասի և Բալկանեան սահմանների վրայ. սուլթանականութիւնը՝ ցարիզմի առաջապահակն է Փոքր-Ասիական և Բալկանեան քաղաքական բոլոր խլրտումները գէ՛մ» 18):

Ահա այն բէալ մօտիւները, այն շահագիտական միտումները, որոնք հիմք ու տոն են տւել Ռուսաստանի հետեւողական ու սխտեմատիկ քաղաքականութեան «Տաճկահայ Խնդրի» նկատմամբ: Այլ ընթացք սպասել ուսական դիպլոմատիայից—ինչպէս սպասել են տարիներ շարունակ հայ լեզալ և անլեզալ իղէալիստ գործիչները—նշանակում է նախ չհասկանալ ուսական տնտեսական շահերն ու քաղաքական ձգտումները և երկրորդ՝ ամենևին չըմբօնել այդ բոլորի վրայ հիմնւած ուսական դիւանագիտութիւնը: Մենք դեռ յետոյ կտեսնենք այդ իղէալիստական հասկացողութեան, ասել է՝ քաղաքական երևոյթների, սխալ ու տկար ըմբռնողութեան հետևանքները:

17) Ed. Bernstien «Kreta und die russische Gefahr» («Neue Zeit», XV տարի, 2 հատ. եր. 17):

18) «Դրօշակ», 1905 թ. № 2, առաջնորդող:

VII.

Անգլիայի քաղաքականութիւնը եւ Տաճկահայ Խընդիրը

Անգլիան և տաճկահայ խնդիրը:—Անգլիան՝ «հայասիրութեան» հայրենիք:—Պաշնակցական իդէօլոգիաների քաղաքագիտական բորկութիւնը:—Ուլտրամատուցների և ճառերի անվերջ հակասութիւնները Անգլիայում:—Անգլիական ճարպիկ ու առածղական քաղաքականութեան տենդիցները:—Անգլիան, որպէս առաջնակարգ արտայայտիչ համաեւրոպական տենդենցիաների:—Նրա «հայասիրութիւնը» և հակամարտ քաղաքականութիւնը Ռուսաստանի դէմ:—Անգլիայի վերջին տարիների ձեռնպահ դիրքի պատճառը «Հայկական Հարցի» նկատմամբ:

Մենք մինչև այժմ քննեցինք «Հայկական Հարցի» քարեյաջող լուծման ամենամեծ ու ամենաազդեցիկ հակառակորդի դիրքը, քաղաքական պոզիցիան: Արդ՝ տեսնենք ինչ են ներկայացնում «սրբազան դաշնագրութեան» միւս մասնիկները, իսկական արևմտեան Եւրոպան, քաղաքակիրթ աշխարհը, որից այնքան մեծ բարիքներ էին ակնկալում, բարիքների դէմ վերջին «պատառը» հայցում հայ իլլիւզիօնիստ յեղափոխականները:

Նախ դիմենք Ռուսաստանի ծայրայեղ անտիպօզին՝ «հայասիրութեան» հայրենիք Անգլիային:

Եթէ ռուսական դիպլոմատիայի բացասական ուղղութեան նկատմամբ Պաշնակցական իդէօլոգիաները հրապարակ եկան իրենց ուշացած եւ զործնական արժէքից զուրկ խոստովանութեամբ, ապա Անգլիայի դիւանագիտութեան վերաբերմամբ նրանք բացէ ի բաց ցոյց տւին քաղաքագիտական մի անծայր բորկութիւն, մինչև օրս շարունակւող մի բուժ հասկացողութիւն: Մեծ մարդասէրի»—ինչպէս սիրում է բուրժուական իդէօլոգիան թիսել նմանօրինակ արտայայտութիւններ,—Գլադստօ-

նի՝ ազատ հայրենիքը զարձաւ հայ յեղափոխականների ազատագրական ձգտումների և յուսավառ տենչերի ամենամեծ զօրաւիգն ու փրկարարը:

Չէ որ Անգլիան էր իսկական հեղինակը՝ հայկական բարենորոգումների խնդիրը՝ 61-րդ յօդւածով, միջազգային «հոգացողութեան» առարկայ զարձնողը: Չէ որ այնտեղ էին որոտում Գլադստօնի «հայասիրական» բարձրակոչ ու կրակոտ ճառերը: Չէ որ մայիսեան ըէֆօրմների իրականացման ամենամեծ նախանձախնդիրը Անգլիան էր: Չէ որ նոյն իսկ պահպանողական կուսակցութեան պարագլուխ լօրդ Սօլսբիւրին 1896 թ. այն աստիճան սպառնական ուլտիմատում էր ուղղել Սուլթանին ի նպաստ հայերի: Ուրեմն ի՞նչպէս չը ոգեւորւել, յոյսերի և ակնկալութիւնների շէնքեր չկառուցանել, երախտագիտութեան բուռն զգացմունքներ չարտայայտել դէպի այդ «ասպետ» ժողովրդի «մարդասէր» քաղաքագէտները. ի՞նչպէս չպնդել ու չհամոզւել ամենից առաջ, որ «տասը տարի առաջ Անգլիան անկեղծ (նօտրգիրը մերն է) կերպով կամեցել է փրկել խողխող-ւող հայ ժողովուրդը»¹⁹⁾:

Սակայն միւս կողմից ինչպէ՛ս հասկանան և ինչպէ՛վ բացատրեն Դաշնակցական իդէօլօգները անգլիական պրեմիերներին երկդիմի և հակասական դիրքերն ու ճառերը: Չէ որ սպառնական ուլտիմատումի հեղինակ Սօլսբիւրին յետ նահանջեց իր «հոգատար» ձգտումներից, աւարկելով, որ Տաւրոսի լեռները անմատչելի են անգլիական նաւատորմի համար: Չէ որ Գլադստօնի յաջորդը՝ ազատամիտների պարագլուխ լօրդ Ռօզբերին, 1896 թ. մարտի 3-ին իր ամբողջապէս հայանպաստ ճառից ութ ամիս յետոյ, արտասանում է մի տրամագծօրէն հակառակ ճառ ընդդէմ հայերի: Չէ որ «տասը տարի առաջ հայերին անկեղծ կերպով փրկել կամեցող

19) Տես «Յառաջ» № 25 առաջնորդող (1906 թ.):

Անգլիան», վերջին տարիներս բոլորովին անուշադրութեան տւեց հայն ու Հայաստանը:

Այսպիսի դէպքերում Դաշնակցութեան անգլուխ ու վերամբարձ իդէօլօգներին ուրիշ ոչինչ չէ մնում անել, բայց եթէ լալկան ու միստիկ քարոյալէտի նման դիմել էտիկայի կօդերսին և վերցնել նրա արսենալից «թունդ» պարսաւանքներ և «խարազանող» յանդիմանութիւններ, ինչպէս օրինակ—քաղաքական այլանդակ, աննօրժալ ցատկոտումներ, լիրբ պօլիտիկան, այլասեռած ու նախատեսներու ընդունակութիւնից զուրկ դիպլօմատներ»²⁰⁾ և այլն անւանել հերօպացիներին,— առանց հասկանալու և հաշի առնելու քաղաքական երևոյթների և նրանց փոփոխութիւնների պատճառակցական (կառուզալ) հիմքերն ու արժատները:

Գէթ մի անգամ Հ. Յ. Դաշնակցութիւնը և մասնաւանդ նրա ձգտումների արտայայտիչ իդէօլօգները լուրջ հարց տւին հրապարակով և ստացան իրենց քաղաքական հասկացողութեան պաշարից գոհացուցիչ պատասխան, թէ արդեօք, ունի՞ Անգլիան ազգային-պետական հիմնական, շօշափելի շահեր՝ տեսնել Փոքր-Ասիայում ազատ, ինքնավար Հայաստան, կամ գոնէ իրականացած բէֆօրմների բարեմասնութիւնները վայելող խաղաղ ու անվրդով հայութիւն. եթէ այո՞, ինչ չափով, եթէ ոչ—ինչո՞ւ: Վառ Փանտազիան և բանալ դատողութիւնների շարլօնիզմը, գրչի սուր ու յանդիմանական հարւածները և սրտաբուղի զգացմունքներն են միայն, որ կազմեցին նրանց համար մշտական լաւատեսութեան և յօռետեսութեան մի անհատնում աղբիւր:

Անգլիայի ճարպիկ ու առածգական քաղաքականութիւնը ունեցել է շատ աւելի այլազան տնդինցներ, քան

20) Քր. Միքայէլեան «Ամբօխային տրամաբանութիւն» եր. 56 և 57:

այդ ըմբռնել կարող էին Դաշնակցութեան «սօցիօլօզ» քաղաքագէտները:

Անգլիայի «հայասէր» դիւանագիտութեան իսկական աղբիւրը և անմիջական առաջ-մղիչ ոյժը՝ սկսած յատկապէս 1878 թւականից, եղել է այն պատմական կատարի հակամարտութիւնը, որ ունի Անգլիան Փոքր-Ասիայում, կամ առհասարակ Թիւրքիայում՝ Ռուսաստանի դէմ: Անգլիական դիպլօմատիայի ամեն մի «հայանպաստ» քայլը, ասում ենք, արտայայտւած լինի դա վճռական ուլտիմատումներով թէ պարլամենտական ճառերով, — եղել է մի-մի շեշտակի հարւած, մի պարսաւաքար՝ նետւած կզզիարնակ երկրից դէպի սառցապատ Նեվայի ափերը, ուղղւած «Ծովային Թագուհուց»՝ «Հիւսիսային Արջի» հասցէին:

Որքան ուսական իմպերիալիզմը ձգտում էր արշաւանքներ գործել մերձաւոր արևելքում իր ընդգծած պատմական ուղիով, այնքան էլ Անգլիան մի ճակատագրական անխուսափելիութեամբ՝ որպէս արթուն հովիւ, հսկում էր նրա քայլերը և խոչնդոտներ յարուցանում նրա առաջ: Կասկած չկայ, որ ընդհանուր-եւրօպական տնտեսական շահերն ու քաղաքական ձրգտումները թելադրում են՝ ըստ հնարաւորին արգելքների և խոչնդոտների մի ամուր պարիսպ քաշել Ռուսիայի առաջ՝ Բօսֆօրի ափերին և Փոքր-Ասիայի սահմանների վրայ: Այդ համաեւրօպական տենդինցիաների արտայայտութեան ու պաշտպանութեան պատմական հեղեմօնիան ստանձնեց իր վրայ Անգլիան: Անգլիան էր, որ Ղրիմի պատերազմի ժամանակ՝ դաշնակցած Ֆրանսիայի հետ, ցցեց իր հզօր ոյժը ուսական մարտանաւերի հանդէպ և արգելեց նրա նւաճողական առաջընթացումը: Անգլիան էր, որ գրեթէ իր առանձնակի հեղինակութեամբ ջուրը նետեց ուսական ծրագիրը Բերլինի դաշնագրի յօդւածներով՝ հայկական և մակեդօնական, ու դրանով «Արևելեան Հարց» ասածը ազատելով ու-

սական մօնօպօլիտայից, դարձրեց միջազգային դիպլոմատիայի մի օրիէկտ:

Եւ նոյն այդ Անգլիան անշեղ շարունակեց իր հակամարտութեան քաղաքականութիւնը տասնեակ տարիներ շարունակ — ոչ ազատ տակտիքական միտումներով պայմանաւորւած երբեմնակի սպրդումներէից, — նաև գուտ «Հայկական Հարցի» նկատմամբ:

Մենք ասում ու պնդում ենք, որ Անգլիայի «հայասիրութիւնը» կամ «հայասէր» քաղաքականութիւնը արտաշայտեց միայն այնչափ, որչափ դա անհրաժեշտ էր կռուելու իր պատմական հակառակորդի՝ Ռուսաստանի դէմ: Իսկ Անգլիայի այդ հակամարտութեամբ պայմանաւորւած «հայասէր» քաղաքականութեան իմաստը կայանում էր Ռուսաստանի ճիշտ հակառակ ձգտումների մէջ: Որքան ցարի կառավարութեան համար ցանկալի է ազատ պահել Փոքր Ասիայի սահմանները իրաւական արգելառիթ պատնէշներից՝ իր առաջխաղացումը չկասեցնելու համար, նոյնքան ցանկալի է Անգլիայի համար ճիշտ դրա հակառակը: Վերջինիս ձգտումների իրականացման միակ նպատակայարմար՝ թէև մինչ անկարելիութեան աստիճանը դժւար, միջոցը ինքնախար Հայաստանը կամ ըէֆօրմների գործադրութեամբ ապահովւած հայկական տերրիտորիան կլինէր, — միջազգային իրաւունքներով երաշխաւորւած մի կտոր ազատ հող, որ կկանգնէ Ռուսաստանի իմպերիալիստական արշաւանքների առաջ որպէս մի անսասան պատնէշ և որի սահմանները կոխտուելը կկատարէր միայն միջազգային կօնֆլիկտի գնով: Դա ճիշտ նոյն քաղաքականութիւնն էր, ինչ ունէր եւրօպական դեմօկրատիան անցեալ դարու 60-ական թւականներին, երբ նա ըուռն ցանկութիւն էր արտաշայտում և աջակցում բարոյապէս, որ ռուսական Լեհաստանը անկախութիւն ձեռք բերէ և դառնայ դրանով մի պատուար՝

արևմտեան Եւրոպան պաշտպանելու համար ցարիզմի աւանտիւրիայից:

Եւ իսկապէս, Անգլիայի այդ «հայասէր» քաղաքականութիւնը արտայայտուում էր ամեն մի պատեհ բռնակէին—կոտորածների և սարսափների օրերին,—երբ դիւանագիտական կօմբինացիաները, ըստ երևոյթին, բէֆօրմներ իրականացնելու նշաններ էին խոստանում: Եւ կթէ վերջին տարիներս Անգլիան ձեռք վերցրեց իր շահագիտական «հայասէր» քաղաքականութիւնից, ապա այդ միայն և բացառապէս այն պատճառով, որ նախ Ռուսաստանը առժամանակ արխիւ էր նետել թիւրքիայից կոտորներ «զաւթելու» քաղաքականութեան ծրագիրը և իր գաղութային-առևտրական նւաճումների յենակէտը տեղափոխել ծայրագոյն արևելք (դարձեալ Անգլիայի հետ հակամարտութեան վայրեր) և երկրորդ՝ որ մեծ պետութիւնների աստիճանաբար աճող շահագրգռութիւնը թիւրքիայով մինչ աննախատեսանելի ապագայ ըստ ինքեան կսանձահարէ Ռուսաստանին և ըստ ինքեան կհանգստացնէ Անգլիային,—մի պայման, որ իր կողմից չէզօքացնում և ընաւ չեզօքացնում է վերջինս «հայասէր» քաղաքականութեան մօտիւնները:

Այս բոլորից յետոյ պարզ է, թէ որ աստիճանին միամիտ ու խակ հասկացողութիւն է, ասել, որ Անգլիան «տասը տարի առաջ անկեղծ կերպով (նօտրգիրը մերն է) կամեցել է փրկել խողողւող հայ ժողովրդին» —ինչպէս «Յառաջ»-ի (№ 25) առաջնորդողն է ասում: «Անկեղծութիւն» դիպլօմատիայի մէջ,—մենք մերկացրինք արդէն այդ անհեթեթ դատողութիւնը:

Այսքանը Ռուսաստանի և Անգլիայի մասին:

Ինչ են ներկայացնում Ֆրանսիան ու Գերմանիան. տեսնենք այդ:

VIII.

Փրանսիական քաղաքականութիւնը և Տանկահայ
Խնդիրը

Նոր ակնկալութիւնների շրջանը: — Փրանսիան և Տանկահայ խնդիրը: — Դարձեալ յուսախարութիւն: — Դաշնակցական «Հայրենիք»-ի յոյսերը Փրանսիական նոր մինիստրութեան վրայ: — Յեղափոխական անվերջ լարախաղացութիւն: — Ունի՞ Փրանսիան առանձնայատուկ շահեր՝ գործելու ի նպաստ հայկական դատի: — Փրանսիայի դիպլոմատիան՝ պայմանաւորւած Փրանկօ-ուսական դաշնակցութեամբ: — Պատմա-քաղաքական անցեալը և ներկան: — Բնական հետեանքները:

Փրանսիա...

Նոր յոյսերի և սպասելիքների մի շրջան է ըսկըսուում 90-ական թւականների վերջերից: Կենտրոնական առանցքը, որի շուրջը պտտում էին քաղցր երազներն ու իլլիւզիաները, կազմում էր Փրանսիան: Անգլիայի «հայասէր» քաղաքականութեան բնական դադարը, վերջ տւեց նաև հայկական շրջաններում տիրող անգլիասիրութան ու անգլիամոլութեան: Ազգային յեղափոխականները բևեռեցին իրենց ակնկալող ու հայցող ուշադրութիւնը դէպի «մարդասէր» ու «ազատասէր» Փրանսիան: Անգլո-սաքսերի հայրենիքից յետոյ՝ բոմանների յեղափոխական հայրենիքը, բուրժուազեմօկրատական միապետութիւնից յետոյ՝ բուրժուազեմօկրատական հանրապետութիւնը...

«...Մի յայտնի ժամանակ, — ասում է սպեցիֆիկ դաշնակցական իլլիւզիաների պսակը այնքան փառահեղ ու քաղցրահնչիւն բառերով հիւսող ու ձևակերպող պ. Ego-ն, — մինիստրութիւնը Փրանսիայում՝ կարելի է ասել, հայասէրների տրամադրութեան տակ էր. նրանք կարողանում էին առաջ բերել այս կամ այն քայլը յօ-

զուտ թիւրքահայերի, իրապօրծել էին տալիս այս կամ այն անյետաձգելի պահանջը...»²¹):

Չէ որ կօճրի մինիստրութեան օրով «հայասիրութիւնն» ու հայանպաստ շարժումը այնքան բուռն ծաւալ ընդունեց Ֆրանսիայում: Չէ որ սօցիալիստ պատգամաւորների հարկադրական հարցապնդումները՝ յօգուտ Տաճկահայ Խնդրի, գորգեցնում էր Ֆրանսիական պարլամենտը: Չէ որ Կեկասէն խոստմնալից յոյսեր էր տալիս, ընդունեց Դաշնակցութեան պատւիրակութիւնը և «Դրօշակ»-ի մշակած բեֆօրմների ծրագիրը 1901 թ.: Չէ որ նոյն Թակականին Տուքինների և Լօտանդօների դէպքի առթիւ ծագած կօնֆլիկտը՝ Թիւրքիայի և Ֆրանսիայի մէջ, մեծ յոյսեր էր ներշնչում հայ յեղափոխականների մէջ, որովհետև Միտիլէն մարտանաւ ուղարկող Դեղիասէն ստիպողական պահանջ էր դարձրել նաև «Հայկական Հարց»-ի լուծումը և այլն, և այլն: Այս բոլորը իրաւացի և փաստացի հիմքեր էին համարում դաշնակցական իդէօլօգիները նոր յոյսեր տածելու, փայլուն հեռանքկարներ ուրուագծելու: «Ուրախութեան և յոյսի ճառագայթներ, զւարթ ու հաղազիւտ օրեր, կազդուրիչ վայրկեաններ» էին այդ բոլորը Հ. Յ. Դաշնակցութեան համար:

Սակայն դժբախտ ճակատագիր. սուլթանը շտապեց զիջել և բաւարարութիւն տալ Դեղիասէին: Միւս կողմից Պետերբուրգի կաբինետի հարկադրութեամբ հեռացաւ Միտիլէնից Ֆրանսիական մարտանաւը. ուրեմն «Ինչ շահեց» Դաշնակցութիւնը, «ոչինչ, բացարձակապէս ոչինչ: Ֆրանսիան—շեշտում է պ. Ego-ն վշտացած տոնով—մի անգամ ևս դրժեց իր աւանդական նմայքը (նոտրգրերը մերն են) ի դէպս իր կառավարութեան: Հակառակ պարլամենտի ստիպողական պահանջներին՝

21) Ego, «Դորդեան հանգոյց» (տես «Յառաջ» № 53, 1906 թ.):

նա անտես արաւ Հայաստանի արիւնլւայ ժողովրդին...»²²):

Նշանակում է՝ դարձեալ պատրանք ու յուսախարութիւն, դարձեալ լքումն, դարձեալ բողոքական էֆեկտային լաւատեսութեան յաջորդող մնայուն ու հատու յոռետեսութիւն: Եւ այդպէս շարունակ: Մի անգամ ըարոյտական պարսաւանք ու նախատինք՝ երբեմնի «հայասէր» Անգլիայի հասցէին, որ նա շարդարացրեց հայ պարզամիտ ժողովրդի յոյսերն ու հայ նայիւ յեղափոխականների սպասելիքները: Միւս անգամ մի այլ դաշնակցական իդէոլոգի բերանով նոյն յանդիմանութիւնը Ֆրանսիայի հասցէին, որ նա «գրծեց իր աւանդական հմայքը և անտես արաւ Հայաստանի արիւնլւայ ժողովրդին»: Մի այլ անգամ նոյնը՝ երրորդ թէ չորրորդ պետութեան հասցէին. և այդպէս անվերջ:

Բուվիէի մինիստրութիւնից յետոյ Գաշնակցութիւնը դարձեալ զգաստացաւ. մի կողմ նետեց իր տարիների ինքնախարէութեան դառն փորձերը և աչք տնկեց Սարէն-Կլեմանսո-Բուրժուայի նորակնով արմատական մինիստրութեան:

«Կլեմանսոն մեր կողմն է. նա միշտ անկեղծ (նօտրգիրը մերն է) պաշտպան մը հանդիսացած է հայկական խնդրին: Նա նախ «Pro Armenia»-ի խմբագրներէն մէկն է, ունի իր մարդասիրական և անաչտ (նօտրգրերը մերն են) օրգան մը». Բուրժուա՝ «դա էլ իր հայասիրութիւնը ցոյց տւած է բազմաթիւ առիթներու մէջ». Բրիյան՝ «սա էլ սօցիալիստ է, մեզ կ'օգնի ու կ'օգնի. հայկական խնդիրը իր սրտին շատ մօտ է, թէ և հրապարակաւ ցոյց տւած չէ իր հայասիրութիւնը»: Ուրեմն ի՞նչ պիտի անել: «Գեղեցիկ ու գնահատելի գործ մը պիտի ըլլար, — շարունակում է դաշնակցական «Հայրենքը» իր ինքնաբաւական դիտողութիւն-

ները,—եթէ արտասահմանի հայ կենտրոնները փութա-
յին շնորհաւորել Ֆրանսիայի նախարարութիւնն ու
առհասարակ անոր բոլոր անդամներն, ընդհանուր ի-
մաստով հեռագիր մը ուղղելով պ. Բլէմանսօին և պ.
Պուռժուարին...»: «Հայ Յեղ. Դաշնակցութիւնը,—շարու-
նակում է «Հայրենիքը»—պատրաստ է անոնց (այսինքն
արտասահմանի հայ կենտրոններին. Բ. Ի.) աջակցել,
եթէ այս դիւրին գործ մը ևս իրենք իրենց գլուխ հա-
նելու դժուարանան»²³):

Այսպէս, ինքնախարուսիկ յոյսերը, անպտուղ ու
գետրութիւնը, յեղափոխական մարզանքներն ու անվերջ
լարախաղացութիւնը համարեցին դաշնակցական իդէո-
լոգներն ու օրգանները իսկական յեղափոխականին
վայել հոգացողութիւն ու գործնէութիւն: Ինչպէս միշտ,
այնպէս էլ այս դէպքում, մեր յարգելի դաշնակցական-
ները բացէ ի բաց վկայում են, թէ ո՞ր աստիճան ըն-
դունակ են նրանք այդքան թեթև վերաբերելու դէպի
մի առաջին կարգի բարդ ու կնճռոտ քաղաքական
խնդիր. թէ ինչպէս որևէ մասնակի, պահ մի մխիթա-
րական և ուրախառիթ երևոյթ դիւանագիտութեան հո-
րիւոնի վրայ՝ յափշտակում, էքստազի մէջ է ձգում
նրանց տաք գլուխներին, մատնում անպտուղ զգաց-
մունքներ շխարհը:

Ինչպէս Անգլիայի, այնպէս էլ Ֆրանսիայի նկատ-
մամբ,—երկու երկրներ, որոնց վրայ ազատագրական
ամենամեծ յոյսն է ունեցել և ունի մինչև այժմ Հ. Յ.
Դաշնակցութիւնը, — հայ յեղափոխականների «քաղա-
քագէտ» պարագլուխները ցոյց տւին ամենամեծ քա-
ղաքագիտական պրօֆանացիան, տհասութիւնը: Մէկից
թէ միւսից, առանձին պահանջներ ու սպասելիքներ՝ առանց
հաշիւ տալու, թէ ինչո՞ւ, յանուն ինչի՞, ի՞նչ պատճառով:

Չենք հասկանում, ունի՞ Ֆրանսիան առանձնայա-

23) Տես, «Հայրենիք» № 14 (1906 թ., հրատ Ամերիկայում)։

տուկ շահեր հայկական վիլայէթներում մշակած րէ-
ֆօրմների ծրագիրն իրականացնելու, կամ իրականաց-
ման նախաձեռնութիւն ստանձնելու իր վրայ, որ նրա
չլինքին բարձում են առանձին կարգի ակընկալութիւններ:
Բուրժուական հանրապետութիւնը նոյնքան, որքան որևէ
բուրժուական միապետութիւն Եւրոպայում, ունի իր
առանձին տնտեսական-քաղաքական եւ ֆինանսական շահերը
սուլթանի երկրում և այդ շահերի պաշտպանութեան ու
առաջխաղացման համար նա ոչ միայն կարիք ու առիթ
չունի թիւրքիայի հետ թշնամանալու կամ նրան նե-
ղութիւն պատճառելու որ և է միջանկեալ խնդրի հա-
մար, այլև շահագրգռած է՝ համաեւրոպական status
quo-ի սահմաններում, Բ. Գրան հետ պահպանելու հաշտ
յարաբերութիւնների մի modus, մի ըստ կարելոյն
տեական արժէք ունեցող ձև ու եղանակ:

Անպայման, մենք չենք ուրանում, որ պետու-
թիւնների հաւաքական միջամտութեան դէպքում Ֆրանսի-
սիան ինքնին վերցրած՝ առաջիններից մէկը լինի, որ
իր դրական ձայնը կտայ ի նպաստ Տաճկահայերի: Սա-
կայն հէնց այդտեղ՝ այդ հանգոյցուոր կէտի մէջ է
թագնւած մի խոշոր չարիք, որի մասին մտածել ու
հաշիւ տալ չեն ուզում մեր նացիօնալիստները ամեն
անգամ, երբ նրանք գութ ու օգնութիւն են հայցում
Ֆրանսիայից: Քանի Ֆրանսիան կշարունակէ պահպա-
նել իր այնքան սրտակցական ու բարեկամական դաշ-
նադրութիւնը Ռուսիայի հետ, այնքան էլ նրա դիւա-
նագիտական դիրքն ու տակտիկը՝ ընդհանրապէս ա-
րեւելեան և յատկապէս հայկական հարցի նկատմամբ,
սերտ միացած պիտի լինի Ռուսաստանի դիւանագի-
տութեան հետ. աւելի ձիշտ՝ պիտի ստորադասւած և են-
թարկւած լինի ռուսական քաղաքականութեան: Տարիների քա-
ղաքական պատմութիւն ունենք մեր յետևը, դիպլոմա-
տիական մի շարք կ'մբինացիաներ, որոնք առանց մա-
ղաչափ կասկածի վկայում են մեր ստածները:

«Յայտնի է ամենքին,—ասում է Ալ. Ամֆիտէատրով,—որ Անգլիան հայկական սպանդանոցի տպաւորութեան տակ պատրաստ էր պնդելու, որ անյապաղ իրագործեն բարենորոգումները՝ համակարծիք և անշակից ունենալով Խտալիային: Բայց դիպլոմատիական այդ արշաւանքը քանդեց Ֆրանսիան՝ ի դէմս արտաքին գործերի մինիստր Հանտօյի, որ հայկական հարցի հիմունքը խիստ վտանգաւոր համարեց ֆրանս-ուսական դաշնադրութեան համար (նորտրգրերը մերն են) ²⁴»:

Հանտօյի յաջորդը՝ Դելկասէն, որ կարծէք ամեն բանում աշխատում էր իր նախորդի հակառակը լինել, հայկական խնդրում հիմնապէս մնաց նոյնը, բացի մի քանի անարժէք կօկետութիւններից: Յաճախ ենք լսել ցարիզմի դաշնադրութեամբ շլացած մինիստրի պարլամենտում արտայայտած պլատօնական համակրանքը հայերի հասցէին, միշտ, սակայն, որ գլխաւորն է, հակադրելով իրեն արած հարցապնդումներին, որ «Ֆրանսիան միակ ստորագրողը չէ Բերլինի դաշնագրին», հետևապէս Ֆրանսիայից շատ բան սպասել անկարելի է: Դելկասէին առհասարակ գովաբանող «Դրօշակը» սովոր է միշտ այսպիսի դէպքերում յուզելու, իր բարոյական գայրոյթն արտայայտելու, անւանելով այդ քաղաքագիտական զգուշաւոր խօսքերը՝ «ընդհանուր բռնուր, տարտամ, երկսայրի յայտնութիւններ» ²⁵»:

Վերջապէս մենք յիշեցնում ենք Մակեդօնիայի նորագոյն անցեալի ապստամբութիւնը և այդ առթիւ հրապարակ եկած դիպլոմատիական շարժումը (տես VI գլուխը), որի ընթացքում Ֆրանսիան այն աստիճանն ենթարկւած էր Ռուսաստանի դիւանագիտական տակտիկային:

Նոյնքան անմիտ են նոր յոյսերը ներկայ արմա-

24) Ալ. Ամֆիտէատրով, «Եւրօպա և Հայաստան» էր. 25:

25) «Դրօշակ» 1901 թ. № 8, առաջնորդող:

տական մինխտրութեան վրայ, այն մինխտրութեան, որի արտաքին գործերի ղեկավարը այնքան ջերմ ճառարտասանեց սկզբում՝ ֆրանկո-ուսական դաշնակցութեան հասցէին, ցանկանալով նրա անխաղտ ու տևական յաջողութիւնը. այն մինխտրութեան, ասում ենք, որի ամենափայլուն ու դեմօկրատ (բուրժուական) ներկայացուցիչը՝ Կլեմանսօն դիւրացրեց սուս կառավարութեան վերջին մեծ փոխառութիւնը. իսկ նրա այդ քայլը մի ուժեղ հարւած էր ուսական յեղափոխութեան հասցէին և մի հսկայական նեցուկ՝ բիւրօկրատական-ինքնակալական բէակցիայի հզօր տիրապետութեան. այն մինխտրութեան, կրկնում ենք, որ պօրտֆէյլները ստանձնելուն պէս մի կատաղի արշաւանք սկսեց բանւորական գործադուլների և սինդիկատների (փոստ-հեռագրատան ծառայողների) դէմ և դրանով ապացուցեց, թէ դեռ որքան պաշտպան ու հաւատարիմ կարող է լինել՝ աջակողմեան կուսակցութիւնների նըման, խոշոր բուրժուազիայի շահերին մի մինխտրական կարիներտ, որ հաւակնութիւն ունի արմատական ուսմկավար կուսակցութեան ներկայացուցիչը լինելու:

Ով սովոր է դաշնակցականների նման իդէալիստի ակնոցով նայել բէալ յարաբերութիւններին և քաղաքական երևոյթների արժէքը չափել ու գնահատել բարոյական մասշտաբով, միայն նա կարող է զարմանալ և յանդիմանել կամ մեղադրել հանրապետական Ֆրանսիային, թէ ինչո՞ւ նա ինքնաանկախ չէ իր մերձուոր արևելքի քաղաքականութեան մէջ, այլ ստորագաս ու ենթակայ դիրքով սերտ միացած է իր հզօր դաշնակցի հետ: Ով ըմբռնում է, թէ որ աստիճան կենսական է եղել և է Ֆրանսիայի համար նըրա սերտ դաշնադրութիւնն ու զինակցութիւնը Ռուսաստանի հետ՝ պետութիւնների ընդհանուր արէօպագում քաղաքական առաջնակարգ ֆակտօրներից մէկը մնալու և համարելու տեսակէտից, նա պարզ կըմբռնէ

նաև, թէ որքան անհրաժեշտ ու հարկադրական է եղել և է Ֆրանսիայի համար, հակառակ քաղաքական քայլեր չանելը այն բոլոր դէպքերում, երբ նրանք վրնասոււմ են Ռուսիայի շահերին, հակասոււմ են ցարի քաղաքականութեան. մի խօսքով հաճելի չեն իր դաշնակցի համար: Եթէ դաշնակցական իդէօլօգները շարունակել են՝ հակառակ այս արտառոց փաստի, բաղխել Ֆրանսիայի մինիստրների և պարլամենտական գործիչների դձները՝ օգնութիւն հայցելու նրանցից, նշանակոււմ է կամ նրանք բոլորովին չեն ըմբռնել այդ շօշափած փաստը կամ թէ չէ յեղափոխական մարզանքներն ու լարախաղացութիւնը գերադասել են յեղափոխական լրջմտութիւնից ու շրջահայեցողութիւնից:

Մեր այս ասածների եղրափակումը՝ Ֆրանսիայի նկատմամբ, կարող է միայն հետևեալը լինել. նախ Ֆրանսիական բուրժուազեմօկրատական հանրապետութիւնը առանձնապէս շահապրդուած չէ Տաճկահայ Խնդրի լուծման կամ բեֆօրմների գործադրութեան ինիցիատիւը իր վրայ ստանձնելու. և երկրորդ հաւաքական միջամտութեան դէպքում նա չի մասնակցիլ կօալիցիային, եթէ Ռուսաստանը դէմ է կամ ձեռնպահ այդ դիւանագիտական քայլի նկատմամբ:

IX.

Գերմանիայի քաղաքականութիւնը եւ Տանկահայ
Խնդիրը

Գերմանիայի դարաւոր քաղաքականութեան դեկզը:—Գերմանիան
և ճնշւած ազգերի ազատագրութիւնը:—Գերմանիան և Հայկական
Հարցը:—Գերմանիայի քաղաքականութիւնը մերձաւոր արեւելքում:
Նրա զաղթականական և տնտեսական առևտրական ձգտումները
Փոքր-Ասիայում:—Պանդերմանիստ քաղաքագէտների իղձերը:—
Բաղդատի երկաթուղին և տանկահայերը:—Դարձեալ յոյսեր ու ե-
րազներ:—Երկաթուղու տնտեսական-կուլտուրական ներգործու-
թիւնը հայերի համար:—Կապիտալիստական շահագործութիւնը և
քաղաքական միտումները:—Սնհիմն երազներ:

Մեծ է Գերմանիայի պատմական բացասականու-
թիւնը ազգերի ազատագրութեան նկատմամբ: Դարա-
ւոր քաղաքականութիւն ունի իր յետև այդ երկիրը՝
նւաճողական քաղաքականութիւն, լի աշխարհակալական
ձգտումներով, բռնութեամբ և ճնշումներով՝ ուղղւած
միշտ ազգերի ազատագրական ջանքերի դէմ—ինչպէս
գեղեցիկ կերպով ցոյց է տալիս Կարլ Մարքսը: Մի
պետութիւն, որի դարաւոր քաղաքականութեան պատ-
մական դեկզը նւաճողական է, ազրեսիւ յարձակողա-
կան, նա ոչ միայն ղուրկ կլինի նոյն իսկ պլատոնա-
կան համակրանքից և հեռաւոր աջակցութիւնից ազգե-
րի ազատագրութեան վերաբերմամբ, այլև կդառնայ՝
կողմնակի թէ անմիջական ուղղութեամբ, մի մեծ բըռ-
նաւոր ճնշւած ազգերի վրայ: Շնորհիւ տնտեսական
ֆակտորների հասունութեան և ընդհանուր կուլտուրա-
կան զարգացման առանձնայատկութիւններին, Գերմա-
նիայում անհամեմատ մեծ չափով է տիրող ու տևա-
կան եղել այդ ինկէր-բիւրօկրատական անողորմ քա-
ղաքականութիւնը, քան Եւրօպայի որ և է այլ երկ-
րում: Մեծ մասամբ այդ է պատճառը, որ «Գերմանիան
արտասահմանում՝ նոյնիսկ իր բոլոր ժողովուրդներից,

այնքան առեւած ու արհամարհեւած է»²⁶⁾։

Իտալական, ունգարական և լեհական ազատագրութեան կռիւներէ ժամանակ Գերմանիան եղել է խայտառակ կողմնակիցն ու աջակիցը ըէակցիայի, բոնակալական ըէժիմի։ Արեւելեան խնդրի գրաւոր պատմութեան ընթացքում Գերմանիան ոչ միայն չէ եղել երբէք—և շահ էլ չունէր լինելու ձեռնհրէցը այս կամ այն ժողովրդի ազատագրութեան, այլ և շատ զէպքերում նա չեզօք ու ձեռնպահ է եղել դիպլոմատիական կօմբինացիաներին—հաւաքական միջամտութեան ակտին—մասնակցելու նկատմամբ։ Սա պատմական փաստ է, Գերմանիայի սպեցիֆիկ քաղաքականութիւնը բնորոշող փաստ։

Ի՞նչ դիրք ունի Գերմանիան Հայկական Հարցի նըկատմամբ—այս է հետաքրքրում մեզ ներկայ բողէին։

Սոստովանելու է, անտարակոյս, որ ոչ Տաճկահայաստանի ազգային ջօջերը, ոչ «քաղաքագէտ» հոգեորականութիւնը, ոչ կովկասահայ լիբերալիզմը և ոչ էլ դաշնակցական թէ հնչակեան յեղափոխական կազմակերպութիւնները առանձին յոյսեր ու ակնկալութիւններ չեն ունեցել Բիսմարկի հայրենիքից։ Երկաթէ կանցլերի աւանդաբար անցած քաղաքականութիւնը—բացասական-ժխտական դիրքը—շատ աւելի պարզ ու որոշ է եղել, որպէս զի կարելի լինի նրանից երբ և իցէ յուսալ ու ակնկալել։ Սակայն սրանով չի ասուում ամենևին, որ մեր յեղափոխական ժարմիները անտարբեր են եղել և չեն գործել Գերմանիայում «նպաստաւոր կարծիք» պատրաստելու համար, մի երևոյթ, որին կզառնանք մենք, երբ կքննենք նրանց քաղաքական-պրօպագանդիստական գործնէութեան եղանակը Եւրօպայում։

Գերմանիան վերջին տարիներս դիմել է մի սխ-

²⁶⁾ Ed. Bernstein. «Die Leiden des armenischen Yolkes und die Pflichten Europas», էր. 37.

տեմատիկ ու հետեւողական քաղաքականութեան մերձաւոր արեւելքի նկատմամբ. կարճ տարիներէ ընթացքում նրա տնտեսական-առևտրական, ֆինանսական և նոյն իսկ քաղաքական շահերը (տես գլուխ III.) անհամեմատ արագ են մուտք գործել և ծաւալուել Թիւրքիայում, քան այդ յաջողել է եւրոպական որևէ պետութեան: Վիլհելմ II-ի ըստ երևոյթին սրտակցական բարեկամութիւնը Արդիւլ-Համիդի հետ, եղել է քաղաքական ճարպիկութիւններից մէկը՝ ըստ կարելոյն շատ մենարտօնութիւնների գրաւականներ ձեռք բերելու համար: Եւ միայն Վիլհելմի նման ցինիկ տիպերն են ընդունակ՝ դեռպանի միջոցով «պաշտօնապէս բողոքելու Բ. Դրանը հայկական կոտորածների դէմ, և միևնոյն ժամանակ ինքնագիր նամակ ուղղելու սուլթանին՝ մի carte blanche արքայական բարեկամին, որի մէջ սուած էր՝ «Թագաւորի՛ր, ինչպէս կամքդ ուղում է. չէ՞ որ դու Ալլահի ստուերն ես երկրի վրայ»²⁷):

Քաղաքականութեան այդ տենդենցը պարզ արտայայտուում է բոլոր alldeutsche-իստ-պանգերմանիստ իդէօլոգների կողմից՝ սկսած ահագեմիկ հոչակաւոր գիտնականներից մինչև մերձաւոր արևելքի բողոքական միսիօներութեան — քրիստոնէական հաւատարսութեան — գլուխ կանգնած դօկտ. Լեպցիուսն ու Բօհրրախ, որոնց պլատօնական ցաւակցութիւնից այնքան շատ զգացում և շատ խաբւում են հայ յեղափոխականները:

Գերմանիան ճիգ ու ջանքեր է թափում զուգահեռաբար առաջ տանելու Փոքր-Ասիայում երկու՝ մէկը միւսին նպաստող ձգտումներ. գաղթականական եւ տնտեսական-առևտրական ձգտումներ: Գերմանական շատ պանգերմանիստ քաղաքագէտներ են մատնանշել այն հանգամանքի վրայ, որ անգլիական, ֆրանսիական և հօլլանդական գաղթափայրերից զուրկ Գերմանիան՝ գաղ-

²⁷) Ալ. Ամֆիտէատրով, «Եւրոպա և Հայաստան» էր. 27:

Թականութեան և տնտեսական շահագործութեան մեծ ու նշանակալից միտիա ունի Փոքր-Ասիայում: Դեռ 1841 թ. հանձարեղ զօրավարը՝ Մօլտկէն, չորս տարի թիւրքական զօրաբանակի մէջ ծառայելուց յետոյ, մի մեծ յօդւած է հրատարակում «Augsburger Zeitung» յայտնի օրգանի մէջ, որով նա լայն հորիզոններ է բաց անում գերմանական քաղաքականութեան առաջ Փոքր Ասիայում: Անհրաժեշտ է, որ գերմանական գաղթականութիւնը ուղղէ իր հոսանքը դէպի Փոքր-Ասիա, Եփրատի և Տիգրիսի բերրի հովիտը, Բարեւոնի շրջակայքը, քան դէպի Ամերիկա—չարունակ այս գաղափարն են ստեղծել բուրժուական իմպերիալիստ իգեօլօգները աւելի քան կէս դարուց ի վեր: Եթէ մինչև այժմ մասսայական գաղթականութիւն չէ եղել Գերմանիայից դէպի Փոքր-Ասիա, բացի միսիօներական ընկերութիւններից, առևտրական և տեխնիկական պերսօնալից, ապա այդ ոչ այն պատճառով, որ Գերմանիան անուշաղիք է վերաբերում դէպի այդ խնդիրը, այլ բացառապէս նրա համար, որովհետև այդ երևոյթը իր քաղաքական հեռաւոր տենդենցիաներով սարսափեցնում է Բ. Դրան գիպլօմատներին: Հէնց ինքը՝ Արգիւլ-Համիդը, Անատօլիայի երկաթուղային ընկերութեան կօնցիսիա տւել է այն պայմանով, որ Գերմանիան գաղթականութիւն չընակեցնէ Բաղդատի երկաթուղային գծի տարածութեան վրայ: Այդ է պատճառը, որ Գերմանիան առ այժմ զարկ է տալիս միւս ծրագրի արագ կիրառման — տնտեսական-առևտրական շահերի ծաւալման և երկաթուղային գծերի կառուցման:

Ոչ սրբի համար մութ ու գաղտնի չեն այն խոշոր օգուտները, այն աննման ծառայութիւնը, որ պիտի ունենայ Բաղդատի երկաթուղին Գերմանիայի համար, դրա վրայ այստեղ կանգ առնել աւելորդ է: Հարկաւոր է միայն շեշտել, թէ սր աստիճան անմտութիւն կլինի

յուսալ և ի նպաստ Հայկական Հարցի դրական միջնորդութիւն սպասել մի պետութիւնից այն ժամանակ, երբ նա իր տնտեսական-ֆինանսական և քաղաքական շահերի առաջխաղացման համար գերազանցապէս շահագրգռւած է մտերիմ ու բարեկամ լինել կամ գոնէ ցոյց տալ՝ տաճիկ կառավարութեան. սսել է ուրիշ խօսքով՝ միջանկեալ, իր շահերի հետ անմիջական աւրնչութիւն չունեցող խնդիրները համար՝ զանազան ուլտիմատումներով նեղութիւն չտալ կարմիր սուլթանին:

Ուրիշ են սպասելիքները Գերմանիայի ապագայ զիրքից սւ քաղաքականութիւնից Փոքր Ասիայում:

Մի մեծ յոյսեր են դնում Բաղդատի երկաթուղու վրայ: Գերմանիան, տսում են, հարկադրւած կլինի հէնց իր շահերի տեսակէտից բարենորոգումներ մըւցնել, տանելի պայմաններ ստեղծել հայկական կեանքում: Գօկտօր Բայնօլդի այդ խնդրի նկատմամբ արտայայտած կարծիքը «Pro Armenia»-ի մէջ՝ առաջ է բերում Բուլղարիայում հրատարակող Գաշնակցական «Ռագամիկ»-ը և հաստատում նոյնը: Իսկ գօկտօր Բայնօլդը պնդում է հետևեալ անհեթեթութիւնը. «Առայժմ յոյսը Գերմանիոյ վրայ դնելու է. Գերմանիա եթէ իսկապէս կուզէ Փոքր-Ասիոյ մէջ բան մը ընել, հայերու միջոցաւ պիտի կրնայ ընել: Ո՛չ քուրդերը և թուրքերը թունելներ կամ կամուրջներ կշինեն, բայց հայերը կընեն. ուրեմն միակ յոյսը Պաղտատի երկաթուղիի ծրագրին լուրջ իրագործումն է, որ կրնայ հայերուն փրկութիւն ըլլալ» (նոտրգրերը մերն են): ²³):

Այդօրինակ կարծիքներ արտայայտել ու պաշտպանել են հայ լիբերալ օրգանները (յաճախ յեղափոխականների բերանով) շատ անգամ, երբ խօսք է եղել Բաղդատի երկաթուղու հայանպաստ հետևանքների մասին:

Սակայն դատել այսպէս, կնշանակէ շատ թիւր
գաղափար ունենալ կապիտալիստական շահագործու-
թեան մասին. շահագործութիւն օտարի և օտար
կապիտալի ձեռներէջութեամբ:

Մեր ուսումնասիրութեան վերջում մենք պիտի
ծանրանանք եւրօպական խոշոր կապիտալի շահագոր-
ծութեան հետեանքների վրայ թիւրքիայում, այնպէս
որ այստեղ բաւականանա՞նք միայն մի փոքրիկ նկա-
տողութեամբ Բաղդատի երկաթուղու հետեանքների
մասին հայերի համար:

Միայն այնքան, որքան Բաղդատի երկաթուղին
կանցնէ հայաբնակ վայրերի միջով կամ մօտով, միայն
այդքան էլ նա կուեննայ տնտեսական-կուլտուրական ներ-
գործութիւն. քաղաքային հայ համալնները՝ մշակները և
գիւղական մարաբանները կենթարկեն պրօլետարիզա-
ցիայի,—կդառնան երկաթուղային գծի բանւորներ:
Հայ ժողովրդի միջին խաւերը կմատակարարեն տեխ-
նիքական և առևտրական ստորին պերզօնալը: Իսկ
վերին առևտրական-ուներոր խաւերը իրենց ժողոված
բերքերն ու արդիւնքները հաղորդակցութեան գիւրին
միջոցներով կտեղափոխեն զանազան կողմեր, կդառ-
նան գերմանացի կամ այլազգի կապիտալիստի ա-
գենտներն ու կօմիսարները ծայրագաւառներում: Իսկ
այս բոլորը, անտարակոյս, մի զգալի տնտեսական
կուլտուրական յեղափոխութիւն է, պայմանաւորւած
երկաթուղի կոչւած կուլտուրական խոշոր ֆակտօրով:

Ինչ ասել կուզէ, որ ի նպաստ կապիտալիստական
շահագործութեան, գերմանացի ձեռնարկուներ կգերադա-
սեն տեղացիներին—հայերից թէ մահմեդական տարրե-
րից—վարձել իրենց սեւ աշխատանքի վարիչները՝ բանւոր-
ները, որովհետև նրանց կարելի է աւելի, քան եւրօ-
պացիներին, բանեցնել աշխատանքի յաւելիալ ժամե-
րով և վարձատրութեան ցածր նօրմայով:

Սակայն մի հանգամանք չպէտք է մոռանալ: Ինչ-

պէս շեշտեցինք սկզբներում, Գերմանիան շատ է շահագրգռւած Փոքր-Ասիան—զոնէ նրա նպատակայարմար մասերը—իր գաղթավայրը դարձնելու, մասնայական քանակով գերմանացիներ տեղափոխելու այնտեղ, բայց նա դժւարանում է այդ քաղաքական ծրարիրը գլուխ բերել, որովհետեւ Թիւրքիան ամենայն ըզգուշութեամբ ժխտական զիրք է բռնում դրա հանդէպ: Մեզ շատ հաւանական է թւում, սակայն, որ Բաղդատի գիծը կառուցանելուց յետոյ Գերմանիան կարող է ուրիշ պատրւակով առաջ տանել իր քաղաքական միտումները. նա կարող է երկաթուղային զծի ծառայողներին և աշխատաւորների անունով հետզհետէ գերմանացիները քաշել Փոքր-Ասիայի խորքերը և ժամանակի ընթացքում պատկառելի ծաւալով մի գաղթավայր ունենալ այնտեղ: Այդ դէպքում հայերի (և տեղացիների) պրօլետարիզացիան կամ առհասարակ մասնակցութիւնը անտեսական-հաղորդակցութեան ձեռնարկութիւններին՝ տեղի կունենայ աւելի զանդադ:

Այսպէս թէ այնպէս, առաջին թէ երկրորդ զէպքում, արագ թէ դանդաղ պրօցեսով առաջ կընթանայ անտեսական-կուլտուրական մի յարաձուռն փոփոխութիւն տաճկահայ նահապետական ժողովրդի կեանքում:

Սակայն որ աստիճանի միամտութիւն և քաղաքական պրիմիտիւ հայեացք պիտի ունենայ մարդ, երբ այդ բոլորից եզրակցնում է, որ «միակ յոյսը Բաղդատի երկաթուղիի ծրագրին լուրջ իրագործումն է, որ կըրնայ հայերուն փրկութիւնը ըլլալ»: Մի նայիւ կարծիք, որ շտապեցին թուժակել կրկնակի նայիւ հայ յեղափոխականները:

Անտարակոյս մի բան ճիշտ է, որ գերմանական կառավարութիւնը կապահովէ միայն այնքան հայերի կեանքը, ֆիզիքական եսի գոյութիւն, որքան վարձու ստրուկներ են հարկաւոր գերմանական կապիտալիստի գործարաններում կամ երկաթուղային զծի հաստա-

տութիւնների մէջ շահագործելու համար. և այդ ըստորուկներին միայն այն չափով կապահովէ ու կխնամէ, որչափով կարևոր է նրանց միշտ սարուկ պահելու համար: Միայն այս չափով ուրիշ ոչինչ:

Դեռ մի կողմ թողնենք այն հանգամանքը, որ Գերմանիան՝ իւնկերների և բիւրօկրատների Գերմանիան, շահ չունի երբէք արժատական բարենորոգումներ պահանջելու, մտածելու, «հայերու փրկութեան» մասին, հարցնենք ամենից առաջ՝ ի՞նչպէս, իրաւասութեան հր սահմաներում, քաղաքական ի՞նչ լիազօրութեամբ կարող է Գերմանիան «փրկել» կամ գէթ զիւրացնել «փրկութիւնը» մի ազգի, եթէ նոյն խի նա ուզենայ այդ, շահագրգռած լինի դրանում, երբ «Հայկական Հարցը» — իր նեղ թէ լայն չափերի մէջ, — լինելով միջազգային զիւլլօմատիայի ենթակաջ մի քաղաքական խնդիր, կլուծւէ միայն բոլոր կամ ազգաց՝ մեծամասնութեան հաւանութեամբ:

Նշանակում է՝ յոյս դնել Բաղդատի երկաթուղու վրայ և սպասել նրանից փրկութիւն մօտիկ ապագայում, դա մի նոյնքան ուտօպիա է և անհիմն երազ, ինչպիսին միւս սպասելիքների է ակնկալութիւնների շարքերն էին, որոնց հետ մեեք ծանօթացանք նախորդ գլուխներում:

X.

Աւստրիան, Իտալիան և Տանկանայ խնդիրը

Աւստրիայի և Իտալիայի դերը միջազգային զիւրանագիտութեան մէջ: — Աւստրիան, Իտալիան և Արեւելեան Խնդիրը: — Նրանց դերքը Հայկական Հարցի նկատմամբ: — Նրանց զբաւած տեղը զիւլլօմատիական կօմբինացիաների ժամանակ:

Եւրօպական վեց մեծ պետութիւնների համաշ-

խարհային քաղաքականութեան կօնցերտում Աւստրիան ու Իտալիան իրերի բնական բերմունքով զբաւել են երկրորդական տեղ, չափաւոր դեր: Միջազգային դիւանագիտական կօմբինացիաների ժամանակ նրանք, մանաւանդ Իտալիան, աւելի շուտ հետեւել են հեղինակաւոր ձեռնբեկութեան, քան ինքնուրոյն քայլերի, առաջնորդելով միշտ, անպայման, սեփական շահերի տեսակէտով:

Արևելեան Խնդրի նկատմամբ Աւստրիան աւելի մօտ ու շահագրգռած է եղել միշտ քան Իտալիան, թէև Աւստրիան այն պետութիւնը չէ, որ ամեն մի քաղաքական ակտի, այս կամ այն հարցի լուծման դէպքում առանձին տոն տալու ոյժ ու հեղինակութիւն ունենար: Քաղաքականութեան դարաւր տրադիցիայով (ա լա գերմանական) և շահերի մօտ զուգորդութեամբ եղել է Աւստրիան մէկը այն պետութիւններից, որի հետ սովորաբար տեղի էր ունենում Entente cordiale—մի ներքին համաձայնութիւն—Բալկանեան թերակղզու այս կամ այն ժողովրդի քաղաքական ճակատագիրը տնօրինելու համար: Եւ այդ Ententenmächte—համաձայնութեան եկող պետական ոյժերը—լինում են սովորաբար Ռուսաստանն ու Աւստրիան՝ «Արևելեան Խնդրին» մօտ կանգնած պետութիւնները:

Համաձայն 1887 թ. Աւստրո-Ռուսացարական և Իտալական դաշնագրի մէջ «Արևելեան Հարցի» վերաբերեալ բնորոշուած մի պասուսի, պիտի երկուսը միասին որոշ, երաշխաւորուած դիրք ունենան Status quo-ի անխաղա պահպանման կամ փոփոխութեան դէպքում: Թէև այդ կէտը չի արգելում երբէք մէկին զբաւելանալու մասնակցութիւն ունենալու որևէ քաղաքական ակտին այն դէպքում, երբ միւսը ձեռնպահ է մնում: Խնդիրը վերաբերում է միայն երաշխաւորման և փոխադարձ համաձայնութեան:

Սակայն ի՞նչ են ներկայացնում, ի՞նչ արժէք ու-

նեն այդ պետութիւնները «Հայկական Հարցի» նկատմամբ, այդ է կարևորը և մեզ հետաքրքրողը: Իսկապէս ասած ոչինչ, Աւստրո-Ունգարիայի և Իտալիայի դրական թէ ժխտական-բացասական վերաբերմունքը դէպի «Տաճկահայ Խնդիրը»՝ լուրջ Թաւական առաւելութեան և նւազման մի խնդիր է ուրիշ ոչինչ: Այդ երկու պետութիւնները չունեն ոյժ ու կարիք «Հայկական Հարցի» նկատմամբ ձեռներէց լինելու՝ զրական թէ բացասական ուղղութեամբ: Ոյժ ու հեղինակութիւն չունեն, որովհետև, ինչպէս սկզբում շեշտեցինք, նրանց չէ վերապահւած միջազգային դիպլոմատիայի մէջ առաջնակարգ դիրք գրաւելու և դեր խաղալու նախապատուութիւն: Կարիք չունեն, որովհետև պակասում են անմիջական-եսական շահերը, որպէս զի հարկադրէին նրանց յօգուտ տաճկահայերի, ի նպաստ նրանց համար խոստացւած բէֆօրմների գործադրութեան՝ պայքարելու, ընդդէմադրելու հակառակորդ պետութիւնների դէմ: Ընդհակառակը, եթէ նրանք որևէ շահ ունեն, դա մի որևէ միջանկեալ խնդրի համար Թիւրքիային չնեղացնելու, իրենցից չստոցնելու, յետ չմղելու ձգտումն է նրանց կողմից, մանաւանդ այնպիսի մի ժամանակ, երբ ուրիշ պետութիւններ, ամենից առաջ Գերմանիան, Թիւրքիային այնքան սիրաշահելու, նրա հետ բարեկամանալու, շահագրտական ջանքեր չեն խնայում:

Եւ առաջխաղացման առանձին յոյսեր ու ակնկալութիւններ չեն էլ սպասել այդ պետութիւններից այն հայ յեղափոխականները, որոնք ուրիշ երկրների դիւանագէտների դռները մաշելու ոյժ ու եռանդ չեն խնայում:

Պատմական անցեալը վկայում է, որ այն դէպքում, երբ տեղի է ունենում որևէ «վճռական» ուլտիմատում անելու քայլ Թիւրքիայի դէմ՝ հայկական, մակեդոնական կամ նմանօրինակ հարցերի համար, Աւստրո-Ունգարիան թեքում է դէպի Ռուսաստանն ու

Գերժանիան, իսկ Իտալիան՝ դէպի Ֆրանսիան ու Անգլիան: Պետութիւնների այդ կարգի դասաւորութիւնը արդիւնք է գլխաւորապէս նրանց քաղաքական սիստեմների և պետական ընթացների սուր տարբերութեան—մի տեղ արքայազնութեան և կիսարքայազնութեան-սահմանադրական կազմ, իսկ միւս տեղ՝ դեմոկրատական պարլամենտարիստական կազմ: Բայց մենք տեսանք և դեռ կտեսնենք, թէ որ աստիճան թոյլ ու անզօր է երկրորդ կարգի պետութիւնների (Ֆրանսիա, Անգլիա և Իտալիա) հաւաքական քայլը, առանց առաջինների, մտնալանդ Ռուսաստանի անմիջական մասնակցութեան:

Այսպէս ուրեմն շեշտակի արտայայտած մեծութիւններ չեն ներկայացնում Աւստրո-Ռուսագրիան և Իտալիան «Հայկական Հարցի» համար, ուստի և նրանց քաղաքականութեան վրայ առանձնապէս ծանրանալու կարիք չենք գգում:

XI.

Ամերիկայի Միացեալ Մահանգները և Տաճկանայ խնդիրը

Անկալութիւնների և Քլիւզիանների նորագոյն փազիսը—Գաշնակցական իզէօլօզիայի հակասութիւնների անվերջ շղթան:—Պրիմիտիւ քաղաքագիտութեան և նահապետական-գոեհկական լօզիկայի փաստաբանութիւնը:—Ամերիկայի Միաց. Նահանգների շահերի և ազդեցութեան պայքարը Թիւրքիայում:—Միաց. Նահանգները և Տաճկանայ Սնդիքը:—Ամերիկայի քաղաքական կօմպետենցիան սուլթանի երկրում:—Ռուզվելտի մերժողական պատասխանի իմաստը:

Միացեալ Նահանգներից «հաւանական» սպասելիքներ, փրկարար յոյս ու ակնկալութիւն ունենալը

կազմում է Հ. Յ. Դաշնակցութեան անպտուղ երազներ
րի և անյատակ իլլիւզիաների նորագոյն Փագիւր:
«Սոսուլեաձ» ու «երես դարձրած» պաշտօնական Եւրօ-
պայի «անխիղճ սառնասրտութիւնից» հայ յեղափոխա-
կանների «հանճարեղ» քաղաքագիտութիւնը յառեց իր
ուշադրութիւնը Ատլանդեան ովկիանոսի միւս կողմը:

Նոր յոյսեր փշրւածների փոխարէն, նոր պայ-
ծառ աստղ՝ մթազնած հեռանկարների փոխարէն...

Ի՞նչ անել: Խաբւած՝ «ասպետ» Անգլիայի դիւա-
նագիտական «շողորթութիւնից» և հիասթափւած՝
«ազատասէր» Ֆրանսիայի պարլամենտական «փայփա-
յանքներից», Դաշնակցութեան իղէօյօգները գլուխ մէկ
արած դիմեցին կամ խորհուրդ տւին դիմել «ամերի-
կական մեծ հանրապետութեան կորովի նախագա-
հին»²⁹): Ուլտրա-դաշնակցական «Հայրենիքը» Ամերի-
կայում, «սօցիալիստ» «Յառաջ» ու «Ալիքը» Կովկա-
սում խրախուսանքի և քաջալերութեան ներբողներ ա-
ռաքեցին դէպի օտարազգի «հայասէր» ականաւորները
և հայկական գաղթավայրերը, յայտարարելով նրանց
դիմուժը որպէս «Հայկական Հարցի» բարեյաջող լուծ-
ման համար մի կարևորագոյն ձեռնարկութիւն:

«... Մենք Հասագայի առաջիկայ համագումարին
կապւած յոյսերը (նօտր գիրը մերն է) բացարձակապէս
ցնորական չենք համարում և կուզէինք, որ համայն հա-
յութիւնը (նօտր գիրը մերն է), ուր և լինէր նա, իր կո-
չերով, իր դիմումներով աւելի ոյժ տար ամերիկական
մեծ հանրապետութեան կորովի նախագահին»³⁰): Այս-
պէս է յայտարարում Դաշնակցութեան բերան օրգանը:

Ուրեմն փետրուար ամսին (1906 թ.) Դաշնակցու-
թեան քաղաքագիտական հոտառութիւնը հաւատացած

29) «Յառաջ», № 24, առաջնորդող, 1906 թ.

30) Ibid, № 24:

էր կատարելապէս՝ ինչ-ինչ «նպաստաւոր հանգամանքներ» աչքի առաջ ունենալով, որ նախագահ Րուզվելաբը կատանձնէ իր վրա Հաագայի խորհրդաժողովում «Տաճկահայ Հարցը» քննութեան նիւթ դարձնելու և նրա նպաստաւոր լուծման զարկ տալու ինչիցիառիւր, չէ որ «վերջին տարիներս—ըստ պ. Ego ի—նախագահ Րուզվելաբը վաստակել է քաղաքակիրթ աշխարհի հանրային կարծիքի առաջ՝ անշուտնիտի աստիտի (?) համարում»³¹):

Սակայն դեռ մի ամիս չանցած (մարտի 22-ին) Րուզվելաբի մերժումից յետոյ, Գաշնակցութեան իդէոլոգիան ջնջում ու ջրում է մի ձևաքով գրածը միւս ձևաքով: Նոյն պ. Ego-ն—«Հայկական Հարցի» պաշտպանութեան եզակի մօնօպօլիտար—փեսաբար ամսին իր կուսակցութեան ունեցած յոյսերն ու համոզումները «ասպեա» նախագահի նկատմամբ, համարում է «մակերեսային դատողութիւն»: Ինչո՞ւ: Որովհետև «շահի փիլիսոփայութիւնը ընթացական քաղաքականութեան հիմնաբարն է, Եւրօպայում թէ Ամերիկայում»³²): Ուրեմն Ռուզվելաբ մերժելուց յետոյ գաշնակցական իդէոլոգները հասկացան ու փաստաբանեցին երևոյթը բոլորովին այլ կերպ, տրամագծօրէն հակառակը, թէև և դեռ ոչ հիմնովին մարտած, ինչպէս այդ կտեսնենք:

Այդ առաջին հակասութիւնը:

Չորս ամիս անցած (յուլիս ամսին) «Յառաջի» պատանի յաջորդը՝ «Ալիքը», եկաւ նորից հակառակը աւետելու գաշնակցական աշխարհին: «Զնայած մի քանի ամիս սրանից առաջ մամուլի մէջ հրատարակած Ռուզվելաբի մերժման, մենք արժանանաւատ աղբիւրից (նօտրգիրը մերն է) տեղեկութիւն ունենք, որ Միապեալ Նահանգները յանձին նոյնիսկ իրենց պաշտօնա-

31) Ego, «Գորդեան հանդոյց» («Յառաջ» № 53, 1906 թ.):

32) Ibid, № 53:

կան ներկայացուցիչները՝ տոգորւած են լաւ տրամադր-
ութեամբ դէպի թիւրքաց Հայաստանի դատը և որ ա-
մերիկական պատգամաւորները ոչ մի միջոց չպիտի
դլանան շօշափել տալու հայկական հարցը առաջիկայ
խորհրդաժողովին: Ամերիկայի ձայնը միշտ աւելի ու
աւելի բարձր է հնչում թէ միջազգային արէօպագում
և թէ մասնաւորապէս Բօսֆօրի փերում», — յայտա-
բարում է դաշնակցական «Ալիքը» նոյն պ. Fgo-ի բեր-
նով — «Եւ եթէ հարցը դրւի ձեռնհաս կողմից (այսինքն
Ամերիկայի պաշտօնական ներկայացուցիչներին), ապա
յոյսեր կան, որ նա յետ չի մղւի»³³⁾ (նօտրգրերը
մերն է):

Նշանակում է՝ դաշնակցական իդէօլօգները յուլի-
սեան դատողութիւնը կրկին արդարացրեց և հաստատեց
նրանց փետրւարեան յոյսերը և իր կողմից ջրեց մարտ ամսին
այդ բոլորը «մակերևոյթային դատողութիւն, յուսա-
խարութիւն և հիասթափութիւն» համարող ֆրազաները:

Այդ էլ երկրորդ հակասութիւնը, կամ հակասու-
թեան հակասութիւնը:

Դաշնակցութեան ասածների և արածների, գրած-
ների և գործածների մէջ ամենափայլուն կերպով և յա-
ջող պրօբով գործադրւում է Հեգելի հակասութեան դիա-
լեքտիկան:

Մարդիկ յեղափոխականներ են համարւում, ա-
ռանց յեղափոխական լայն հորիզոնի, քաղաքական դա-
տի վարիչներ՝ առանց քաղաքագիտական ընդարձակ
շրջահայեցողութեան, մի որոշ կազմակերպութեան ի-
դէօլօգներ՝ առանց միւլտրոյն տեսակէտի, զուրկ մտքերի
հետևողականութիւնից, դատողութիւնների յաջորդա-
կանութիւնից: Ըձքոնում են երևոյթի լոկ արտաքին
կեղևը, դատում ու փաստարանում ըստէական էֆֆեկտ-
ների ազդեցութեան տակ, գալիս վճռական եզրակա-

33) «Ալիք» № 65, առաջնորդող, 1906 թ.

ցութեան թուղթիկ ու խարուսիկ, պահ մի նպաստաւոր տպաւորութիւններից:

Ի՞նչ հիման վրայ և ի՞նչ ըրակով է Դաշնակցութեան քաղաքական իդէօլոգիան յոյսեր տաժում և ալիքնկալութիւններ սպասում Ամերիկայից: Ո՞վ է Ռուզվելտը, ի՞նչ գործ ու աննշութիւն ունի Ամերիկան Արեւելեան կամ Հայկական Հարցերի հետ: Այս է կարեւոր, քննենք այս խնդիրը:

Պրիմիտիւ քաղաքապիտուութիւնը և նահապետական-գոնհական յօգիկան փաստաբանում է այսպէս.

Ամերիկան Եւրօպայի ուրիշ պետութիւնների նման ազդեցութեան պայքար է մղում Բօսֆօրի ափերին և հայկական բարձրավանդակի վրայ: Վերջին տասնամեակում յաճախ վտանգւել են թիւրքիայում ամերիկական միսօնարները և այդ հանգամանքը գրգռել է ամերիկացիներին, ստիպել է նախագահ Ռուզվելտին մի քանի անգամ լուրջ ազդարարութիւններ անել Բարձր Դրան, հատուցում պահանջել: Ամեն մի այդ կարգի սպառնալիք խրախուսել է հայ ժողովրդին և թելադրել նրան, որ մի նոր ծանրակշիւ ֆակտօր է աւելանում արեօպագում՝ սուլթանական կամայականութեան դէմ: Ամերիկան Աբդիւլ Համիդի վրայ ճնշում գործ դնելով կարողացաւ ամերիկական ղեկավարութիւն ստեղծել Կ. Պօլսում և այսուհետև Միացիալ Նահանգների կառավարութիւնը իր գործօն միջամտութիւնը պիտի ունենայ Տաճկաստանին վերաբերեալ որոշ քաղաքական գործերում: Ահա հէնց այդ յարմար մօմենտը (այսինքն Ամերիկայի քաղաքական ազդեցութեան աստիճանական ուժեղացումը թիւրքիայում) շահագործելու և Ամերիկայի նպաստաւոր (?) տրամադրութիւնից օգտւելու համար, հայ յեղափոխականները վճռեցին ձեռնարկել անդուլ ու եռանդուն հայանպաստ գործունէութեան Ամերիկայում՝ բանաւոր, մամուլի և միտինգների միջոցներով: Սկսեց «Armenia» թերթի հրատա-

բակութիւնը: Եկաւ կաթողիկոսական պատգամաւորութիւնը և սիրալիր ընդունելութիւն գտաւ նախագահից: Վերջապէս խմբովին դիմումներ եղան զանազան ակաւոր հայասէրներէից, որոնք խնդրում էին Ռուզվիտից զնել տաճկահայերի հարցը Հաագայի խորհրդաժողովի առջև 34):

Ահա այս մանկական թոթովանքների, այս բանալ պօլիտիկայի պէս է, որ բողոքում է քաղաքագիտական անգամ տարրական ծանօթութիւնն ու հասունութիւնը: Եթէ ծայրագոյն արեւելքում շահախնդրական արշաւանքներ գործող Ամերիկան վերջին տարիներս առանձին հռահղով անտեսական-տեստրական պայքար է մղում նաև արեւելքում՝ Պօլսում, Զմիւռնիայում և այլ առևտրական քաղաքներում պահանջկոտ շուկաներ գտնելով իր առատահոս նաւթի համար. եթէ իր սեփական քաղաքացիների կեանքն ու պոչքը ապահովելու, իր քաղաքական ազդեցութիւնը տարածող հաւատաորս միախօնարներին պաշտպանելու և Պօլսում դեսպանութիւն հիմնելու համար Միացեալ Նահանգների նախագահը սպառնալիք է կարդում, ճնշում է գործ գնում թիւրքիայի վրայ, նշանակում է, ուրեմն, ըստ դաշնակցական իդէօլօգիայի փաստաբանութեան, որ դրանք «մի շարք նպաստաւոր հանգամանքներ են», որոնք իրաւունք են տալիս Ֆրանկօլօգ յեղափոխականներին քաղցր անուրջների աշխարհը ժառնելու և դառանցելու նորանոր իլլիպիաներ: Զէ՞ որ Ռուսաստան, Անգլիա, Ֆրանսիա և Գերմանիա առանձին-առանձին վերցրած աւելի շատ տնտեսական-ֆինանսական շահեր ունեն Տաճկաստանում՝ երօպական թէ ասիական բաժիններում, աւելի ուժեղ ու անմիջական է նրանց քաղաքական ազդեցութիւնը, աւելի շատ են շահագրր-

34) Տէս, Էջօ, «Գորդեան Հանդոյցը» («Յառաջ», № 53) և «Ալիք» № 65, առաջնորդող:

զուած Թիւրքիայի այս կամ այն կերպ կացութեամբ, աւելի յաճախ են ճնշել և սպաննալիքներ ուղղել սուլթանի հասցէին իրենց սեփական շահերի տեսակէտից, քան Ամերիկան, ինչո՞ւ այդ հանգամանքը «նպաստաւոր» հող չպատրաստեց մինչև օրս հայ յեղափոխականների համար: Ի՞նչ փոյթ մի հայկական կամ մակեդոնական հարցի համար, որ այսօր Ամերիկան, վաղը գուցէ նոր հզօրացած Եապօնիան «քաղաքական ազդեցութեան պայքար» կմղեն Բօսֆօրի ափերում: Մի՞թէ կարելի է քաղաքական խնդրի վիճակի տնօրինումը կապել անվերջ պատահականութիւնների հետ:

Բայց շեշտենք այստեղ ամենակարևոր հանգամանքը:

Դաշնակցականները պէտք է լաւ իմանան, որ Միացեալ Նահանգները զուրկ են քաղաքական կօմպետենցիայից ակտիւ միջամտելու կամ նոյն իսկ նպաստելու մի այնպիսի քաղաքական հարցի լուծման համար, որի ճակատագիրը կախուած է եւրօպական վեց մեծ պետութիւնների դիպլօմատիական լիազօրութիւնից՝ սկսած Բերլինի դաշնագրի յայտնի դէպքից: Եւ նախագահ Ռուզվելտի մերժողական պատասխանը պատուում է հէնց այդ կէտի շուրջը. «Միացեալ Նահանգները ջանքերը չունեն անհրաժեշտօրէն օրինական (նօտրզիրը մերն է) և հզօր միջամտութեան ոյժ»—ասում է զգոյշ քաղաքագէտը: Պանամերիկանիստ Ռուզվելտը լաւ գիտէ, որ ամեն մի միջամտական քայլ իր կողմից կլինէր մի անհաջիւ ու չնախատեսուած ձեռնարկ, որ անխուսափելիօրէն առաջ կկոչէ «մի ուրիշ պետութեան (կամ պետութիւնների) գործերի ու շարժառիթների բացասականութիւնը»: Եւ վերջապէս կապիտալիստ տուգերի և Ֆինանսիստ բարոնների նախագահը շատ լաւ գիտէ, որ իր հայրենիքը չունի բացարձակապէս որևէ անսիջական շահ՝ հայկական կամ մակեդոնական հարցերի բարեյաջող լուծման նպաստելու համար, փոյթ չէ ամենևին,

որ հայ յեղափոխականների քաղաքագիտական գաճաճութիւնը կշարունակէ անվերջ հուշակել նրան «կորովի նախագահ», «ճնշւածների ասպետ» և այլ մի շարք չեղած ու չունեցած շողոքորթական արտայայտութիւններ, որոնք ամեն բան են, բացի յեղափոխական Ֆրբազներ լինելուց:

Եթէ Հասագայի առաջիկայ խորհրդաժողովին եւրոպական ազդեցիկ պետութիւնների ներկայացուցիչները ըստ սովորականին կրկին զամբիւղ նետեն «Հայկական Հարցը» կամ ամենալաւ դէպքում մի պլատոնական, գործնական արժէքից բոլորովին զուրկ բեզօլիւցիա թէ ուլտիմատում մշակեն, դաշնակցական քաղաքագէտի մտամոլոր գրիչը պիտի նորից ուշքի գայ և «անէժք ու նզովք» թափելով «նիւթապաշտ ու գծում» շահերով տարւած Եւրոպայի գլխին, կրկին ջրէ իր վերջին (յուլիսեան) յոյսերն ու սպասելիքները:

Իսկ դա կլինի արդէն հակասութեան հակասութիւն և զարձեալ հակասութիւն:

XII

Ամփոփում եւ եզրափակում

Պետութիւնների շահերն ու ձգտումները թիւրքիայում:— Դիւանագիտական յարաբերութիւնների աննպաստ դասաւորութիւնը՝ անգլո-ուսական հակամարտութիւն, Ֆրանկո-ուրուսական դաշնակցութիւն, գերման-թիւրքական բարեկամութիւն:— Մեր հետազօտութեան եղանակը:— Պ. Էջօ-ի մի սեծ հակասութիւնը:— Բաւական չէ խոստովանութիւնը:— Դաշնակցութեան քաղաքագիտական իգէօլօգիայի պատկերը:— Քր. Միքայէլեանը և ամբոխային-նահապետական տրամաբանութիւնն ու հոգեբանութիւնը:— Բարոյական նախատինք և բէալ քաղաքականութիւն:

Մեր աշխատութեան նախկին գլուխներում սխտեմատիկաբար թւեցինք ու հաստատեցինք այն ա-

մենք, ինչ անհրաժեշտ էր հասկանալու՝ մի կողմից Տաճկահայ Խնդրի լուծման մեթոդական բնաւորութիւնը, միւս կողմից՝ միջազգային դիպլոմատիայի պատմական տեղեկանքի, իսկ երրորդ կողմից՝ այդ երկուսի փոխադարձ առնչութիւնը: Մենք ցոյց տւինք եւրօպական պետութիւնների առևտրական-ֆինանսական և քաղաքական շահերը եւրօպական ու ասիական Տաճկաստանում, ապա յանուն այդ շահերի՝ նրանց պատմական ձգտումները, նրանց դիպլոմատիական դուալիզմը, երկդիմի քաղաքականութիւնը Թիւրքիայի ամբողջական գոյութեան նկատմամբ: Ապա ցոյց տւինք Թիւրքիայի երկսայրի քաղաքականութիւնը պաշտօնական Եւրօպայի հանդէպ՝ «Արևելեան Խնդրի» և մասնաւորապէս «Հայկական Հարցի» նկատմամբ: Այնուհետև մերկացրինք «Տաճկահայ Խնդրի» ֆիզիօնօմիան, որպէս պաշտօնական Թիւրքիայի և պաշտօնական Եւրօպայի դիւանագիտական յարաբերութիւնները օղակող մի խճըճւած հանգոյց: Մենք դատ-դատ և յաջորդաբար առաջ բերինք եւրօպական բոլոր շահագրգռւած մեծ պետութիւնների և անգամ Ամերիկայի Միացեալ Նահանգների պատրական քաղաքականութիւնը, պետական «էփօրիմի» պատկերը և նրանց վերաբերմունքը դէպի «Տաճկահայ Հարցը»:

Մեր այդ բոլոր ճշգրիտ, փաստալից և անկանխակալ դիտողութիւնները ուրուագծեցին մի սև ֆօն՝ իր ժխտական-բացասական էջերով, որի վրայ ամուր մեխւած է և կմնայ դեռ մինչ աննախատեսնելի ապագայ՝ տասնեակ տարիներ քաշելով, դժբախտ հարցը:

Մենք վերլուծելով պետութիւնների ըէպլ շահերն ու ձգտումները, եկանք այն հաստատակամ եզրակացութեան, որ պետութիւններից և ոչ մէկը՝ Եւրօպայում թէ Ամերիկայում, չունի որ և է էական ինտերես՝ ձեռներէջ լինելու Հայկական Հարցի լուծման, նրա պատելու առանձնապէս խոստացւած բէֆօրմների

գործադրութեան: Եւ եթէ մի կամ միւս պետութիւնը որոշ պայմաններում արտայայտել է ոյժ ու ցանկութիւն առաջ ընթանալու յօգուտ հայերի, ապա այդ եղել է ոչ թէ ը սէր հայերի, ոչ թէ «անկեղծ» մօտիւններից դրդւած, այլ իզէալիստ «ազգասէրների» չհաւանած «նիւթապաշտական» մօտիւններից «ստամոքսի գոնհիկ պահանջներից» շահագրգռւած:

Մենք առանձնապէս մատնանշեցինք ազդեցիկ ու հեղինակաւոր պետութիւնների դիւանագիտական յարաբերութիւնների աննպաստ դասաւորութեան վրայ, որ միանգամայն անհնարին է դարձնում պետութիւնների հաւաքական միջամտութեան ակտը և վնասկան ընթացքը յօգուտ «Հայկական Հարցի»: Անդլօ-ռուսական կատաղի հակամարտութիւնը մի կողմից, Ֆրանկօ-ռուսական դաշնակցութիւնը—միահեծան ցարիզմի և բուրժուա դեմօկրատական հանրապետութեան ըստ երևոյթին պարագօքսալ այդ ալիանսը—երկրորդ կողմից և թիւրք-գերմանական սրտակցական բարեկամութիւնը՝ երրորդ կողմից,—ահա այն մանուածապատ կօմբինացիան երեք քաղաքական յայտնի երևոյթների, որոնք խորապէս շօշափելով եւրօպական չորս առաջնակարգ պետութիւնների պատմական քաղաքականութեան արմատները, միանգամայն չեզօքութեան ու անտարբերութեան են մատնում «Հայկական Հարցը» դիւանագիտական ընդհանուր պլատֆօրմի վրայ:

Մեր հետազօտութեան եղանակը լինելով վերլուծական (անալիտիկ), մտածողութեան մեթօդը՝ դիալեկտիկական-մատերիալիստական, իսկ իրերի և երևոյթների գնահատութեան մասշտաբը՝ բէալիստական, անխուսափելիօրէն քայլ առ քայլ ընդհարեցինք ուտօպիստ իդէալիստ-մօրալիստ դաշնակցականների մտածողութեան եթերային ամբողջին և փլեցինք այն, որքան կարողացանք: Մենք մերկացրինք հակասութիւններին այն լճացած քօսուր, որ արտադրում է անհրաժեշտօրէն ամեն մի դաշնակցա-

կան իդէօլոգ, ով ընդունում է և փորձել է իր գրիչը քաղաքագիտական մարդանքների սահմանում: Ընթերցողներին, մանաւանդ դաշնակցական աւուզիտօրիայի համար աւելի ու աւելի համոզեցուցիչ դարձնելու համար մեր ըստինքեան հասկանալի պնդումներն ու փաստերը, մենք առաջ բերինք բազմաթիւ լրացուցիչ վկայութիւններ դաշնակցական իդէօլոգիայի արսենալից: Դրանք մի շարք դառն խոստովանութիւններ են օրիեկտիւ իրականութեան անողոք երևոյթների. դաշնակցական խոստովանութիւններ, որոնք ըստինքեան վերցրած, առանց կողմնակի կօմենդարիաների, գալիս բաղխում, ընդհարում են նրանք քաղաքագիտական նայիվութեան, անհիմն լաւատեսութեան հետ: Մի խօսքով՝ դաշնակցական գրաւոր խոստովանութիւնը տրամազծօրէն հակասում է նրանց գործնական ձգտումներին ու ակտերին:

Օրինակ դաշնակցական իդէօլոգները բացէ իրաց խոստովանում են, մանաւանդ իրենց նորագոյն քաղաքագիտական գրականութեան մէջ, այն ակնյայտի իրողութիւնը, որ «Ռուսաստանը վճռական(ամենավճռական, կաւելացնենք մենք) ֆակտօրն է թիւրքահայոց խնդրում», այդպէս լինելով հանդերձ, նա «դէմ է (բացարձակ դէմ է, Բ. Ի.) մեր հարցի գոհացուցիչ լուծման, լինելով գլխաւոր, գերակշռող ֆակտօրը...»: «Բայց չէ՞ որ կան եւրօպական արէօպագում ուրիշ ֆակտօրներ (նոտրգրերը մերն է), նոյնպէս շահագրգռած թիւրքիոյ կացութեամբ ու բարենորոգութեամբ»—աւելացնում է պ. ԲՅՕ-ն: Ուրեմն եթէ կան «ուրիշ ֆակտօրներ» ևս, որոնց վրայ յոյս դնելու իրաւունք ունեն հայ յեղափոխականները, բնական է, որ այդ ուղղութեամբ պիտի գործէին: Եւ իրաւ, «հայ կռուող մարմինը և նրա պրօպագանդիստ ներկայացուցիչները Եւրօպայում վերջին տարիներս մէկ էական ձգտումն ունէին (նոտրգրերը մերն են)՝ միացնել երեք արևմտեան ռամկավար պետութիւններին (Անգլիա, Ֆրանսիա և

Իտալիա) տաճկահայկական դատի շուրջը»: Սակայն մի քանի տողից յետոյ պ. Ego-ն ուղղակի շեշտում է, որ «այդ աշխատանքի ներկայացուցիչները յոյս չունեն, որ յիշեալ երեք պետութիւնների վրայ յինւելով՝ կարելի է հարցի շատ թէ քիչ արմատական լուծումն ստանալ»: Ինչո՞ւ, ի՞նչ պատահեց. որովհետև «այդ անկարելի է թւում առանց Ռուսաստանի համաձայնութեան» (նոտրպրերը մերն է) 35):

Ընթերցող, ինքներդ հասկացէք դատողութիւնների այս խառնափնթորութիւնը, հակասութեան այս գոհարները: Ըշմարիտ, Տաճկահայ Խնդրի դաշնակցական պաշտպանութիւնը շատ անաջող երդւեալ հաւատարմատար ունի յանձինս պ. Ego-ի:

Եթէ Դաշնակցութեան քաղաքագիտական իդէօլօգիան համոզւած է և խոստովանում է, որ Ռուսաստանը լինելով Տաճկահայ Խնդրում գերակշռող Ֆակտոսը, դէմ է և բացարձակ թշնամի նրա լուծման մինչ այն աստիճան, որ առանց նրա համաձայնութեան անկարելի է հարցի շատ թէ քիչ արմատական լուծումն ստանալ, ապա, սոսցէք, ի՞նչ լաւատեսութեամբ է «հայ կուռղ մարմինը» ուրիշ Ֆակտորներ որոնում եւրօպական արէօպագում, ի՞նչ յոյսերով է նա աշխատում երեք ոսակավար պետութիւններին խմբել տաճկահայոց խնդրի շուրջը, երբ, կրկնում ենք, առանց Ռուսաստանի համաձայնութեան ոչինչ վճռական չի կարելի անել ու սպասել: Երկուսից մէկը, կամ սխալ է ձեր կարծիքն ու խոստովանութիւնը Ռուսաստանի դերի նկատմամբ, կամ թէ չէ անմիտ ու անհիմն են ձեր զործնական ջանքերը արտասահմանում: Բայց որովհետև Ռուսաստանի գերակշիռ դերն ու դիրքը՝ արևել-

35) Տես այդ ցիտատաների համար՝ Ego, «Գորդեան հանգոյց» («Յառաջ» № 56):

եան՝ ընդհանրապէս և հայկական՝ մասնաւորապէս, հարցերում մի արտառոց իրողութիւն է, մի աչք ծակող փաստ, որ նոր միայն զգում ու գիտակցում է Դաշնակցութիւնը, այդ պատճառով մնում է, բնականօրէն, ընդունել, որ և՛ անմիտ ու ապարդիւն, և՛ հողմացոյց ու ուսուցիական է «հայ կււող մարմնի» գործունէութիւնն ու նպատակը արեւմտեան Եւրօպայում (մենք կդառնանք դեռ վերջնիս յետոյ):

Ահա ձեզ հսկայական ու արմատական հակասութիւնը դաշնակցական խոստովանութեան և դաշնակցական գործունէութեան մէջ:

Բաւական չէ սոսկ խոստովանութիւնը: Բաւական չէ, որ Տաճկահայ յեղափոխութեան նախանձախնդիրը բացէ ի բաց խոստովանէ, որ իրաւ հայկական կոտորածի դաւադիր պրօվօկատորը ինքը՝ ցարի կառավարութիւնն է. բաւական չէ ասել ու կրկնել, որ Տաճկահայ Հարցի գորդեան հանդոյց դարձած վիճակի ամենամեծ պատճառը Ռուսաստանն է. յեղափոխութեան տրեգերը պէտք է քաղաքական հեռատեսութեամբ գիտակցէր մինչ օրս և գիտակցէ գոնէ այժմ, որ միանգամայն աննպատակ ու ապարդիւն են և պիտի լինեն յեղափոխական ճիգ ու ջանքերը, քանի ցարիզմը շարունակէ իրեն վերապահել եւրօպական ցինիկ դիպլօմատիայի հեգեմօնիան:

Այդ բոլորի փոխարէն Դաշնակցութիւնը տասնեակ տարիներ շարունակ մաշեց իր կեանքը դառն ինքնախաբէութեան ու անվերջ հիասթափումների մէջ, օրօրելով մասսայի նինջը սին պատրանքներով, ներշնչելով նրան պարզամիտ լաւատեսութեան անպրտուղ յոյսեր, զրգռելով հայդուկների ռազմական ինստիւկտները սենտիմենտալ ու հրաբորբոք զգացմունքներով: Այնտեղ, ուր անհրաժեշտ է անխնայ մերկացնել, անդամահատել, ու խիստ անալիզի ենթարկել քաղաքական երևոյթների բարդ ու անողոր ստրուկտուրան,

ճիշտ այնտեղ Դաշնակցութեան վերաժառանգ իդէօլօգիան սրօղում է (անգիտակցաբար թէ գիտաւորութեամբ) տխուրն ու անմխիթարը, բացասական հետևանքները և իր փաստազուրկ աքստրակցիաներով ու վերացական ընդհանրացումներով օգային ամրոցներ կառուցանում: Այնտեղ, ուր հարկաւոր է սառն ու լուրջ մտածել, հեռատեսօրէն և հոտառոտ քաղաքագիտութեամբ դատել, այնտեղ հայ յեղափոխական կազմակերպութեան ղեկավար ոյժերը բանաստեղծում ու վիպասանում են, երգում ու երազում են: Եւ այդ պատճառով հէնց այնտեղ, ուր անհրաժեշտ է փաստացի քննութիւն և տարրալուծական քննադատութիւն, իրական համոզմունք և անխաղտ տեսակէտ, այնտեղ նրանք կերակրւում են յոյս ու հաւատով, անվերջ ակնկալութիւններով և իլլիւզիօն հեռանկարների գաղափարով: Այնտեղ, ասում ենք, ուր կարևոր է կազմակերպւած ոյժ ու խորը գիտակցական վերաբերմունք, գործունէութեան խելացի, հետևողական տակտիկա, այնտեղ Դաշնակցութիւն ասածը խաղալիք է խաժումուժ ամբօխի տարերային ոյժի ու շարժման բռնկումների ալիքներին, այնտեղ սառը և կշռագատող ուղեղի փոխարէն՝ որոշիչ և ուղեցոյց Ֆակտօրը հանդիսանում է խուժանի, դաշնակցական միլիտարիզմի ինստիտուտային մղումները, անարխիստական անտակտ ու անհաշիւ գրոհը:

Մենք տեսանք և փաստերով հաստատեցինք դաշնակցական յեղափոխականութեան և մանաւանդ նրա քաղաքագիտական էիդօլօգիայի այդ Ֆիզիօնօմիան. մենք տեսանք այդ և կտեսնենք դեռ յետագայ գլուխներում:

«Ամբօխային տրամաբանութեան» հասցէին այնքան առատութեամբ և խիզախութեամբ քարեր նետող իդէօլօգը ամենից շուտ և ամենից շատ տրամադիր է դատելու և փաստաբանելու ամբօխային-նահատական տրամաբանութեամբ ու հրդեհանութեամբ: Հայ յեղափոխական շարժման և հայակական կոտորածների

«պատճառներն» ու «առիթները» այնքան մեծ եռանդով «հետախուզող ու հետազոտող հանգուցեալ Միքայէլեանը շատ աւելի պարզամիտ ու իդէալիստ է, որպէս զի կարողանայ հասկանալ նաև «Հայկական Հարցի» անկախ, անլուծելի մնացած դրութեան և սուլթանական անսանձ բռնութիւնները «անպատիժ» թողնելու պատճառներն ու առիթները: Ի՞նչու այնքան անտարբեր ու ստոնասիրտ է պլատոնական Եւրոպան սրախողխող ժողովրդի աղելսարշ վիճակի հանդէպ, ինչո՞ւ այն աստիճան ցինիկ, «անգութ ու անողորմ» է միջազգային դիպլոմատիան տասնեակ տարիներ ձրզ-ձրզած դժբախտ հարցի նկատմամբ: Այդ երևոյթի պատճառը քննելու և լուսաբանելու համար մեր յարգելի Դաշնակցութիւնը չի ունեցել և չունի երբէք ոչ զլուխ և ոչ տրամադրութիւն: Իր բազմիցս ունեցած ձախորդութիւնների և առհասարակ ամբողջ անողորմ իրականութեան հանդէպ՝ Դաշնակցութեան մեղկ իդէօլոգիան սովոր է և ընդունակ վշտագին տոնով բարոյական պարսաւանք ուղղելու քաղաքական աշխարհի հասցէին. «Թ՛ող դրոշմէ ուրեմն պատմութիւնը ժամանակակից Եւրոպայի ձևատին հրէշաւոր դաւաճանութեան (նօտրգրերը մերն է) յաւիտենական արատը, որից սակայն միշտ ազատ կմնայ հայ երիտասարդութեան այն փոքրամասնութիւնը, որ ընտրեց կուլի փշոտ դաշտը...» 36):

Քարոյական նախատինք այնտեղ, ուր ամենից քիչ կարող է խօսք լինել կամ երբէք չի կարող լինել բարոյականութեան մասին: Բէալ քաղաքականութեան «անողորմ» ձգտումների հանդէպ՝ մօրալիստի նայիւ թոթովանքներ...: Այդ անարժէք պրիզմայի միջով են անդրադառնում Դաշնակցութեան քաղաքագիտական գործ-

36) Քր. Միքայէլեան, «Ամբոխային տրամաբանութիւն», կր. 57:

նէութեան ու հասկացողութեան բոլոր գոհարները: Ի՞նչ հրէշաւոր դաւաճանութեան մասին է Դաշնակցութեան նախկին պարագլխի խօսքը, չենք հասկանում: Անարդարութիւն կամ դաւաճանութիւն է մի պետութեան կամ պետութիւնների կողմից, եթէ նրանք ըստ իրենց էութեան և իրական շահերի ունեն միշտ համապատասխան քաղաքականութիւն, պատմական ձգտումներ, անկախ միանգամայն այն հանգամանքից, թէ այդ բոլորը ի՞նչ մեծաքանակ գոհերի գնով են կատարուում:

Քանի իրերն ու երեւոյթները հասկանալու եւ գնահատելու համար Դաշնակցութիւնը քննադատական ելակէտ ընդունեց բարոյական սկզբունքը եւ իղէալիստական տենդենցը, այնքան էլ անբարոյն իմնայ նրա համար եւրոպական պետութիւնների իրական քաղաքականութեան պատմական տենդենցիան թիւրքիայում: Եւ քանի կշարունակէ երկրորդ հանգամանքը, այնքան էլ ընդմիշտ սխալ ու ապարդիւն կլինի հայ յեղ. կազմակերպութիւնների զործնէութեան տակտիկը Տաճկաստանում եւ այնքան էլ «Հայկական Հարցը» մի անորոշ, մութ ու մշուշապատ ապապայ կներկայացնէ նրանց համար:

XIII.

ՀԱՅ ՅԵՂ. ԴԱՇՆԱԿՑՈՒԹԵԱՆ ԳՈՐԾՈՒՆԷՈՒԹԵԱՆ
ԵՐԿՈՒ ԾԱՆԱՊԱՐՀԸ *)

1. Յեղափոխական ճանապարհ կամ յեղափոխական
գործունէութիւն երկրի ներսում:

Դաշնակցութեան գործունէութեան տարրեր ճանապարհները:—
Նրա յեղափոխական գործունէութեան էութիւնը:—Ցոյցեր, ար-
շաւանքներ, հրոսակային խմբեր, տերօրական գործողութիւն-
ներ:—Ո՞րն է յեղ. կուի ու պայքարի իմաստը:—Անուղղակի նպա-
տակը:—Ո՞րն է «բռնի ոյժ»-ի արժէքը:—Եւրօպական միջամտու-
թեան խնդիրը:—Դաշնակցութեան տեսական ու գործնական սը-
խալ ուղղութիւնները:—Յեղափոխ. ֆրագէօլօգիայի թուրթակում:
—Յեղափոխական գործունէութեան պօզիտիւ ձգտումները և նե-
զատիւ հետեանքները:—Յեղափոխ. շարժման բնոյթը թիւրքա-
հայերի մէջ:—Հայկական շարժում և հայկական կոտորած:—Դաշ-
նակցական ձգտումների մաքսիմումը:—Անշարժ սպառնալի
հաւանական շահները:—Տաճկահայ խնդրի ու շարժման չեզօքաց-
ման տենդենցիան:—Ի՞նչ են ասում մեզ նեղատիւ հետեանքները:
—Քր. Միքայէլեանի գրքի արժէքը:—Դիալեկտիկայի հակադրա-
կան օրէնքը:—Թիւրքահայի քաղաքական վիճակի երեք շրջան-
ները:—Կոտորածների ուժեղացման սիստեմատիկ քաղաքականու-
թիւնը

Ո՞րոնք են գործունէութեան այն միջոցները, ու-
րոնցով հայ յեղափոխական կազմակերպութիւնները

*) Ինչպէս մինչև այստեղ են եղել, այնպէս էլ այսուհետև
մեր քննադատական դիտողութիւնները կլինեն գրեթէ բացառա-
պէս Դաշնակցութեան մտածածների և գործածների մասին: Մեր
մէջ իրապէս սիւսն այդ կազմակերպութիւնն է, որ տաճկահայ
դատը վարելու պատմական միսսիա է ստանձնել իր վրայ, ուստի
աւելորդ համարեցինք առանձնապէս ծանրանալու Հնչակեան
կուսակցութեան վրայ, որի փաստական գոյութիւնը տաճկահայ
գործերում վաղուց է պատմութեան գիրկն անցել. իսկ նրա ան-
ցեակի գործակերպը ըստ ինքեան քննադատում է մեր կողմից
այնքան, որքան դա նման է Դաշնակցութեան գործելակերպին:

ձգտել են իրականացնելու իրենց մտազբաւ նպատակը:

Ինչպէս ազատագրական շարժման նուիրւած ամեն մի կազմակերպութիւն, այնպէս էլ հայ յեղափոխականները ընտրել են գործնէութեան որոշ մեթօդ, առաջադրած նպատակին հասնելու յայտնի ճանապարհներ: Ի հարկէ, սրանով չի ասուում միաժամանակ, որ ինչպէս սովորաբար առաջինը, այնպէս էլ երկրորդը ճիշտ ու խելացի ընտրութիւն է արել իր գործելակերպի նկատմամբ:

Մեզ զբաղեցնող նիւթի սահմաններից դուրս է միանգամայն շօշափել այստեղ հայ յեղափոխական կազմակերպութիւնների երկկողմանի գործնէութեան պատմական անցեալը, նրա աստիճանական առաջընթացումն ու օրգանական զարգացումը: Մեր նպատակն է միայն քննադատել նրանց ընտրած գործելակերպի էութիւնը, իմաստն ու պատմական արժէքը:

Հ. Յ. Դաշնակցութիւնը իր գոյութեան սկզբից ի վեր հետեւել է գործնէութեան երկու տարբեր ճանապարհներին. տարբեր՝ իրենց ներքին էութեամբ և մեթօդական ընաւորութեամբ, սակայն նման և օրգանապէս շաղկապւած՝ նպատակով և ձգտումներով:

Այդ ճանապարհներն են՝

Յեղափոխական ճանապարհ և քաղաքական ճանապարհ. կամ աւելի ճիշտը՝ յեղափոխական գործնէութիւն երկրի ներսում և քաղաքադիտական-պրօպագանդիստական գործնէութիւն երկրից դուրս՝ արեւմտեան Եւրօպայում:

Քրքրեցէք Դաշնակցութեան գործնական անցեալը, դիտեցէք նրա ներկան, թերթեցէք նրա ամբողջ յեղափոխական գրականութիւնը՝ լեզալ թէ անլեզալ, և դուք կգտնէք մեր վերոյիշեալ տողերի փաստական վաւերացումը՝ հարիւրաւոր օրինակներով ու դօկումենտներով: Երկուսն էլ՝ յեղափոխական թէ պրօպագանդիստական գործնէութեան ճանապարհները, ընթացել են զուգահեռաբար. երկու կարգի գործելակեր-

պի վրայ էլ հայ յեղափոխականները տասնեակ տարիներ շարունակ Ֆիզիքական, նիւթական և մտաւոր-բարոյական անասելի ջանքեր են թափել:

Տեսնենք սրն է այդ երկակի գործնէութեան էութիւնը, իմաստն ու արժէքը: Նախ առաջնի մասին:

Յեղափոխական ճանապարհ կամ յեղափոխական գործնէութիւն երկրի ներսում:

Յեղափոխական կռիւր՝ տաճկահայ հողի վրայ, ըստ երևոյթին համարել է վաղուց հետէ ամենասըրբագործւած ու նւիրական միջոցը հայկական ազատագրութեան: Հայ վիպասանը (Բաֆֆին) իր հմայիչ ու երևակայական տիպերով, հայ բանաստեղծը (Փամսու Քաթրպա) իր զիւթիչ երգերով և հայ հրապարակախօսը (Գր. Արծրունին) իր կրակոտ յօդւածներով ոգևորում և ռազմատենչ հրաւէր էին կարողում հայ երիտասարդութեան՝ «հայկական ազատութեան արձանը հրաշակերտելու» սահմանի միւս կողմում՝ մայր հայրենիքում: Լեզու «յեղափոխականիբրին» հետևեցին անլիզալ յաջորդները, որոնք անխնայ և անվերապահ գլուխ էին խոնարհում և խունկ ծխում Զէյթունի ամամտչելի լեռներում և Սասնոյ հպարտ բարձունքներում համիդէականների դէմ կռի ահարկու թնդիւնը որոտացնող հայ քաջարի մարտիկների անջինջ յիշատակի առաջ:

Հայ յեղափոխական կազմակերպութեան և՛ «քաղաքագէտ» իդէօլօգը և՛ զինակիր հայդուկը՝ գիտակցաբար թէ ինստինկտային մղումներով տարւած, ակտիւ կռիւր երկրի ներսում համարել են հայկական հարցի դատավարութեան ու լուծման ամենաանհրաժեշտ և ներգործական միջոցներէց մէկը:

Սակայն ինչի՞ մէջ պիտի արտայայտէր այդ յեղափոխական կռի էութիւնը, սրն է նրա գործնական ընթացքը:

Հայ յեղափոխական կազմակերպութիւնները — ասա

և կրկնիր՝ յատկապէս Դաշնակցութիւնը—նուիրելի էր մեծ եռանդով կազմակերպելու ժողովրդային շարժումներ, ցոյցեր, արշաւանքներ, հրոսակային խմբեր, տերօրական գործողութիւններ, զէնքերի, ռազմական այլ և այլ միջոցների և մարտական բանակների փոխադրութիւն գրսից դէպի ներս—աշխարհի զանազան անկիւններից դէպի Տաճկահայաստան: Պօլսում, Սասունի լանջերում, Վանի շրջակայքում և Զէյթունի լեռներում կատարած ցոյցերը, ռուս-պարսկական սահմաններից արևած արշաւանքները (Կուկունեան և Սանասոր), ապամանր-մուկ կռիւների և ընդհարումների մի ամբողջ շարք և վերջապէս բազմաթիւ տերօրական գործողութիւններ՝ ուղղւած պաշտօնական անձերի և հայ լրտեսների ու դաւաճանների դէմ,—սրանք բոլորը մի շարք յեղափոխական երեոյթներ են, որոնք զազափար են տալիս տաճկահայկական յեղափոխութեան գործնական արտայայտութիւնների մասին: Եւ ով ուզում է զազափար կազմել նաև այս բոլոր փաստերի ու երևոյթների պատմական վաւերացման և դաշնակցական արդարացման մասին, թող նա թերթէ դաշնակցականների փիլիսոփայութեան մատեանի—«Ամբոխային տրամաբանութեան»—ամբողջ IV գլուխը (եր. 36—48):

Բայց ինչի՞ մէջ է կայանում այդ յեղափոխական կռի ու պայքարի իմաստը. ի՞նչ նպատակի են ուղղւած մարտական այդ բոլոր ակտերը:

Տաճկահայ յեղափոխական շարժման միակ նպատակն էր. «կազմակերպւած ու բռնի ոյժով կուել, բողոքել Տաճկաստանում տիրող սպանիչ կարգերի դէմ, մինչև որ վեց պետութիւնների երաշխաւորած միջամտութեամբ այդ կարգերը դէպի լաւ կփոխեն» 37): Այսինքն՝ աւելի մասնաւորելով

37) Քր. Միքայէլեան, «Ամբոխային տրամաբանութիւն» եր. 38: Նոյն միաբը կարելի է գտնել Դաշնակցութեան գրական-հրատարակախօսական գրեթէ բոլոր նորագոյն արտադրութիւնների մէջ:

և ճշգրիտ արտայայտելով՝ մինչև կբարեփոխւի հայր վիճակը, կլուծւի հայկական հարցը:

Խնդիրը պարզ է և անվիճելի: Դաշնակցութեան գործունէութեան յեղափոխական ճանապարհը չունէր ուղղակի և անմիջական նպատակ, այլ ընթանում էր դէպի մի անուղղակի նպատակ: Յեղափոխական ակտերը, կռիւն ու ցոյցերը՝ ուղղւած անմիջապէս սուլթանական ըէթիմի դէմ, իրենց ոյժերից վեր են համարում, բնականաբար, անմիջական նպատակ դարձնելու նոյն այդ ըէթիմի խորտակումը, թիւրք կառավարութեան պարտութիւնը և դրանով հայերի ազատագրումը, այլ այդ բոլոր մարտական գործողութիւնները՝ իբրև դժոխային կացութեան ցասկոտ և ըմբոստարտայայտութիւններ, իրենց հեռււոր անդրդաճնումներով գալիս են բաղխելու պաշտօնական Եւրօպայի դիւանագիտութեան գունդը, յիշեցնելու նրան իր ըստանձնած քաղաքական պարտականութիւնները:

Շատ բարի:

Իսկ ռոն է «բռնի ոյժի» գործնական արտայայտութեան արժէքը, ի՞նչ նշանակութիւն ունեն յեղափոխական ակտերը, հրոսակային խմբերի արշաւանքները իրենց հետևանքներով:

Դրա պատասխանի գրպանը ևս բաց է: Անհրաժեշտ էին այդ բոլորը եւրօպական միջամտութիւն առաջ բերելու համար. հարկաւոր էր, որ հայկական բողոքներն ու ըմբոստացումները տեղի ունենային մեծ պետութիւնների աչքի առաջ. կարևոր էր Կ. Պօլսի ցոյցը՝ «ամբողջ Եւրօպայի աչքի առաջ, նրանց շահերի անմիջական թատերաբեմում, ուր մի ատրճանակի պայթում աւելի է լսելի աշխարհին, քան հարիւրաւոր հրացանների որոտումը երկրի խորքերում»: «Իսկ այդ ամենն ունեն այն խոշոր արժէքը, որ հարւածում են թշնամու (թիւրքիայի) հեղինակութեանը թէ ներսում՝ սեփական հպատակների աչքում և թէ դրսում՝

օտարների առաջ, ֆլետսում են կառավարչական շահերին, զբաղեցնում են հւրօպական հասարակական կարծիքը և դիւանատները, այսինքն առաջ են մղում միջամտութեան գործը, առնուազը թոյլ չեն տալիս խընդիրը մոռացութեան տալու» 38) :

Սրանով մենք կրկին յանգում են բուն խնդրին — միջազգային դիպլոմատիային, որի նպաստաւոր կօմբինացիաներին է վերապահւած, ինչպէս տեսնում ենք, գորղեան հանգոյցի դրական լուծումը :

Սրանով նաև դիւրանում է մեր վերլուծական և քննադատական պօզիցիան, որովհետև մեր հակառակորդների հարազատ խոստովանութեամբ մերկացրինք նրանց գործունէութեան տուային ճանապարհի ընդթը :

Ամենից առաջ շեշտենք, որ մեր դիտաւորութիւնից միանգամայն հեռու է՝ քննել այստեղ հայ յեղափոխական շարժման ծագման պատճառներն ու պայմանները, նրա իրաւացի և բնական լինել չլինելու խնդիրը. գա մեզ չէ վերապահւած, դուրս է մեր թեմայի շրջանից : Մենք պիտի քննադատենք միայն հայ յեղափոխականների գործնէութիւնը այնքան, որքան դրա հետ անմիջապէս շաղկապւած են նրանց րադաքական իլլիւզիաները :

Դաշնակցութիւնը՝ իր մտածող ու գործող գլուխներով, երկու խոշոր սխալ է գործել ու գործում — տեսական և՛ գործնական ուղղութեամբ :

Սխալ է մտածում տեսական ուղղութեամբ, երբ նա իր յեղափոխական գործելակերպը պատմականօրէն արդարացնում և փաստաբանում է (տես «Ամբոխային տրամաբանութիւն» և «Հայրենիքի գազափարը») առհասարակ յեղափոխական շարժումների (ընդհանուր հւրօպական) ընդհանուր թէօրիայի սկզբունքներով :

38) Քր. Միրջալիւեան, «Ամբոխային տրամաբանութիւն» եր. 38 և 41 :

Բոլորովին այլ է Թիւրքիայի մանր-մունր ժողովուրդներէ ազատագրական շարժումը, բնակալական լուծը Թօթափելու ձգտումները և այլ եւրօպական ազգերի պատմական յեղափոխութիւնը (այս կէտի մանրամասն պարզաբանութիւնը տես «Թիւրքիայի ապագան» վերնագրով գլխի մէջ)։ Նոյն իսկ անկարելի է պատմա-քաղաքական և յեղափոխական միևնոյն պլատֆօրմի վրայ դասաւորել «Հայկական Հարց»-ը և «Արևելեան Խնդրի» միւս հատուածները, այնքան խոշոր են տարբերութիւնները առաջի և երկրորդի մէջ։

Սխալ է գործում Դաշնակցութիւնը գործնական ուղղութեամբ, երբ նա մի յամառ լաւատեսութեամբ հաւատացել ու պնդել է միշտ, որ իր ձեռնարկած յեղափոխական ակտերը՝ ինչ որակով ուզում են լինեն, ոյժ ու հնարաւորութիւն կունենան երբ և իցէ վնասակամ միջամտութեան հարկադրելու եւրօպական պետութիւններին, կամ թէ նոյն իսկ միջամտական պրօցեսի զէպքում ամեն բան կերթայ հարթ ու անսայթակ ուղիով (իմա 1895 թ. Հալաբաղի մայիսեան ծրագիրը)։ Այդ անմիտ և ոչնչով չհիմնաւորուած լաւատեսութիւնը դարձաւ իրապէս Դաշնակցութեան ամենամեծ ինքնախաբէութեան և խրոնիքական հիասթափումների մշտական աղբիւրը։

«Սուրբ Ազատութիւնը ձեռք է բերում արեան պնով»։ «Մահ կամ Ազատութիւն»,—յափշտակուած ու շշմուած այս ընդհանուր նշանաբանով, Դաշնակցութիւնը իր աւելի քան 15 տարւայ գոյութեան ընթացքում ոչ միայն ձեռք չբերաւ «ազատութեան» ամենախնչին շիւղն անգամ, այլև ակամայ իւղ ածեց կեանք ու գոյք լափող սուլթանական հրդէհի վրայ, իսկապէս զէպի «մահ» առաջնորդեց հայ ժողովրդի կեանքի մեխանիզմը։

«Ի՞նչ անել, ձեռք քաշել կուի ասպարէզից—գոչում է «Դրօշակը»—Թողնելով ժողովուրդը իր ճակատագրին... Դա մի ելք է, հաճելի նրանց, որոնք սիրում են վճուել կնճռոտ, կենսական ինդիւրները ժողո-

վրդից հեռու, նրա կեանքին անտեղեակ: Բայց դա մի էլք է, որ յեղափոխականի աչքում հաւասար է դաւաճանութեան: Յեղափոխական կազմակերպութիւնը կարող է ինքզինքը սնանկ յայտարարել...» 39):

Իսկ մի դատողութիւն է, կասենք մենք, հաճելի և սիրելի նրանց, որոնք տեղի թէ անտեղի թուծակում են յեղափոխական ֆրադէօլօգիա ամեն անգամ, առանց չափելու և կշռադատելու պատմական առանձնայատկութիւններն ու քաղաքական ուրոյն պայմանները, հասարակական ստրուկտուրան որոշ միջնավայրի, ուր կեանքը յեղափոխելու կարիք կայ:

Ո՞րն է յեղափոխական ակտիւ ոյժերի բեղերովը՝ սահմանի այս թէ այն կողմում, ի՞նչ է և ի՞նչ պայմաններում է ուղղւած յեղափոխական կուրի թունաւոր սլաքը, ի՞նչ բնաւորութեամբ են դասաւորւած այդ բոլորի համար պատասխանատու և դատասխազ պաշտօնական Եւրօպայի դիպլօմատիական յարաբերութիւնները, ի՞նչ հնարաւոր շանսերի հեռանկար ունէր քաղաքական հօրիզոնի վրայ Դաշնակցութիւնը, որոնք նոյն իսկ հեռաւոր ու համեստ չափերով պսակէին իր ճիգ ու ջանքերը,— սրանք մի շարք հարցեր ու զրութիւններ են, որոնց հակապաշնակցական ըմբռնողութիւնն ու քննութիւնը պարզապէս ժխտում են Դաշնակցութեան յեղափոխական գործելակերպի էութիւնը:

Դաշնակցութեան ամբողջ յեղափոխական գործնէութիւնը առաջնորդւել է երկու անհաշտ ու հակասական տենդենցիաներով: Առաջինը կազմակերպութեան պօզիտիւ (դրական) ձգտումներն են, երկրորդը՝ հակառակ նրա կամքի, անհրաժեշտօրէն առաջացած նեգատիւ (բացասական) հետեանքները:

Մենք ծանօթացանք արդէն այս նոյն գլխի մէջ նրա պօզիտիւ ձգտումների հետ, որոնցով հայ յեղա-

39) «Դրօշակ», 1905 թ. № 1, առաջնորդող:

փոխականները աշխատում էին և աշխատում են հաւաքական միջամտութեան հարկադրել եւրօպական մեծ պետութիւններին յօգուտ «Հայկական Հարցի»:

Ձեակերպինք մեր թեզիսը Գաշնակցութեան պօզիտիւ ձգտումների նկատմամբ և ապացուցենք այն:

Յեղափոխական ակտերն ու երևոյթները Տաճկահայաստանում—իրենց կողմը թերելու համար միջազգային դիպլոմատիայի ուշադրութիւնը—ոչ միայն՝ իբրև պատմական փաստ, բացարձակապէս ապարդիւն անցան, այլև չէին կարող եւ չպիտի կարողանան մինչև աննախատեսնելի ապագայ նպաստաւոր (գաղափարի լայն իմաստով) հետեւանքներ ունենալ:

Ոչ ոքի համար գաղտնիք չէ, որ մինչև օրս տաճկահայ յեղափոխութիւնը արտայայտել է ոչ թէ մասսայական շարժումներով ու բռնկումներով, այլ աւելի շուտ պարտիզանական կուլի ձևով: Յեղափոխութիւնը չի պսակել հասարակական լայն ու կազմակերպւած խաւերի գործակցութեամբ, յամառ ու տեւական ըմբոստացումներով ու խիզախ ճակատամարտերով, այլ աւելի շուտ եղել է հրոսակային խմբերի, տամեակ անվեհեր հերոսների գաղտագողի յարձակում, յանկարծակի արշաւանք աշիրէթների բանակների վրայ: Որքան յաճախ են եղել այնպիսի դէպքեր, երբ նոյն իսկ տամեակների խմբերի առաքելութիւնը վիժել է կանխօրէն, վրիպել է կէտ նպատակից—կամ ընդհարելով սահմանապահ զօրքի (ոուսական թէ տաճկական) հետ կամ թէ չէ կուլի բռնելով քիւրդ ու թիւրք հովիւների հետ:

Բուն տաճկահայ ժողովրդի մէջ ոչ միայն բացակայում են զինւած մասսայ, կարևոր չափերով ռազմամթերք, տեխնիքական յարմարութիւններ, այլև յեղափոխականացած—ինչ ենք ասում, լոկ ըմբոստացող ու բողոքող—հասարակական լայն խաւեր: Այդ է պատճառը, որ ցնցում ու շարժում առաջանում են բուն երկրի ներսում միայն այն ժամանակ, երբ կուռղ հայդուկ-

ները գալիս են զրպից (Կովկասից), անցնում են սահմանը: Այդ է պատճառը, ասում ենք, որ տաճկահայ յեզափոխական շարժումը միշտ տուժեց սխտեմատիկ կուլի և ստրադեգիական միութոյն տակտիկայի բացակայութեամբ: Ի՞նչ անել, զինւորն ու զինւորականը գալիս էին օտար երկրից...

Արիւն հոսեցնել, կոտորել ու կոտորած տալ սղատագրութեան համար, այն, հասկանում ենք, երբ գոյութիւն ունեն արիւն գնահատելու հնարաւոր շանսեր, երբ ազատութեան նահատակը հասկանում է իր կուլ մղելու պատմական ժամենտն ու անհրաժեշտութիւնը և, որ գլխաւորն է, գիտակցում է նա այն անխուսափելի և նշանակալից հետեանքը, որ իր կուլը պիտի ունենայ: Այսպէս լինելուց շատ հեռու են, սակայն, ռուսահայ և թիւրքահայ զոհերը թիւրքական հողի վրայ: Երկար ամիսների պրօպագանդայից յետոյ հազիւ յաջողւում է յեզափոխական իդէօլօգիկ մի քանի տասնեակ անձնէր երիտասարդներ անցնելու Կովկասից թիւրքի մանր-մունր ջարդեր անելու համար: Մարդիկ գնում են, մղած ցեղական բուռն ինստինկտներից, իրենց զժքազժ կրօնը օգնելու կամ ազատելու երևակայական գաղափարով տոգորւած: Իսկ թէ ինչ հետեանք կունենայ իրենց փոքրիկ ջարդը—տասնեակ հայ գիւղերի այրման ու թալանման գնով ի հարկէ, —ապառաժ ժայռերին անխնայ զարնելը, թէ ինչպէս օր օրի վրայ բարդանում և կնճռոտանում են դէւանագիտական յարաբերութիւնները եւրօպական լիազօրների—որոնց բռնած այս կամ այն ուղղութիւնից է կախած նաև նրանց կուլի հետեանքը,—զբանց մասին ամենևին հաշիւ չեն տալիս ոչ միայն կուլոյ հերոսները, այլև իրենք՝ յեզափոխութեան պարագլուխները:

1890 թ. աւստրիական մինիստր Կալնօկի արտայայտելով տաճկահայ խնդրի մասին, ասել է ի միջի այլոց հետեալը. «Եւրօպ չկայ, եւ մինչև որ հայկական

հողը չշագախւի արիւնով, թող դիտենան հայերը, որ ոչինչ չեն ստանայ» (նօտարգրերը մերն են):

Մինիստրը սխալ է ձևակերպել հարցը: Տաճկահպատակ ոչ մի երկրում՝ սկսած յունական ապստամբութիւնից մինչև մակեդոնականը, թերևս հողը այնքան առատօրէն մարդկային արիւն չէ ծծել, որքան հարիւր-հազարաւոր զոհերի ճարակ դարձած թիւրքահայ ժողովրդի բնակավայրերը՝ Ձէյթուն-Սասունից մինչև Պօլիս: Եւ ընդհակառակը, այդ երկրներից և ոչ մէկում այնքան թոյլ ու տարտամ, ցիր ու ցան, երկար ընդմիջումներով, անկազմակերպ, անսիստեմատիկ ու անարխիական ձևով չեն արտայայտուել յեղափոխական ակտերը, ոչխարի նման սրի կերակուր չի դարձել ժողովուրդը, որքան Տաճկահայաստանում է եղել: Էականը հողը արիւնով շագախելը չէ, այլ կուր այն մեծօրն ու որակը որ մղուում է յեղափոխական և հակայեղափոխական տարրերի մէջ: Փաստ է, որ թիւրքահայ ժողովուրդը ակտիւ կուր դաշտում չէ կուտակել իր անհամար դիակները, այլ պասսիւ վիճակի մէջ անդէն ու անկազմակերպ ոչխարի հօտը սրի ու հրի անխնայ ճարակ է դարձել: Եւ եթէ ուղիղ 90-ական թւականներից սկսած «Հայկական Հարցը» «հասունացաւ, ժողովրդական դարձաւ և որոշ հասարակական կարծիք կազմեց իր շուրջը», ապա այդ հանգամանքը հետևողական արձագանք էր հայ ժողովրդի մասսայական նախճիրի, թիւրք կառավարութեան բարբարոսական սրածութեան ու աւերածութեան, և ոչ թէ յեղափոխական ակտիւ կռիւների անհղ սոսկումների—մի բան, որ այդ ծաւալով չէ եղել Տաճկահայաստանում:

Եւ մինչդեռ եւրօպացիս—պլատօնական թէ ճըշմարիտ «մարդասէրը» — պատկառում է Բալկանների ապստամբական հուժկու որոտումների, անվիհեր հերոսութիւնների առաջ և իր հիացմունքն ու սիժպատիան արտայայտում նրանց հասցէին, հայերի նկատ-

մամբ, ընդհակառակը, նա ցաւում, խղճահարում և լոկ արգահատանքի զգացմունք է արտայայտում. նրա մարդկային գութը զգացւում է սրախողող ժողովրդի աղելարչ տեսարանների հանդէպ: Աւելին ասենք: Մինչդեռ եւրօպական դիպլոմատիան առաջին դէպքում որոշ ճնշում ու հարկադրութիւն է զգում իր շահերի տեսակէտից միջամտելու և վճռական ուլտիմատումներով բաւարարութիւն տալու անհանգիստ ու ապստամբ տարրին, հանգցնելու բոցավառ հրդեհը և դրանով առաջն ասնելու հեռաւոր բարդութիւնների, որոնք կարող են շահերի հաւասարակշռութիւնը խանգարելու վտանգաւոր պրիտենզիաներ ունենալ, երկրորդ դէպքում (հայերի վերաբերմամբ), ընդհակառակը, ցինիկ դիպլոմատիան գործ ունի արդէն մի անդիմադիր ու մորթուտող ժողովրդի հետ, որի նկատմամբ մի Դելկասէի գործակալներ ուղարկելը Վասպուրականի, Վանի, Մուշի կողմերը, մի անգլիական հիւպատոսի արած ազդարարութիւնը տեղական վալիին և ամենալաւ դէպքում՝ պետութիւնների Բ. Դրան ուղղած մի թոյլ, վրձնականութիւնից զուրկ ու ձեական ուլտիմատով բաւական է, որ դիպլոմատիան առհասարակ իր «պարտքը կատարած» համարէ:

Այսպէս ուրեմն տեսնում ենք, որ արեւմտեան աշխարհում «սէր, համակրանք թէ իրարանցում» առաջ բերողը ոչ թէ հոյկական շարժումն էր (յեզափոխական, գաղափարիս հարազատ իմաստով) այլ հոյկական կոտորածը, իր մեծ անսովոր չափերով:

Այսպէս ուրեմն տեսնում ենք, որ Դաշնակցութեան յեղափոխական ծգտումների մաքսիմումը՝ տասնեակ տարիների ընթացքում, ոչ միայն չունեցաւ որոշ կօնկրետ արգիւնաւոր հետեանքներ (հայերի վիճակը բարեփոխելու նկատմամբ), այլև չունի այսօր բէալ ոյժերի մի սուար բանակ՝ տաճկահայ գործին նուիրւած, յեղափոխականացած, կազմակերպւած մասսայ, որի

վրայ նա յենել կարողանայ իր «յուսատու գործնէութիւնը» վաղայ համար:

Շատ հեռու չգնանք, շօշափենք ամենաթարմ անցեալի խոշոր երևոյթը:

Եթէ, իրաւ, հայ յեղափոխական կազմակերպութիւնը որևէ զօրեղ ցնցում, մասսայական լայն շարժում առաջ բերելու ոյժ ու հնարաւորութիւն ունենար՝ իր տասնեակ տարիներ ի մարտակոչ հրահանգներից յետոյ, ապա նա այդ փորձը կանէր և պէտք է անէր նորագոյն անցեալում, երբ ամենայարմար աւիթ էր հանդիսացել նրա համար հայկական հարցը մակիդոնականի հետ միացնելու: Չեղաւ, ոչինչ ձայն ու ծրարտուն չհանեց Սասունի լանջերում, Զէյթունի բարձունքներում: Տաճկահայաստանը ընկղմել էր խոր քրնի մէջ: Իր բաղդակից զոհը խեղդում, մորթում էր սոսկալի կերպով հանրական թշնամու գիտակից ճանկերում, որոնց մէջ ինքը միշտ քամում, մղում է, իսկ իրենք՝ հայերը, լեղապատառ պանիրով բռնած լոկ դիտում էին նահատակող հերոսի աղիողորմ վիճակը: Ինքը՝ «Դրօշակ»-ն իսկ դառնապէս զանգատում է այդ «դատապարտելի» անտարբերութեան վրայ. «Հայերս—ասում է նա,—որ աւելի, քան որևէ ուրիշ ազգ աշխարհի երեսին, խոր պիտի ըմբռնէինք մակեդոնական տառապանքը, մենք, որ գիտինք, թէ ինչ է նշանակում կռողներին թոյլին օգնութեան հասնելը,—մենք լուռ մնացինք (նոտրգրերը մերն է) ապստամբ Մակեդոնիայի դիմաց, մենք չհետեցինք կռիւ այն դաշտը, ուր ընդհանուր թշնամու առաջ շարքերով ընկնում էին հերոս մարտիկները. մենք անշարժ, լուռ մնացինք նրանց արեան հանդէպ, ինչպէս անշարժ են օտարները հայի ծով արեան հանդէպ»⁴⁰): Եւ այդ ինքնասաստ բողոքից յետոյ Դաշնակցութեան կենտրոնական

40) «Դրօշակ», 1903 թ. № 9, առաջնորդող:

որգանը խոստովանում է, որ իրենք «կարելիութիւն»
չունէին, որ իրենց բացակայում էր «ոյժ ու պատրաս-
տութիւն»:

Տաննեակ հայդուկները ընդհարումներով՝ սահմա-
նապահ զօրքի և քուրդ հովիւների հետ, և գաղտագո-
ղի մանր-մունր յարձակումներով լեռների ձերպերից,
Դաշնակցութիւնը երեխայի պարզամտութիւն ունեցաւ
շարունակ կարծելու, որ նա զբանով կղզրդացնէ արև-
մուտքը և կհարկադրէ պետութիւններին հաւաքական
միջամտութեան դիմելու: Եւ քաղաքագիտական մի
այդպիսի անծայր միամտութիւն դիւանագիտական յա-
րաբերութիւնների դասաւորութեան այն շրջանում,
երբ մակեդոնական հազարաւոր մարտնչողների հերո-
սական ճիգերը այնքան քիչ վարձատրեցին—^{ի՞նչ} ենք
ասում—գրեթէ չվարձատրեցին: Պակաս էր որոտում
նահատակ Մակեդոնիայի կռիւ ահարկու շաչիւնը, քէ՛ն
զբաղւեց Եւրօպայի հասարակական կարծիքը, մամու-
լը, պարլամենտական խորհուրդն ու դիպլոմատիան
այդ ժողովրդի ապստամբութեան խնդրով: Մակայն
^{ի՞նչ} վճռական քայլ արաւ Եւրօպան: Ի՞նչ արաւ ամե-
նից առաջ մակեդոնացիների ցեղակից և դաւանակից
միահեծան ցարը. նա, որ մի ռուս մութիկի արիւնն
անգամ խնայելու տրամադրութիւն ցոյց տաւ ի նը-
պաստ մի մորթոաւող ժողովրդի: Դա մի սառը ջուր
էր, որ ի դարձանս աշխարհի «Հիւսիսային Արջը»
ցօղեցրից Մակեդոնիայի շիկացած երեսին: Բայց մի-
կնոյն ժամանակ դա մի խոշոր փաստ էր, որ պարզա-
պէս ցոյց տաւ արևելեան քրիստոնեաների «հօգօր հո-
վանաւորի» բռնած ներկայ դիրքը դէպի «Արևելեան
Քրիստոնէութիւն»: Բօլշարիայի «ապերախտութիւնը» չի կարող
մոռացութեան մատնել միապետական քաղաքականու-
թեան հաշուէցուցակում: Եւ ^{ի՞նչ} է ուզում կամ սպա-
սում տաճկահայր, նրա «գատի փաստաբան» Դաշնակ-

ցութիւնը՝ գէպի Մակեդօնիան այդպիսի դիրք բռնող
ուսական զիւանագիտութիւնից...

Անհերքելի փաստ է, որ այն ինչ Մակեդօնիան
ցոյց տւաւ իր տոկուն դիմագրութեամբ, արիւնհանդ
ընդհարումներով, հրքէք չի կարողացել, չի կարող և—ամե-
նայն հաւանականութեամբ—չպիտի կարողանայ մինչև
աննախատեսանելի ապագայ հայ յեղափ. տարրը անել
Փոքր-Ասիայում: Շատ են հաւանական շանսերը այս-
պէս դատելու և պնդելու համար:

1. Տաճկահայաստանի աշխարհագրական աննպաստ
անդամահատուած դրութիւնը:

2. Հայ ժողովրդի ցրւածութիւնը, ապակենտրո-
նացումը. նոյն իսկ զուտ հայկական վիլայէթներում
չէ ներկայացնում նա մի ինքնամփոփ, խտացած ու
կօմպակտ բնակչութիւն, փոքր ինչ ազատ այլազան
տարրերից:

3. Եւրօպական-կուլտուրական տարբերից հեռու
լինելը և ընդհակառակը յետաձնաց-բէակցիօնէր ու
բարբարոս ժողովուրդներով շրջապատուած լինելը, որոնք
իրենց կեանքը յեղափոխելու փոխարէն, զեռ շարունա-
կում են լինել պատուարը սուլթանական բէթիմի խայ-
տառակ տիրապետութեան:

4. Տաճկահայերը և տաճկահայ շարժումը զուրկ
է մի պետական գէթ համեստ ոյժի օժանդակութիւնից
ու աջակցութիւնից, ինչպէս օրինակ Բօլղարիան է
է մակեդօնացիների համար, որի մակեդօնական ապս-
տամբութեան ցոյց տւած նիւթական-Ֆիլիքական-բա-
րոյական օգնութիւնը մի ակնյայտնի ճշմարտութիւն է:

5. Կայ մի ծանրակշիռ հանգամանք, որ դաժօկլիան
սրի նման կախուել է իւրաքանչիւր շրջահայեաց յեղա-
փոխականի վերևից: Այդ այն պարզ իրողութիւնն է, որ
հայ յեղափոխութեան ղեկավար ոյժերի մեծագոյն մա-
սը—մանաւանդ ինտելիգենցիան, յեղափոխական իդէօլօգիան—
անմիջապէս չեն ծագում այն միջնավայրից, ուր կեան-

քի սօցիալ-քաղաքական պայմանները յեղաշրջելու կենսական անհրաժեշտութիւն կայ: Մինչդեռ Մակեդոնիայի արեկոծումը բղխում է նոյն ճնշած մակեդոնական հողից, տաճկահայի յեղափոխութեան զարկերակը գտնուում է ուսասհայի ձեռքում, շարժման ցնցումներ անող վարիչները գալիս են ըստ մեծի մասին տարբեր միջնավայրից՝ ուսասհայերի շարքերից: Ինչով ուզում էք բացատրեցէք այն տխուր իրողութիւնը, թէ ինչո՞ւ ինքը՝ տաճկահայը, բարբարոսութեան անմիջապէս ենթակայ օբիեկտը, տեղից չի շարժուում, չի յուզում ու կրակում լեղափոխութեան կայծով, փաստը մնալու է միշտ փաստ, այսինքն այն, որ հայ յեղափոխական շարժումը՝ թիւրքահայ հողի վրայ էապէս գալիս է օտար միջնավայրից:

6. Նոյնքան իրողութիւն է, որ քանի առաջ գնանք, քանի ապագայ օրեր մաշենք, այնքան աւելի զգալի կերպով պիտի զարգանայ՝ տաճկահայերի շարժումը տաճկահայերի գործը դառնալու տենդենցիան: Այնքան, որքան առաջ գնան ուսասհայերի մէջ հասարակական շերտաւորման խոր ակոսներ, որքան եւրօպական իմաստով ընդլայնւի ու խորանայ մեր մէջ դասակարգային դիֆերենցիացիան. որքան վերանայ քաղաքական ինդիֆերենտիզմը (անտարբերականութիւն) Ռուսաստանում, ստեղծեն եւրօպական իրաւակարգեր, զարգանան տնտեսական ֆակտօրները մեր մէջ, ուժեղանայ դասակարգային դիտակցութիւնը և կազմակերպի կուսակցական կռիւը մեր իրականութեան մէջ. որքան ուսասհայ պրօլետարիատի շարքերում արմատանայ իր դասակարգային յատուկ իդէօլօգիան և նրա պատմա-քաղաքական ներկայացուցչին—սօցիալ-դեմօկրատիային— յաջողի մերկացնել ու ցրել ուսասհայ նացիօնալիստների տաճկահայկական իլլիւզիօնիզմն ու ուտօպիզմը, կորզել նրանց վանդակապատ բանակից անգիտակից ու շահագործող բանուորութեան ու գիւղացիութեան. ա-

ւելին ասենք՝ այնքան, որքան մեր բուրժուական կուսակցութիւնները հարկադրական կարիք զգան: ամուր հիմքերի վրայ խարսխելու իրենց դասակարգային սօցիալքաղաքական տիրապետութիւնը կովկասահայ կեանքում և քաղաքականապէս խելամտանան մինչ այն աստիճան, որ իրենք իրենց ունեւրով տրորեն տարիներ շարունակ փայփայած լօզունգները՝ «իւքնավար Հայաստանի» ֆանտաստիկական հեռանկարը, և այլն և այլն,—այնքան էլ, կրկնում ենք, անհրաժեշտօրէն պիտի աւելի ու աւելի տաճկահայերի ցաւն ու դարձը դառնայ տաճկահայերի հոգացողութեան առարկայ. այնքան աւելի ու աւելի պիտի չեղօքանայ ու կղզիանայ տաճկահայ խնդիրը ոռուսահայ իրականութեան մէջ:

Հէնց այժմ մենք գտնուում ենք այդ չեղօքացման տենդենցիայի սկզբնաւորութեան շրջանում,—խոստովանենք այս տարրական իրողութիւնը: Համեմատեցէք մեր տաճկահայ յեղափոխական կուսակցութիւնների պատմական անցեալը և նրանց ներկայի գործնական ընթացքը: Հնչակեան կուսակցութիւնը, որ կեանքի է կոչել միմիայն տաճկահայ խնդրի համար, այսօր նրա ոռուսահայ մարմինները՝ ասել է կուսակցութեան մեծագոյն մասը, փաստապէս հրաժարել է տաճկահայ գործերով զբաղելու. համեմատեցէք նրա 80—90 թւականները ներկայի հետ: Դաշնակցութիւնը՝ տաճկահայ յեղափոխութեան այդ «ուսվիրանը» և հայկական հարցի «երզւեալ հաւատարմատարը», որի մտահոգութեան առարկան եղել է միշտ և բացառապէս թիւրքահայի «գարաւոր տառապանքի ամբոքումը», այսօր իր խառնափնթոր բանակով դարձել է ոռուսահայկական մի սոսկավիթխար կազմակերպութիւն, որը իր «երիտասարդ ճիւղի» ծրագրային բեցեպաներով «խըստագոյն մետամօրֆօզների» ենթարկելու հաւանութիւններ է ցոյց տալիս: Համեմատեցէք այդ կազմակերպութեան անցեալը՝ սկսած 90-ական թւականնե-

րից մինչև 2—3 տարի սրանից առաջ, նրա ներկայի հետ:

Իսկ ի՞նչ է նշանակում տաճկահայ խնդրի ու շարժման չեղօքացում, կղզիայում, հասկանձում էք: Ի՞նչ է նշանակում կովկասահայերին հրաժարելը այդ բոլորի մէջ ակտիւ մասնակցութիւն ունենալուց: Դա նշանակում է զրկել ու հեռացնել տաճկահայի գործն ու շարժումը սնող «կաթնատու կովը» և թողնել անչափահաս ու անզօր որբին իր ինքնասաստ ճակատագրին: Դա նշանակում է դնելը փակել այն անսպառ շտեմարանի, որ հայթհայթում էր տաճկահայ յեղափոխութեան համար և՛ նիւթական օժանդակութիւն և՛ ռազմական-մարտական բանակներ և՛ բարոյական աջակցութիւն:

Ահա այն բոլոր բնական շնասերը, որոնց հիման վրայ մենք պնդում ենք, որ հայ յեղափոխականները թիւրքիայում անկարող պիտի լինեն կազմակերպել մի այնպիսի անարկու մարտական-ռազմական ոյժ, մասսայկան շարժում և առաջ բերել մի այնպիսի զօրեղ ցնցում, ապստամբութիւն in Permanenz, որ կարողանան հարկադրել Եւրօպային հաւաքական ակտիւ ու վճռական միջամտութեան դիմելու. մի դիւանագիտական ակտ, որի հեղինակն ու հեղինակութիւնը, անշուշտ, Ռուսաստանը պիտի լինի: Մեզ համար անկարելի է թւում «Հայկական Հարցը» իր հետեանքներով բազմաբան, եթէ ուզում էք նոյն իսկ մակեդոնական հարց դարձնելը—այս է մեր ասելիքը: Թէ ինչ հեռանկար ենք ուրուագծում մենք տաճկահայերի համար, դրա մասին կխօսենք «Թիւրքիայի ապագան» վերնագրով գլխի մէջ:

Ահա մեր հաշիւները Դաշնակցութեան պօզիտիւ ձգտումների նկատմամբ:

Ի՞նչ են ասում մեզ նրա յեղափոխական գործելակերպի նեղատիւ հետեանքները, տեսնենք այդ:

Հայ կազմակերպութիւնների յեղափոխական գործունէութիւնը Տաճկաստանում՝ արագացրեց եւ ուժեղ զարկ տուեց կո-

տորածներն սիստեմատիկ քաղաքականութեան թիւրք կառավարութեան ձեռքով—ահա մեր թեզիսը

Դաշնակցութեան հանգուցեալ պարագլուխ՝ Գրիտափոր Միքայէլեանը, գրականական մի «փայլուն» աւանդէ թողել—«Ամբոխային տրամաբանութիւն» անունով, որ իր ժամանակին՝ յեղափոխական գործերի կրիզիսի շրջանում, համարեա թէ «Չախճախիչ» նշանակութիւն ունեցաւ: Շատ, անչափ շատ է չափազանցրած այդ բրոշիւրի արժէքը: Մի քանի քննադատական դիտողութիւններով տեսանք մենք արդէն աշխատութեանս զանազան մասերում, թէ ինչպէս ամբոխային տրամաբանութեան ու մտածողութեան դէմ անսպառ եռանդով կուող այդ «ժողովրդական հերոսը» շատ ու շատ կէտերում հանդիսանում է որպէս ամբոխային տրամաբան ու հոգեբան:

Ո՞րն է այդ գրեածքի հիմնական տենդենցիան:

Հերքել այն կարծիքը, որ իբր հայ յեղափոխական շարժումը եղել է «պատճառ» կամ «առիթ» հայկական կոտորածների: Ապացուցել, որ այդ շարժումը ոչ մի օրգանական առնչութիւն չունի սուլթանիզմի աւանդական բնաշինչ քաղաքականութեան հետ: Ապացուցանել, որ հայ յեղափոխութիւնը մի կենսական, անհրաժեշտ, բնական ու իրաւացի շարժում է և այլն և այլն, մի խօսքով փրկել հայ յեղափոխականներին ժամանակակից «փարիսեցիների», «ամբոխային տրամաբանների» բողոքներից ու տրտունջներից:

Եւ այդ հերքումներն ու ապացոյցները յաջող տանելու համար, մեր յարգելի հեղինակը կարիք է ըզգացել եւրօպական շատ ու շատ գրողների և պետական-քաղաքական գործիչների արտայայտած գրաւոր «հեղինակաւոր կարծիքներից» համապատասխան կրտորներ բերելու, նպատակայարժար ցիտատներ քաղելու:

Ինչ ասել կուզէ, որ առհասարակ Տաճկաստանում

մասնաւորապէս թիւրքահայերի մէջ կատարուող անորակելի խտուրթիւններն ու բռնութիւնները, անասելի հալածանքը և մաստայական անվերջ կոտորածը այնպիսի մի երևոյթ է, որ շատ աւելի խոր ու հիմնական պատճառներ ունի, քան յեղափոխական շարժումը կարող է լինել: Եւ այդ ապացուցելու համար Դաշնակցութեան իդէօլօգները կարիք չունեն ամենևին ականաւոր եւրօպացիների կարծիքներից ցիտատներ բերելու, այլ ուղղակի մերկացնելու բռնակալական ըէժիմի Ֆիզիօնօմիան և նրա քաղաքականութեան պատմական տենդենցիան:

Սակայն միւս կողմից ապացուցել մի երևոյթի— յեղափոխական շարժման— բնական ու իրաւացի լինելը, չի նշանակում միաժամանակ փրկել ու ազատել այդ երևոյթը այն անխուսափելի բացասական (նեգատիւ) հետևանքներից, որ նա բերում է իր հետ անհրաժեշտօրէն: Աւս կէտում արդէն Միքայէլեանը մատնում է իր ըմբռնողութեան ու փաստաբանութեան ամենաթոյլ կողմերը: Հասարակական կեանքի պատմական զարգացման դիալեկտիկական մի անխուսափելի օրէնք է, որ ամեն մի դրական ու պրօգրեսիւ երևոյթ հանդէս է բերում իր հակակշիռ մեծութիւնը— բացասական ու ըէակցիօնէր երևոյթը, և ընդհակառակը: Նայեցէք հէնց մեր համառուսական կեանքին: Բռնութիւնները, հալածանքն ու ջարդերը կազմում են ռուսական արսօլիւտիզմի պատմական քաղաքականութեան մի բնասանհրաժեշտ տենդենցիան. այդ տենդենցիան արագացել և ուժեղ թափ է ստացել ներկայ ազատագրական շրջանում: Եւ Ռուսական Մեծ Յեղափոխութիւնը՝ իբրև մի առաջին կարգի դրական ու պրօգրեսիւ երևոյթ, նոյնքան անհրաժեշտութեամբ տոն է տւել միապետական արտակարգ բեպրեսիաների — բանտ, կախաղան, տաժանակիր աշխատանք, պրօվօկացիա, ջարդ ու կոտորած, հրդեհ ու աւերածութիւն բովանդակ Ռուսաստանում: Բէակցիայի այդ «հանճարեղ»

արտագրութիւնները՝ իրենց լայն ու սրընթաց ծաւալով, կազմում են յեղափոխութեան անմիջական-բացասական հետևանքը. դա գիտելիտիկական առաջին հակադրութիւնն է: Նոյն այդ բացասական հետևանքը առաջ է բերում մասսայի հոգեբանութեան մէջ դրական ու բարերար ներգործութիւն, որովհետև որքան ուժեղ ու զարհուրելի է բէակցիայի լուծը, այնքան աւելի ու աւելի է ըմբոստանում, յեղափոխականանում մասսան և երես դարձնում կառավարութիւնից, կռիւնում նրա դէմ. դա էլ գիտելիտիկական երկրորդ հակադրութիւնը: Ուրեմն, խոստովանել ռուսական յեղափոխութեան զոհողութիւններով լի ծանր երկունքը, չի նշանակում միաժամանակ վիճելի դարձնել նրա բնական, իրաւացի և անհրաժեշտ լինելու խնդիրը:

Գիտելիտիքական այդ օրէնքը համազօր ու համարժէք է և՛ տաճկահայ յեղափոխութեան նկատմամբ: Եւ Քր. Միքայէլեանը, իբրև մի իդէալիստ ու մօրալիստ մտածող, չի ըմբռնել բոլորովին, որ քննադատել հայ կազմակերպութիւնների յեղափոխական գործնէութիւնը և նրա խոշոր բացասական հետևանքները թիրաքահայերի մէջ, ամենևին չի նշանակում անբնական կամ անիրաւացի համարել յեղափ. շարժումը այնտեղ:

Բաւական չէ ասել ու պնդել, որ կարիք կայ, բնական և իրաւացի է յեղաշրջել, արմատական փոփոխութիւնների ենթարկել տաճկահայի դժոխային կացութիւնը. դա շատ քիչ է և տարրական մի իդէ: Ամենակարևորն այն է, ցոյց տալ ամենահատու և նպատակայարմար ճանապարհը այդ ուղղութեամբ: Ամենագնահատելի ծառայութիւնը—եթէ փաստաբանողը դաշնակցական իդէօլօգ է—այն կլինէր՝ ապացուցել ու համոզել, որ ընդունած և այժմ գործադրող յեղափոխական գործելակերպը միակ միջոցն է կամ ամենազլխաւորը, որ պիտի դիւրացնէ և արագացնէ տաճկահայ խնդրի լուծումը. որ Գաշնակցութեան պօզիտիւ ու մաքսիմալ

ձգտումները իրականանալու անխախտ և անկասկածելի հիմքեր ունեն: Ահա այս պիտի ապացուցէր մեզ «Ամբոխային տրամաբանութեան» հեղինակը. և դա մի խոշոր ծառայութիւն կլինէր Դաշնակցութեան համար: Բայց մենք տեսանք նախկին գլուխներում և մանաւանդ այս նոյն գլխում, թէ ինչպիսի ինքնախաբուսիկ յոյսերի, իլլիւզիաների և ուսուցիչաների հետ գործ ունենք յանձինս Դաշնակցութեան պօզիտիւ ձգտումների:

Այդ բաւական չէ: Մենք շեշտեցինք նաև մեր վերոյիշեալ թեզիսի մէջ, որ յեղափոխական գործնէութիւնը արագացրեց և ուժեղ զարկ տւեց թիւրքիայում հայկական կոտորածների սիստեմատիկ քաղաքականութեան:

Միթէ բարոյական իրաւունք ունի Դաշնակցութիւնը յանուն իր իլլիւզիաների քողարկելու և ուրանալու պատմական իրողութիւնը:

Ի՞նչ է ասում մեզ կոտորածների քաղաքականութեան պատմութիւնը:

Բաւական է միայն հրեք շրջանի վերածել թիւրքահայի քաղաքական վիճակը, պարզելու համար այդ պատմական իրողութիւնը:

Առաջին շրջանը տևում է մինչև 1878 թ., մինչև Բերլինի կօնգրեսը—մինչև 61-րդ յօդւածով «Հայկական Հարց» ստեղծելը միջազգային դիւանագիտութեան մէջ: Երկրորդ շրջանը սկսւում է այդ նոյն թւականից և տևում մինչև 90-ական թւականները: Իսկ երրորդ շրջանը՝ այդ թւականներից՝ մինչև մեր օրերը:

1878 թ. տաճկահայ ժողովուրդը ապրում էր այնպէս, ինչպէս այդ չէր կարելի այլապէս ենթադրել. մի բուն քրիստոնեայ, կուլտուրական հակումներով օժտւած ժողովուրդ՝ ենթակայ մի մահմետական բռնակալ, կիսավայրենի և բարբարոս պետութեան: Ծանր ճարկ ու տուրքը, ձեծն ու բանտարկութիւնը, սպանու-

թիւններն ու կոտորածը—սովորական երևոյթ էր: Բերլինի կօնգրեսից յետոյ արդէն ուժեղանում է նոյն երևոյթի որակը: Այն, ինչ պատահական էր՝ որպէս արդիւնք պետական ընդհանուր ըէժիմի, դառնում է մտածւած ու ծրագրային, դառնում է սիստեմատիկ երևոյթ: Բօլզարիայի ազատութեան փաստը, որպէս մի ճիւղային ուրուական, սաւառնում էր Փոքր-Ասիայում, ներվային վիճակի մէջ ձգում փաղիշահին, վրդովում Արդիւլ-Համիդի քունն ու հանգիստը: Անկիւնաքարը այդ բոլոր «չարիքների» ճիւղ յօդւածն էր, ըէՖօրմների ինդիքը: Խեղճ սուլթան, եթէ նա կարողանար նախատեսներ, թէ ինչ դիրք կրօնէր պաշտօնական Եւրօպան դէպի «Հայկական Հարցը», թերևս այդքան չանհանգստանար: Գաղթականական հալածանքը և բուն հայկական գաւառներում մահմետականներ բնակեցնելը, մասսայական կոտորածը և այդ բոլորի միջոցով բուն Հայաստանում հայերի համեմատական թիւը նւազեցնելը ու դրանով հայկական հարցի ու ըէՖօրմի անարժէք դարձնելը,—կազմեց սուլթանական կառավարութեան նախամտածւած ու սիստեմատիկ քաղաքականութեան էութիւնը, ուղն ու ծուծը: Եւ այս միտքը հաստատում են գրեթէ այն բոլոր եւրօպացիները, որոնցից ցիտաաններ է բերել Քր. Միքայէլեանը:

90-ական թւականներից սկսած արդէն էլ անկիւնութեղանում և զարկ է ստանում կոտորածների քաղաքականութիւնը: Յեղափոխական կազմակերպութիւններն են, որ նպաստում են այդ մեխանիզմը լարելուն: Այդ ապացուցում է հէնց ինքը՝ «Ամբոխային տրամաբանութեան» հեղինակը հակառակ իր կամքի: Միքայէլեանը սիրով հիւրընկալում է իր գրքի էջերում և ջուխտ ձեռքով ստորագրում Մակ-Կօլի, Էմիլ Դիլօնի, Ջէյմս Բրայսի, Լեպցիուսի և այլ գրողների ու գործիչների տողերը, որոնք միաբերան վկայում են, որ ճիւղ յօդւածը, ըէՖօրմներ մտցնելու վտանգը եղաւ ամենամեծ պատճառն

ու մզլիչ ոյժը, որ հարկադրեց սուլթանին փութացնել իր կոտորածները քաղաքահանութիւնը և հայ տարրի բնաջնջումով լուծել հայկական հարցը: Աէյմս Բրայսը ուղղակի յայտարարում է. «Այն միտքը, որ հայերը Անգլիայի հովանաւորութեամբ պիտի ձգտէին մի ինքնավար Հայաստան ստեղծելու, նման Բօլղարիային, և որ հայերին տրւած այս կամ այն վիճումները կարող էին սկիզբ լինել մի այդպիսի ինքնավարութեան—այդ միտքը ամենապիտանոր պատճառն էր (նօտրգիրը հեղինակինն է), որ ձգեց սուլթանին բոլղարական սարսափները աւելի մեծ չափերով կրկնելու Հայաստանում» 41):

Այս բոլորի հետ, կրկնում ենք, համաձայն է Քր. Միր., միւս կողմից թէ նա և թէ նրա հետ միասին ամբողջ գաշնակցական քաղաքական իդէօլոգիան ընդունում են, որ Հ. Յ. Դաշնակցութիւնը պէտք է ձգտէ իր յեղափ. ակտերի միջոցով հարկադրել Եւրօպային մշակւած ու խոստացւած բէֆօրմները իրականացնելու, ամենայաջող դէպքում՝ ինքնավար Հայաստան վերականգնելու:

Լաւ հասկացէք, ընթերցող: Եթէ բէֆօրմների խնդիրը կատարեցրել է սուլթանական կառավարութեանն իր հայաջինջ քաղաքականութեան մէջ, իսկ հայ յեղ. կազմակերպութիւնների նպատակն է վճռական ուլտիմատում դարձնել այդ խնդիրը և արագացնել բէֆօրմների գործադրութիւնը, ապա ուրեմն պարզ տրամաբանական հետեւանք է, որ ամեն մի յեղափոխական ձեռնարկ ու ակտ Տաճկահայաստանում կհանդիպէ թիւրք կառավարութեան կողմից ամենածայրահեղ թշնամութեան և էլ աւելի առիթ ու զարկ կտայ նրան արագացնելու և ծաւալելու կոտորածների քաղաքականութիւնը: Չէ՞ որ—մտածում ու երկիւղ է կրում թիւրք կառավարութիւնը—այդ յեղափոխական շարժումը կարող է հասունաց-

41) Քր. Միրքայէլեան, «Ամբոխային տրամաբանութիւն» էր. 7:

նել տաճկահայ խնդիրը գիւանագիտական շրջաններում և ժողովներում իր լուծման: Ուրեմն մի կողմից նա աշխատում էր ամուր ու մշտատե հիմքերի վրայ դնել բնաջնջման պօլիտիկայի արագաշարժ մեքենան, միւս կողմից իր այս կամ այն կոտորածի և բռնութիւնների առիթն ու մեղքը վերագրել յեղափոխականների «խրժգըժութիւններին», եթէ թիւրք կառավարութիւնը հարկադրւած է լինում եւրօպական պետութիւնների առաջ արգարանալու, իր արիւնոտ ձեռքերը լուանալու:

Առիթների փաստարանութիւն, արդարացման քաղաքականութիւն...

Այդ միջոցին գիմում է կենտրոնական իշխանութիւնը պաշտօնական եւրօպայի առաջ, երբ որեւէ մեծ ու մասսայական կոտորածի անմիջական հեղինակը, կազմակերպողը ինքն է լինում: Այդ միջոցին գիմում են տեղական իշխանութիւնները, վիլայէթները փաշաներն ու վալիները, երբ այս կամ այն հայդուկային արշաւանքը փափուկ առիթ են ծառայեցնում տասնեակ հայ գիւղեր քարոքանդ անելու, հրդեհելու և բնակիչներին սրի անցնելու, ապա մեղքը փաթաթելու հայ ապստամբների շինքին, եթէ պատասխանատուութեան հարց է ծագում անգլիական կամ Ֆրանսիական հիւպատոսարանից: Քանի՛-քանի՛ անգամ է կարդացել մեզնից ամեն մէկը բազմաթիւ սրտաճմլիկ նկարագրութիւններ Տաճկահայաստանի զանազան գաւառներէց, ուր հայդուկների այս կամ այն տերրօրը, պարտիզանական ցոյցն ու կռիւը կատաղեցրել է համիդէականներին և թիւրք ամբոխին հայերի դէմ և սրի ու հրի զոհ դարձրել մի քանի գիւղեր: Այդ մահացու վախից դրդւած նոյն իսկ շատ հայ գիւղեր կան, որոնք չեն հիւրընկալում հայդուկներին:

Այսպէս ուրեմն մեր վերջին թեզիսը ևս լուսարանեց:

Այս ամբողջ գլխի մէջ մեր ջանքն էր ապացու-

ցել, որ Դաշնակցութեան գործնէութեան յեղափոխական ճանապարհն ոչ միայն ապարդիւն անցաւ ու վիժեց իր պողիտիւ ձգտումների մէջ, այլև ունեցաւ իր խոշոր բացասական հետեանքները թիւրքահայերի կեանքում:

XIV.

ՀԱՅ ՅԵՂ. ԴԱՇՆԱԿՑՈՒԹԵԱՆ ԳՈՐԾՈՒՆԷՒԹԵԱՆ
ԵՐԿՈՒ ձԱՆԱՊԱՐՀԸ

2. Բաղաքական ճանապարհ կամ քաղաքագիտական-պրօպագանդիստական գործունէութիւն երկրից դուրս.

Երկու ճանապարհի մեթօդական բնաւորութիւնը և նպատակը:— Դաշնակցութեան գործնէութիւնը արտասահմանում:— Գործունէութեան քաղաքագիտական և պրօպագանդիստական բաժինները:— Արտասահմանեան գործնէութեան իմաստը:— Հակասութիւնների քօսք հետեանքների մասին. «Յառաջ», Ego, «Դրօշակ», «Ալիք» հակասում են միմեանց և իրենք իրենց:— Միւրօրոյն տեսակէտի և երևոյթների պատմական ըմբռնողութեան բացակայութիւն:— Տարբերութիւնը առհասարակ յեղափոխականների և դաշնակցական յեղափոխականների մէջ:— Քաղաքական մտւարացկանութիւն:— Բանաստեղծ-քաղաքագէտների քաղաքական վուլգարիզմը:— Ո՞րն է քաղաքական պարտականութիւնը եւրօպայի:— Ինքնախաբէութեան թանձր քօղը:— Հասարակական կարծիք, բուրժուական և պրօլետարական:— Յոյսեր բուրժուական դեմօկրատիայից և Ֆիլանտրօպիայից:— Ականաւոր «հայասէրներ»:

Մինչդեռ Դաշնակցութիւնն իր գործունէութեան առաջին ճանապարհով — յեղափոխական գործունէութեամբ — ձգտում էր խմբել ու կենտրոնացնել երկրի ներսում իր ուղիղ, զինակիր ոյժերին, երկրորդ ճանապարհով — քաղաքագիտական և պրօպագանդիստական

գործունէութեամբ,—ընդհակառակը, ցրում, առաքում էր իր ոյժերը երկրից դուրս՝ արեւմտեան Եւրօպայի գանազան վայրերը: Մի տեղ սուր ու թուր, կռիւ ու արիւն, միւս տեղ՝ խաղաղ պրօպագանդա, քաղաքագիտական հնարներ: Ինչպէս տեսնում ենք, սրանք մեթօդական բնաւորութեամբ միանգամայն տարբեր ուղիներ են, աննման ու անյարակից: Սակայն իրենց ներքին իմաստով, նպատակով և տենդենցիաներով այդ երկու ուղիները նոյնն են, յար և նման: Դաշնակցութիւնը մշակել է գործունէութեան այդ տարբեր մեթօդները միեւնոյն հասարակական իդէալի իրականացման համար:

Ինչպէս գործունէութեան առաջին ճանապարհը, այնպէս և երկրորդը ունէր և ունի միմիակ նպատակագրել եւրօպական դիւանագիտութեան վրայ, հարկադրել պետութիւններին հաւաքական միջամտութեան դիմելու—ակտիւ, վճռական միջամտութեան, յօգուտ հայկական հարցի:

Եւ մինչդեռ դա անուղղակի և միջնորդական նպատակն էր կազմում—ինչպէս իր տեղում շեշտեցինք—առաջին կամ յեղափոխական ճանապարհի համար, Եւրօպայի ծոցում առաջ տարւող երկրորդ կարգի գործունէութիւնը, իր անմիջական և ուղղակի նպատակն էր դրել «միջազգային արէօպագօւմ» նպատատւոր կօմբինացիաներ առաջ բերել:

Հայաստան պրօպագանդն ու շարժումը արեւմտեան Եւրօպայում կազմել են միշտ դաշնակցական բոլոր իդէօլօգների յուսալառ տենչն ու իդձը: Գրական այն բոլոր արտադրութիւնների մէջ, որոնց հետ մենք գործունեցանք, կարմիր թելի նման անցնում է մի հիմնական տենդենց՝ յեղափոխական գործունէութեան հետ զուգընթացաբար և հաւասար եռանդով առաջ տանել պրօպագանդիստական գործունէութիւնը քաղաքակիրթ երկրներում: Եւ՝ Քր. Միքայէլեան, և՛ Ego ու Վարանդեան, և է. Ակնունի, և՛ «Դրօշակ»-«Յառաջ»-«Ալիք»-ի շէֆ

պուրլիցիստները և այլն,—բոլորն էլ նոյն երգն են երգում՝ յաճախ անախորժ գիսօնանսով, նոյն տենդենցն են արծարծում ու պնդում՝ յաճախ անուղղելի հակասութիւններով:

Նայեցէք գործնական ընթացքին: Կազմակերպութիւնը «Արևմտեան Բիւրօ» է հիմնել, իր ստորագրեալ մարմիններով թերթեր է հրատարակում, նոյն իսկ օտար լեզուներով («Pro Armenia» Փարիզում, Լօնդօնում) թերթերի հրատարակութեան նպաստում, օժանդակ օրգաններ է կեանքի կոչում, ինչպէս օրինակ «Եւրօպայի Հայ Ուսանողական Միութիւնը», որ իր ամբողջ գոյութեան ընթացքում եղաւ մի ստրկամիտ գործիք «Դրօշակ»-ի շէֆերի ձեռքին: Եւ միթէ չափազանցութիւն պիտի լինի, եթէ ասենք, որ Դաշնակցութեան արևմտեան գործունէութիւնը (Եւրօպայում) իր տևական ու անընդմէջ ընթացքով աւելի մեծ եռանդ և ուշադրութիւն էր կորզում կազմակերպութիւնից, քան արևելեան (Տաճկահայաստանում) երկար ընդմիջումներով և պարտիզանական եղանակով առաջ տարւող կուրի գործունէութիւնը:

Ո՞րն է Դաշնակցութեան արտասահմանեան գործունէութեան կօնկրեա արտայայտութիւնը, տեսնենք այդ:

Մենք քաղաքագիտական - պրօպագանդիստական անւանեցինք Դաշնակցութեան երկրից դուրս ունեցած գործունէութիւնը, ի նկատի ունենալով նրա երկու ուղղութեամբ՝ բայց միմեանց հետ սերտ շղկապւած, ձգտումները: Քաղաքագիտական է նրա գործունէութեան որակը այն չափով, որչափով նա գործ ունի գիւսնագիտական կաբինետների, դուռ քաղաքական մարմինների, օրգանների և գործիչների հետ: Պրօպագանդիստական է նրա գործունէութիւնը այն չափով, որչափով նա գործ ունի բանաւոր ու վրաւոր պրօպագանդայի հետ մասսայական խաւերում, քաղաքակրթւած հասարա-

կութեան զանազան շրջաններում: Պատուիրակութիւն կամ պատգամաւորութիւն ուղարկելը հանրապետութեան նախագահի, մինիստր-նախագահի և արտաքին գործերի մինիստրի մօտ, պարլամենտական հարցապնդումներ (Interpellation) անել զանազան հայասէր քաղաքական գործիչների միջոցով՝ ֆրանսիական, անգլիական, գերմանական, իտալական և այլ պարլամենտներում, քաղաքական մեծ համախմբումների և կօնգրեսների ժամանակ հեռագրներով թէ խնդրագրերով դիմումներ անել այս կամ այն «բարեմակարար» տրամադրւած ներկայացուցիչներին՝ հայկական հարցը արծարծելու և նպաստաւոր որոշումներ ընդունելու,— ահա Ռաշնակցութեան զուտ քաղաքագիտական գործունէութիւնը, նրա զիւանագիտական «հնարագիտութիւնը»: Իսկ պրօպագանդիստականը: Ո՛հ, որքան առատ ու «բեղնաւոր» բաժին է դա: Էլ փոքր ի շատէ յայտնի քաղաք չմնաց արեւմտեան Եւրօպայի առաջնակարգ երկրներում, ուր Ռաշնակցութեան արեւմտեան մարմինը միտինգներ, կօնֆերանսներ, կրականական երեկոյթներ չլինի սարքած, եղաւ այդ իր սեփական ձեռներէցութեամբ, իր ստորադաս օրգանների (Եւրօպայի Հայ Ուսանողական Միութեան ճիւղերի) միջոցով, թէ իր առաջարկութեամբ «ականաւոր հայասէրների» ինիցիատիւով,— այդ միւսնոյնն է: Կօնգրեսներ, միտինգներ, կօնֆերանսներ և երեկոյթներ՝ Փարիզում, Լօնդօնում, Բրիւսելում, Բերլինում, Լայպձիզում, Հալլէում, Փրնսկում, Յիւրիխում, Հոովմում, Միլանում և այլն, և այլն: Մարդիկը տեհգային, եռուն գործունէութեան մէջ են: Մարդիկը Ֆրանկօ-անգլօ-իտալական մի եռապետական դաշինք են գլուխ բերել «հայասէր» ականաւորներից: մարդիկը 4000 ուկնդիրների մասնակցութեամբ հսկայական միտինգ կազմեցին համաշխարհային մայրաքաղաքում— Փարիզում. մարդկանց յաջողեց միւսնոյն բողոքող ճառասեղանի շուրջը խմբելու տրամագծօրէն հակառակ

կուսակցութիւնների ներկայացուցիչներին — պահպանողական-կղերական Դը Կօշէն և Պօլ Լերօլ, նացիօնալիստական՝ Միլվուա, օպօրտիւնիստներ և արմատականներ՝ Անատօլ Լերուա Բօլիէ, դը Կօնստան և սօցիալիստներ՝ Ժօրէս, Պրեսանսէ: Մարդիկը Գէորգ Բրանդէսին հրաւիրում, բերում են բիսմարկիզմի մայրաքաղաքը՝ Վիլհելմ-Բիլօվեան դիւանագիտութեան դէմ կրակոտ ճառեր արտասանելու: Մարդիկը վիպասանուհի Իլզէ Ֆրապանին պտտեցրին ամբողջ Գերմանիան ու Շվէյցարիան կօնֆերանսներ կազմելու և շանթահար բողոքներ ուղղելու գերմանական «քարասիրտ» անտարբերութեան դէմ: Ո՞վ է ասում, որ գործունէութեան այդ բաժինը թերի է, աղքատ է: Հասարակական և սօցիալ-քաղաքական գրեթէ բոլոր միջազգային համագումարներին և խորհրդաժողովներին—Հաագի խաղաղարար ատեանի, մէջ պարլամենտական, խաղաղասիրական, սօցիալիստական, մամուլի ներկայացուցիչներին և այլն,— Դաշնակցութիւնը չի թերացել կամ զլացել իր ներկայացուչին—պաշտօնական թէ ոչ պաշտօնական— ուղարկելու կամ որևէ «հայասէրի» միջնորդութիւնը խնդրելու՝ Հայկական Հարցը արծարծելու համար: Գրաւոր պրօպագանդայի մէջ ևս Դաշնակցութիւնը մեծ եռանդ է թափել: Նա հրատարակել է Ֆրանսերէն և գերմաներէն լեզուներով և հազարաւոր օրինակներով ցրել ամենուրեք գրեթէ բոլոր ականաւոր «հայասէրների» ճառերը: «Aurore»-ի և «Frankfurter Zeitung»-ի էջերը բաց են եղել նրա առաջ զանազան բեկլամների համար: Վերջապէս «Pro Armenia»-ն—մի ամբողջ պարբերական օրգան, նուիրւած հայկական դատին: Իսկ այն մեծահատոր գրական ժողովածոն, որ 3—4 տարուց ի վեր պատրաստում է «Ներօպայի Հայ Ուսանողական Միութեան» Լիպօր Կօմիտէն (ժընևուժ). զարդէն հայ ուսանողների միութիւնը «յաւերժացնող» և նրա դաշնակցական «ծառայութիւնն ու անսպառ գոր-

ծնէութիւնը» երաշխաւորող մի անմահ կոթող է: Տասնեակ հազարներ (Ֆրանկ) կլանող մի հսկայ երկ է դա, որի մէջ կարելի է գտնել ամեն բան, ինչ հայկական է, ինչ Հայկայ հազարերորդ շառաւիղները ստեղծագործել ու պահպանել են—սկսած հայկական հնագիտութիւնից մինչև հայի իրականութեան նորագոյն ելևէջները. այդ աշխատութեան մասնակցում են իրենց յօդուածներով եւրօպական բոլոր ուսասանների (բօմանական, գերմանական, անգլո-սաքսօնական և այլն) և կուսակցութիւններին (միապետական-կղերականից սկսած մինչև հանրապետականն ու սօցիալիստականը) պատկանող գրողներ ու գիտնականներ 42):

Այլևս ի՞նչ էք ուզում սրանից աւելի:

Բայց ինչ՞ու էն այդ բոլորը. ո՞րն է այդ բոլոր ձեռնարկների առաջ-մղիչ տենդենցը. ինչի՞ մէջ է կայանում այդ նիւթական գոհողութիւնների և բարոյական ջանքերի ներքին իմաստը:

Անհրաժեշտ է յիշեցնել, շարունակ յիշեցնել պատօնական Եւրօպային իր պարտականութիւնը՝ 61-րդ յօդուածով ստանձնած պարտականութիւնը. անհրաժեշտ է թարմ ու հրատարապ վիճակի մէջ պահել «Հայկական Հարցը» միջազգային արէօպագում», դիւանագիտական կարիքները. պէտք է ապացուցանել ի լուր և ի տես ամբողջ լուսաւոր աշխարհի, որ հայկական արիւնոտ դատը արդար է իր ամբողջ էութեամբ. հարկաւոր է Ժողովրդականացնել, հասունացնել Տաճկահայ Մնդիրը և խմբել նրա շուրջը հասարակական նպաստաւոր կարծիք, բողոքող ձայն՝ ընդդէմ ցինիկ դիպլօմատիայի, ընդդէմ թիւրքիայի անլուր կոտորածի, անծայր բռնութիւնների: Եւ վերջա-

42) «Ընդամենը երեք տարւայ ընթացքում—ասում է պ. Եգօ-ն—շնորհիւ հաւաքական աշխատանքի, կատարւեց աւելի, քան կատարել էր 15 տարուց ի վեր Բրուսալիների և Չերազների ձեռքով» (տես, Եգօ «Գորդեան հանգոյց» «Յառաջ» № 53, 1906 թ.):

պէս Դաշնակցութիւնը իր արտասահմանեան պրօպագանդիստական գործնէութեամբ «ուզում էր իր հարկը տալ այն նախապաշարեած «ամբոխային տրամաբանութեանը», որը յամառութեամբ պնդում էր, թէ Եւրօպայում հասարակական կարծիք պատրաստելը մի պանացէում է, մի տեսակ համադարման հայ ժողովրդի անբաւ ցաւերի» 43): Այս թւած բոլոր ձգտումները պէտք է հետզհետէ հող պատրաստէին դիւանագիտական նպաստաւոր կօմբինացիաներ, հաւաքական միջամտութիւն առջ բերելու յօգուտ հայկական դատի:

Ահա Դաշնակցութեան քաղաքագիտական-պրօպագանդիստական գործնէութեան ամբողջ իմաստը, կէտ նպատակը:

Սակայն որքան արժէքաւոր ու նպատակայարմար, արգասաւոր ու հետևողալից է՝ դաշնակցական իդէօլօգիների կարծիքով ու փաստաբանութեամբ, գործնէութեան այդ մեթօզը, նրանց ընտրած քաղաքական ճանապարհը առհասարակ:

Այստեղ է արդէն աչքի դարնում Դաշնակցական երգիչների դիսօնանսն ու հակասութիւնը:

«Լաւազոյն Եւրօպան»,—ասում է «Յառաջի» առաջնորդողը,—նրա ամբողջ մտածող մասը հայի դատը իր սեփականն էր համարում: Եւրօպական հայասէր պրօպագանդան այսպիսով շատ բարեբեր, շատ յուսալի հող պատրաստեց» (նօտրգրերը մերն են) 44):

Երկու համար յետոյ, միևնոյն առաջնորդողի շարունակութեան մէջ կարգում ենք. «Անուրանալի է, որ հայանպաստ պրօպագանդան մինչև այժմ (նօտրգրերը հեղինակինն է) շոշափելի արդիւնք չտւեց (նօտրգրերը մերն է), կամ աւելի ճիշտ, նրա բարերար ազդեցութիւնը

43) Ego, Ibid.

44) «Յառաջ» № 22, առաջնորդող՝ «Հայկ. հարցը և միջազգայնաքաղաքականութիւնը» վերնագրով:

չարտայայտեց հայ ժողովրդի ծանր կացութեան վրայ» 45)։

Ուրեմն և՛ «շատ բարեբեր, շատ յուսալից հող պատրաստեց» և՛ «շօշափելի արգելինք չուեց, բարերար ազդեցութիւն չունեցաւ»,—ընթերցող, լաւ կարդացէք այս տողերը։

Անցնենք։

Պ. Ego-ն խօսելով իրենց արտասահմանեան գործնէութեան մասին, վերջին կցում է այս գնահատական տողերը. «Այդ բոլորը ապարդիւն. — երբէք։ Մի յայտնի ժամանակ մինխտրութիւնը Ֆրանսիայում, կարելի է ասել, հայասէրների տրամադրութեան տակ էր. նրանք կարողանում էին առաջ բերել այս կամ այն քայլը, յօգուտ թիւրքահայի, իրագործել էին տալիս այս կամ այն անյետաձգելի պահանջը» 46)։

Սակայն թերթի միևնույն սիւնեակում պ. Ego-ն ասելացնում է, որ «ազդեցիկ եւրօպացիների զոներ բաղխող» Գաշնակցութիւնը «գիտէր, անշուշտ, որ իր ջանքերը չպիտի պսակէին բաղձալի յաջողութեամբ». նա միայն «որոշ չափով է գիտակցում պրօպագանդի օգտակարութիւնը», ապա թէ ոչ նա իր այդ կարգի գործնէութեամբ «ուզում էր իր հարկը տալ ամբօխային տրաքանութեանը. և նա գիտէր, որ իրական միջամտութիւն (նօտրգիրը նրան է) հրաւիրելու և գորդեան հանգոյցը լուծելու համար՝ անհրաժեշտ են այլ կարգի ձեռնարկներ» (իմն, յեղափոխական ճանապարհը) 47)։

Ուշադրութեամբ կարդացէք միևնույն գրչի արգելինք այդ ցիտատները։

Անցնենք։

45) Ibid, № 24:

46) Ego, «Գորդեան հանգոյցը», «Յառաջ» № 53:

47) Ego, Ibid:

Այլ բան է ասում 'Դաշնակցութեան կենտրոնական օրգանը՝ «Դրօշակը»: Այն մինիստրութեան, որը պ. Ego-ի ասելով մի յայտնի ժամանակ գտնուած էր հայասէրների արամազրութեան տակ, ասել է՝ առաջնորդուում էր հայասէրների լօզունգներով, այդ նոյն մինիստրութեան արտաքին գործերի ներկայացուցիչ Դելկասէին տւած խոստումներն ու յայտարարութիւնները «Դրօշակն» անւանում է «տարտամ, երկդիմի և անհաստատ ֆրազաներ»: Իսկ ինչպէ՞ս է գնահատում «Դրօշակը» այդ երկարամեայ գործնէութեան արդիւնքը. «Դաշնակցութիւնը անօրինակ ճիգեր թափեց, — ասում է նա վհատուած ու շարած տոնով, — նա իր ոյժերի մեծ մասը տւեց թէ երկրի մէջ թէ արտասահմանում, եւրօպական դիպլոմատիայի առաջ, բայց էլի նրա յոյսերը չարդարացան (նօտրգիրը մերն է): Նրա առաջ ապառաժի պէս ցցւեցին հայ քաղաքական կեանքի երկու անողոք գործօնները՝ թիւրք կառավարութիւնը իր սովորական ճնշումներով և դիւանադիտութիւնը, մանաւանդ ուսականը, իր ցինիկ անտարբերութեամբ» 48):

Բաւականանա՞նք սրանով, թէ՞ թիւնք անվերջ նմուշներ դաշնակցական հակասութիւնների հարուստ արսենալից: Բերենք հետեւեալ կուրիօզը ևս, և այս անգամ «Ալիք»-ի շտեմարանից:

Վերջերս Տաճկաստանի մի քանի քաղաքներում — էրզրում, Վան և այլն — տեղի ունեցած խլրտումներն ու ըմբոստացումները՝ թիւրք մասսայի կողմից թիւրք կառավարութեան դէմ, այնքան են ոգևորում դաշնակցական իդէօլօգներին, որ նրանք իրենց լեզու բերանի միջոցով շատ հեռու են գնում: «Ալիք»-ը «Կհրդեհի» վերնագրով մի առաջնորդով դբւատում է հայ ու մահ-

48) «Դրօշակ» 1905 թ. № 1. առաջնորդով:

մեղական յեղափոխական տարրերի «նազմական համերաշխութիւնը» և առջ նետում «Տաճկաստանի ապագայ մեծ Ֆեղերատիւ հանրապետութեան» լոզունգը: Եւ այն կազմակերպութիւնը, որ տասնեակ տարիներ շարունակ, իր յեղափոխական և պրօպագանդիստական գործնէութեամբ աչք է յառել և միակ հնարաւոր փրկութիւնը սպասել պետութիւնների դիւանագիտութիւնից, յանկարծ մեծ ապլօմբով յայտարարում է հետևալը. «Ուզում են» հաւատալ, որ փոխել են ժամանակները: Կեանքը կարծես իր հրամայական պահանջների հետ, արտադրում է և մինոր բանակ՝ բուն մահմեդական ժողովրդի արգանդից, որ անհրաժեշտաբար պէտք է դուրս մղէ ֆրաղների եւ դիւանագիտական միջոցների սիրածար իդէօլօգներին—Սհմէդ-Սիզաներին ու Սարահ էդդիներին—և պիտի առաջնորդի նորաբողոք շարժումը ուրիշ աւազանով» (իմն, յեղափոխական ճանապարհով, նօտրգիրը մերն է) 49):

Երևակայեցէք, այդ «փոխած ժամանակներից» ինն օր (յուլիսի 9—18) յետոյ «դիւանագիտութեան սիրահար» Երիտասարդ թիւրքերին արհամարող «Ալիբը», նորից հանգէս է գալիս մի փառաւոր առաջնորդողով՝ «Հաագի երկրորդ համաժողովի առթիւ» վերնագրով, ուր նա մեծ յոյսեր ու ակնկալութիւններ է կապում եւրօպական և ամերիկական դիւանագէտ լիազօրների այդ հաժախմբման հետ: Եւ զուտ յեղափոխական-նազմական ոյժն ու համերաշխութիւնը փառաբանող դաշնակցական ապօրօղիտն, դրւատուում ու փառաբանում է այս անգամ «միջազգային արէօպագի հզօր ու բարձրագոյն ոյժը, որը ձեռնհաս ու լիազօր է լուծելու արիւնոտ, անկախ մնացած կնճիռները, որի մի խօսքը բաւական

49) «Ալիբ», 1906 թ. № 60, առաջնորդող:

է խելքի բերելու արիւնդուշտ վեհապետին և ընթացք-տալու 61-րդ յօդածին, մայիսեան ծրագրին»: Եւ թէ-պէտեւ «ժամանակները փոխուել» են, այնուամենայնիւ դաշնակցական օրգանը «յոյսեր ունի», որ «հայկական հարցը յետ չի մղւի, եթէ նա դրւի ձեռնհաս կողմից, դիցուել Ամերիկայի պաշտօնական ներկայացուցիչնե-րից»։ նա «յոյսեր ունի», ասում ենք, որովհետեւ այդ սահմանում՝ «միջազգային արէօպադում» ևս, այժմ կար-ծես թէ փոքր ինչ փոխած են պայմանները (նոտագիրը մերն է). այժմ ժողովի ձեռնարկողը այլևս բռնապետա-կան ու հայատեաց Ռուսաստանը չէ,—այժմ նախա-ձեռնողը Ամերիկան է, և մեր եւրօպացի բարեկամները աւելի յուսալի գուշակութիւններ են անում» 50):

Լաւ կարգացէք այդ ցիտատները: Ի՞նչ ասենք այդ ազադակող, միմեանց ջնջող հակասութիւններին: Իս-կապէս որ և՛ «ժամանակները փոխուեցին և՛ պայմաննե-րը», բացի դաշնակցական իդէօլօգիների քաղաքալիտա-կան հասկացողութիւնից. նա չփոխեց, օրգանապէս չաճեց էվօլիւցիօնաբար ճատունացաւ, այլ ֆնսց միշտ միևոյն նախապետական, պրիմիտիւ, նայիւ-ամբոխային ու մանկական աս-տիճանի վրայ: Բաւական է մի թոռցիկ երևոյթ, մի էֆֆեկտաւոր մօմենտ իրերի սովորական ընթացքի մէջ, որպէսզի Գաշնակցութիւնը այսօր ասի՝ «աստնկ կըլլայ», վաղը ասի՝ «անանկ կըլլայ»: Միևոյն տեսակէտի և սօ-ցիալ-քաղաքական երևոյթների պատմական ըմբռնո-ղութեան քացակայութեան շնորհիւ, նա հերքում է այսօր իր երկկալ դատածն ու ընդունածը, ժխտում վաղը իր այ-սօրւայ պնդածը և սրբապղծում միւս օրը իր վաղւայ սըր-բացրածը: Ամբոխային տրամաբանութիւնն ու հոգեբա-նութիւնը ամբողջ էութեամբ և անազարտութեամբ փայ-

50) «Ալիք», №-65, ասպնորդող:

լում է Դաշնակցութեան քաղաքական իդէօլոգիայի մէջ:

Այսօր լուր բերաւ հեռագիրը, որ խլրտում, մասսայական յեղափոխական շարժում կայ թիւրք ամբոխի մէջ մի քանի գաւառներում՝—այդ բաւական է արդէն, որ դաշնակցական յախուռն իդէօլոգը յեղափոխական իլլիւզիաների բարձրարեւձ ապարանքներ կառուցանէ: Վաղը արեւմուտքից աւետում է նրան «Դրօշակի» խմբագրութիւնը կամ կամ մի Պիեռ Քիառ գործերի «յաջողութեան յուսալի նշաններ միջազգային արէօպագում»,—այդ բաւական է արդէն, որ նոյն յախուռն իդէօլոգը մոռանայ իր երէկւայ օրհներգը և նորանոր քաղաքական իլլիւզիաների ու ակնկալութիւնների հեռանկարներ ուրևագծէ, յոյսեր դնէ «հայ բարեկամների» վրայ:

Այդպէս է մարդկանց լօգիկան, այդպէս են նրանք խաղում մի ամբողջ ժողովրդի քաղաքական բազդի հետ, լուծում կենսական խնդիրները:

Իհնք տեսանք թէ ինչպէս «Յառաջ»-ը (իր առաջնորդողով) հակասում է Ego-ին, Ego-ն հակասում է «Դրօշակ»-ին, «Դրօշակ»-ը հակասում է «Ալիք»-ին. մենք տեսանք նաև՝ միևնոյն յօգւածներից ցիտատներ բերելով, թէ ինչպէս «Յառաջ»-ը հակասում է «Յառաջ»-ին, Ego-ն—Ego-ին և «Ալիք»-ը—«Ալիք»-ին: Ուրեմն ոչ միայն միմեանց տրամագծօրէն հակասում են միևնոյն դաշնակցական շխօլայի մէջ կրթւած ու մնւած հրապարակախօսաները և «պրօֆեսիօնալ քաղաքագէտները», այլև դրանցից ամեն մէկը, ամեն մի գրիչ հակասում է ինքն իրեն, հերքում ու ջնջում է մի ձեւքով այն, ինչ պնդել ու հաստատել է միւս ձեւքը:

Եւ հակասութիւնների այդ անսպառ շտեմարանք բացէ ի բաց վկայում է, որ Դաշնակցութիւնը՝ իր մտածող ու գործող գլուխներով, և՛ համոզւած է և՛

համողած չէ այն բոլորի օգտակարութեան ու նպատակայարմարութեան մէջ, ինչ նա ձեռնարկում է. որ նա չունի մի չափած ձեւած կրիտերիում միւրերոյն տակտիկա մշակելու համար. որ նա ոչ թէ բննադատարար վերլուծում է ընթացիկ երևոյթներէ բնոյթն ու էութիւնը, համեմատական հաշւէկշռի ենթարկում ըէպօ ոյժերի յարաբերութիւնները. թափանցում քաղաքական կնճոտ քաղութիւնների խորքը և ըստ այնմ գործնէութեան նանսպարհներ հարծում, կուի մեծօղներ մշակում, այլ նրանք ամեն բանի մէջ առաջնորդում են ոյժերի տարերային շարժումով, խուժանական ինստիտիւտներով, թուոյցիկ երևոյթներէ ըոպէական էֆֆէկտներով, նայած թէ քամին ճրտեղից է փչում՝ արեւելից թէ արեւմուտից: Ինքը՝ Ego-ի նման զաշնակցական իդէօլօգը, պարզ խոստովանում է (այդ կտորը բերանք մենք վերև), որ Դաշնակցութիւնը իր արտասահմանեան պրօպագանդիստական գործնէութեամբ «ուզում էր իր հարկը տալ նախապաշարւած» «ամբոխային տրամաբանութեանը»: Էլ ի՞նչ էք ուզում աւելին... sapienti sat:

Այսքանը ընդհանրապէս, որով, ինչպէս տեսանք, մեր յարգելի հակառակորդները «իրենք տապալկեցին իրենց իւղի մէջ», ինչպէս ժողովուրդն է ասում. այսինքն իրենք հերքեցին իրենց, իրենց սեփական գատողութեամբ ու փաստաբանութեամբ մերկացան մեր առաջ:

Անցնենք բուն խնդրի քննութեան:

Քաղաքական նանսպարհ կամ քաղաքալիտակոն-պրօպագանդիստական գործնէութիւն երկրից դուրս...

Մենք պարզապէս խոստովանում ենք, որ մեզ դեռ ծանօթ չէ մի մանր ու ճնշւած ազգի ազատագրական շարժման պատմութիւն՝ հէնց բալկանների արիւնլւայ բարձունքներում, որտեղ գործնէութեան այդ

ճանապարհը այնքան մեծ տեղ լինի գրաւած և այնչափ ոյժեր ու միջոցներ լինի կլանած, որքան Դաշնակցութեան առհասարակ արտասահմանեան գործնէութիւնն է եղել: Նոյն իսկ հռչակաւոր հելլենիզմի չքնաղ հայրենիքը իր մօտ 60 տարի տևող ապստամբական կռիւները ընթացքում այնքան դձներ չէ բաղխել, այնքան կոչեր ու դիմումներ չէ ուղղել «երախտապարտ» Եւրօպայի քաղաքականութեան ու «մարդասիրութեան» հասցէին, որքան այդ արել են հայ ժողովրդի (ռուսահայ թէ տաճկահայ) լեզալ գործիչներն ու անլեզալ յեղափոխականները 61-րդ յօդւածի ձևակերպումից ի վեր: Ինչո՞ւ հեռու գնանք: Մեր առաջն է մակեդոնական դեռ ևս առկախ ու հրատապ խնդիրը: Մակեդոնիայի յեղափոխական կազմակերպութիւնները ունեցել են, ունե՞ն կամ անհրաժեշտ են համարում ունենալ զէթ ^{1/10}-րդ մասը այն պրօպագանդիստական գործնէութեան, որ Դաշնակցութիւնը տասնեակ տարիներ շարունակ տենդային եռանդով մղում է արևմտեան Եւրօպայում: Ամենևին, երբէք: Նրանց գործնէութիւնը բուն երկրի մէջ է, կենդանի իրականութեան ծոցում, կուրի դաշտում: Ճշմարիտ յեղափոխական կազմակերպութիւնները կարիք չունեն ամենևին օգնութեան ձեռք կարկռելու դիմումների եւ խնդրադրերի քաղաքականութեան, որպէս զի դիւանագիտական կարիներեքում և պարլամենտներում խօսել տան իրենց և իրենց ձգտումների ու նպատակների մասին: Յեղափոխականի իրական, կենդանի գործն է, կուրի անարկու շաչիւնը, ոյժգին հարւածները են, որ ստիպում, հարկադրում են և՛ դիւանագիտութեան և պարլամենտներին իրենց հարցի մասին մտածելու, խօսելու և որոշումներ կայացնելու: Երկրից զուրս եղած գործնէութեան ուժեղացումը պարզ ասպացոյց է երկրի ներսում եղած ռազմական գործնէութեան թուլութեան

ու նւագման: Եւ Դաշնակցութեան Եւրօպայում ունեցած գործնէութեան հսկայ մեխանիզմի բանաւոր ու գրաւոր այնքան բազմաթիւ օրգաններն ու ապարատները ցոյց են տալիս, որ նրա յեղափոխական գործնէութիւնը բուն աաճկահայ միջնաւայրում հասել է իր սնանկութեան սասիճանին, Փիասկօն կատարեալ է: Դա վկայում է ինքը կենդանի իրականութիւնը:

Այդքան մեծ է տարբերութիւնը առհասարակ յեղափոխականների և զաշնակցական յեղափոխականների գործի ու գործնէութեան մէջ: Այդքան խոշոր է զանազանութիւնը պատմական յեղափոխականութեան և զաշնակցական յեղափոխականութեան վերարբերեալ եղած հասկացողութեան ու տեսակէտների մէջ:

Դաշնակցութեան արտասահմանեան բոլոր ճիգ ու ջանքերը, նրա այսպէս աււանւած ամբողջ քաղաքական գործնէութիւնը, մարդասիրական օգնութիւն հայցելը «լաւագոյն Եւրօպայից»,—մենք առանց այլեայլութեան աււանում ենք քաղաքական մուրացկանութիւն: Եւ որքան մի թշւառ մուրացկանի,—որ իր օրւայ պարէնը հայթհայթում է հարուստի փարթամ սեղանից թափւած փշրանքներից,—կյաջողւի կապիտալիստ զառնալ, այնքան էլ յեղափոխական կազմակերպութեան կյաջողւի մարդասիրութեան օգնութեամբ մի զուտ քաղաքական լնդիր լուծելու:

Հարկաւոր է յուզել, աղմկել քաղաքական աշխարհը, յիշեցնել պաշտօնական Եւրօպային իր ստանձնած պարտականութիւնները, թարմ պահել և մոռացութեան չտալ հայկական հարցը դիւանագիտական կօնցերտում, հարցապնդումներ անել պարլամենտներում և այլն և այլն,—միաբերան պնդում են Դաշնակցութեան բոլոր բանաստեղծ-քաղաքագէտները՝ և՛ Քր. Միքայէլեան, և՛

Ego ու Վաչանգեան, և՛ Ակնունի, և՛ «Դրօշակ», և՛ «Յառաջ», և՛ «Ալիք», և՛ «Հայրենիք», և՛ «Ռազմիկ»: Ակամայ արգահասանք էք զգում մարդկանց և օրգանների այդ անձայր պարզամտութեան, քաղաքական վուլգարիզմի վրայ:

Մենք չենք հասկանում, թէ ի՞նչ իմաստով է այդքան յաճախ գործածուած «պարտականութիւն» խօսքը Դաշնակցութեան գրականութեան մէջ: Բարոյակմն իմաստով, բայց բարոյական հասկացողութիւն գոյութիւն չունի զիպլօմատիական տերմինօլօգիայի մէջ, այդ պէտք է իմանան և իրենք դաշնակցականները: Թէ՞ Եւրօպան քաղաքական պարտականութիւն ունի հայկական հարցի նկատմամբ. եթէ այո՛, ապա մեր յարգելիքները պէտք է իմանան նաև, որ մի պարտականութիւն միայն այնքան քաղաքական արժէք կարող է ունենալ պետութեան կամ պետութիւնների համար, որքան այդ պարտականութիւնը կատարելը մի անյետածգելի անհրաժեշտութիւն եւ կենսունակութիւն է ներկայացնում պետութիւնների համար: Ասացէք, ներկայացնում է հայկական հարցի բարեբար լուծուածը պետութիւններից մի քանիսի կամ բոլորի համար նոյն իսկ ամենանւազ չափով կենսական անհրաժեշտութիւն, որ նրանք ունենան դրա նկատմամբ քաղաքական հարկադրական պարտականութիւն,— հէնց այդ խնդիրն էր հիմնական բաժինը մեր ամբողջ թեմայի, որ բաղմակողմանի լուսաբանելով եկանք բացասական եզրակացութեան: Եթէ պաշտօնական Եւրօպան շահագրգռւած լինէր, եթէ ոչ աւելին, գէթ ՅԼ-րդ յօդւածը պարունակող ըէֆօրմները իրականացնելու, ապա նա իր սրբազան էգօիստական պարտականութիւնը կհամարէր այդ վճռական քայլը շատ վաղուց անելու, առանց գիմունների և հարցապն-

դումների: Իսկ եթէ նա շահագրգռւած չէ, ինչպէս մենք, այդ ցոյց տւինք նախընթաց գլուխներում, նշանակում է ապարդիւն են յոյսերով լի այն ջանքերը, որ ունի Դաշնակցութիւնը երկրի ներսում թէ դրսում: Որովհետեւ այդ բոլորը այն չեն և չեն էլ կարող լինել՝ ինչպէս անցեալ գլխում տեսանք, որպէս զի դրդեն ու հարկադրեն պետութիւններին որոշ վճռականութեան դիմելու: Եթէ Դաշնակցութիւնը գոհ է և ինք զինքը մխիթարում ու շոյում է այն հանգամանքով, որ մի Գեղաս է կամ մի անգլիական զեսպան կոտորածների վտանգաւոր նախօրեակին գործակալներ են ուղարկում Վանի և Մուշի կողմերը տեղական վալիներին զգուշացուցիչ ազգարարութիւններ հաղորդելու, ապա թող այն ժամանակ դէն շարտէ իրենից «յեղափոխական կազմակերպութիւն» պատւանուն ֆիրման և յայտարարէ իրեն լիբերալի պալիատիւներով կերակրուող ու բաւականացող մի մարմին: Այդ ողորմելի պալիատիւներո՞վն է պարծենում պ. Ego-ն, առանձին ինքնագոհութեամբ շեշտելով, որ «մի յայտնի ժամանակ Ֆրանսիական մինիստրութիւնը գտնուում էր հայասէրների տրամադրութեան տակ»: Այդ և նմանօրինակ պալիատիւները քաղաքական ակտեր չեն ամենեւին, այլ պաշտպանողական միզոնացող միջոց հեռււոր բարդութիւնների առաջն առնելու համար. եթէ քաղաքական ակտ լինէր, Ֆրանսիական և անգլիական հիւպատոսները չէին շարժւիլ տեղներից առանց ռուսական համաձայնութեան. փաստ, հիւպատոսական միջնորդութեան ծրագիրը Սասունի տպատամբութիւնից յետոյ, երբ Բիթլիս գնացած անգլիական և Ֆրանսիական հիւպատոսները ոչինչ վճռական քայլ չկարողացան անել, առանց ռուսական հիւպատոսի ներկայութեան, և որովհետեւ վերջինս երբէք ներկայ

չեղաւ, այդ պատճառով Բիթլիսի ծրագիրը ևս վիժեց մայիսեան ծրագրի նման:

Եւ այն հեղինակը, որ իր յօդածի առաջին մասում առանձին պարծանքով է յիշատակում եւրօպական պրօպագանդիայի «արդիւնաւոր հետեանքները», այդ նոյն հեղինակը ստիպւած է իր յօդածի շորքորդ մասում դառնազին շեշտերով խոստովանելու այլ բան. «Եւ քնչ... մինիստրական խոստումներ ու դիմումներ, ազդարարութիւններ Կ.Պօլսում, ազդարարութիւններ վալիների մօտ, իսկ վճռական քայլ-երբէք: Դիւանագիտութիւնը անսարքեր հանդիսատես եղաւ Սասունի լեռներում խաղացող ողբերգութեան, նա շարունակեց իր պարսպ, անոյժ ազդարարութիւնները...»: «Եւ դարձեալ ո՞վ էր միծագոյն յանցաւորը այդ ոճրագործ յապաղումների մէջ, — ուսական զիւանագիտութիւնն էր, հայութեան այդ մահացու թշնամին: Անգլիան, ըստ առաջնոյն, միայնակ միջամտելու տրամադիր չէր (և երբէք էլ տրամադիր չի լինելու, Բ. Ի.) Ֆրանսիան էլ որևէ լուրջ քայլ անել չկարողացաւ կամ չուզեցաւ առանց իր դաշնակցի» 51):

Հէնց այս ինքնաժխտումը և ինքնաջինջ խոստովանութիւնն էր հարկաւոր մեզ:

Անհասկանալի տարօրինակութիւն: Մարդիկ քաղաքական անցքերի ու երևոյթների մի տխուր հարուստ անցեալ ունեն իրենց յետևը, թէ ինչպէս դիւանագիտական ամեն մի ձեռնարկ քարին է զարնուծ, վիժում ու խափանուծում առանց այլևայլութեան, երբ ուսական դիպլօմատիան, «հայութեան մահացու թըշնամին», ծառանում է այդ բոլոր ձեռնարկների հանդէպ և հակադնում է իր անողոք ժխտումը՝ «non pos-

51) Ego, „Դորդեան հանգոյց“, «Յատաջ» № 61.

sumus, non procedatur»—մենք չենք կարող, չպէտք է հետու. գնալ: Մարդիկ, դաշնակցական գրեթէ՛ բոլոր իդէօլօգները, միաբերան խոստովանում ու վկայում են, որ Ռուսաստանը կազմում է ամենածանրակշիռ ու ազդեցիկ ֆակտորը հայկական հարցում, որ առանց նրա համաձայնութեան անկարելի է տեսնել ոչ միայն տաճկահայ խնդրի լուծումը, այլև փոքր ի շատէ արմատական բարեփոխութիւններ մտցնելը Փոքր-Ասիայում: Հարց է ծագում. այդ բոլորը գիտելուց և վկայելուց յետոյ նրանք այլևս ի՞նչ են ուղում կամ սպասում անգլիական, ֆրանսական և իտալական գիպլօմատիայից. ի՞նչ հաւանական շանսեր, գրական յոյսեր են կապում մեր յարգելիները իրենց արտասահմանեան գործնէութեան հետ. այլևս ի՞նչ արժէք ունի այնքան թանկ նստող պոպագանդիստական ֆրադէօլօգիան արեւմտեան Եւրօպայում, ինքնախաբէութեան այդ թանձր քօղը, խեղճ հայդուկին, թշուառ մշցուն ու էրզրումցուն նինջ ու օրօր կարդացող այդ հովերը, փրուն, անիմաստ ու անարժէք բարձրակոչ բարբառը:

Հարկաւոր է ընդլայնել ու խորացնել մասսայական հայանպաստ պրօպագանդը լուսաւոր աշխարհում, հարկաւոր է սոււարացնել հայասէրների բանակը և պատրաստել հասարակական նպաստաւոր կարծիք, բողոքող ոյժ ու արամադրութիւն՝ ընդդէմ թիւրքական բռնութիւնների, ընդդէմ եւրօպական անտարբերութեան, դարձեալ միաբերան պնդում են բանաստեղծ-քաղաքագէտները: Երջանի՛կ իդէալիստներ, որ այդքան լաւատես էք «լուսաւոր աշխարհի» նկատմամբ: Մի նահապետական խորին պարզամտութիւն է փչում այդ տողերից, որ կարող է ամեն բան լինել, բացի քաղաքական հասկացողութիւնից:

Նախ սր հասարակական կարծիքին է վերաբերում խօսքը, դա պարզ չէ և երբէք էլ չբացատրուեց դաշնակ-

ցական լեքսիկոնի մէջ դաշնակցական իդէօլոգի կողմից:

Հասարակական կարծիք հանրամարդկային, համազգային, կամ համաժողովրդական ընաւորութեամբ, ինչպէս գիտենք, գոյութիւն չունի: Ամեն մի հասարակական կարծիք պայմանաւորւած է որոշ դասակարգային կանէգօրիայի շրջանակով: Ո՞ր դասակարգային կաթեգօրիայի հասարակական կարծիքի մասին է խօսքը: պրօլետարիատի, թէ՞ բուրժուական տիրապետող դասակարգերի: Շահագործող տարրերի, «երիտասարդ եւրօպայի» մէջ է ուզում Դաշնակցութիւնը նպաստաւոր կարծիք, բողոքող տրամադրութիւն պատրաստել ընդդէմ բունութեան ու մարդկային հալածանքի, թէ՞ շահագործող ու արտօնեալ տարրերի, «ծերացած եւրօպայի» մէջ: Թէ՛ մէկը և թէ՛ միւսը բոլորովին կարիք չունեն այդ կողմնակի «լուսաւորութեան միսիային», որովհետեւ թէ՛ մէկը և թէ՛ միւսը ունեն իրենց մի անգամ ընդմիշտ յայտնի սկզբունքային գիրքը դէպի բոլոր նմանօրինակ քաքաքական հարցերը:

Կարիք չունի պրօլետարիատը, ասում ենք, կազմակերպւած ու գիտակից պրօլետարիատը արևմտեան եւրօպայի, որովհետեւ նրա դասակարգային կուսակցութեան միջազգային քաղաքականութեան մէջ այդ բաժինը աւելի քան պարզ ու որոշ է (տես «Սօցիալ-դեմօկրատիան և տաճկահայ խնդիրը» վերնագրով գլուխը):

Կարիք չունի բուրժուազիան, որովհետեւ հարիւրաւոր փաստերով ու օրինակներով ճշտւած կենդանի իրականութիւն է նրա համաշխարհային աւարառութաղաքականութեան այդ վիրաւոր բաժինը: Հին-հին իդէալներով սնւած հայ յեղափոխականները լաւագոյն յոյսերի խաբուսիկ հեռանկարով ճշմարիտ մարդասիրութեան հետքեր են որոնում այնտեղ, ուր նախ մարդասիրու-

թիւն չկայ և երկրորդ, եթէ նոյն իսկ լինէր, միանգամայն անպէտք ու անարժէք կլինէր իրենց ցաւ ու դարդի համար: Գլխաւորութիւն, հասարակական նըպաստաւոր կարծիք առաջ բերելու ջանքեր չինայել այնտեղ, ուր իրերի և երևոյթնների կարևորութեան ու կենսունակութեան աստիճանը չափուում, գնահատուում է հասարակական ստամոքսի «գոեհիկ» պահանջներին — տնտեսական-քաղաքական շահերին — մասշտաբով. տենչալ «ճշմարիտ հայասէրներին» սոււար բանակ կազմելու այն իդէօլոգներինց, որոնք ընդունակ չեն այլ ուղղութեամբ մտածելու և դատելու, քան այդ թելադրում է տիրապետող դասակարգի հասարակական իդէալը և այլն, — դա ցոյց է տալիս, թէ որքան հեռու են մեր հակառակորդները քաղաքական խոշոր խնդիրները պատմականօրէն ճշգրիտ ըմբռնելու մեթօդից: Լուսաւոր աշխարհում տիրապետող (այսինքն բուրժուական) հասարակական կարծիքի արտայայտութիւնը կազմում է դասակարգային պետութեան գաղութային քաղաքականութեան պատմական տենդենցիան, և մենք ծանօթացանք արդէն այդ պատմական տենդենցիայի հետ, երբ դատ-դատ թեկնիք բուրժուական-դասակարգային մեծ պետութիւնների քաղաքական պօզիցիաները տաճկահայ խնդրի նկատմամբ: Գուցէ Դաշնակցութիւնը այն աստիճան պարզամիտ է, որ իր պրօպագանդայով քաղաքական յոյսեր է դնում բուրժուական ղեմօկրատիայի հատընտիր իդէալիստների վրայ, նրանց, որոնց ձեռնարկներինց մէկի (դիմումը նախագահ Րուզվելտին) փառահեղ Ֆիասկօն տեսանք մօտիկ անցեալում. յոյսեր այն բուրժուական ֆիլանտրօպիայից (մարդասիրութիւն), որ պատմականօրէն ամենահողազուրկ, քաղաքականապէս ամենամանրամաստ և աղղնցումեամբ ամենաանարժէք շարժումն է նորագոյն Եւրօպայում: Բուրժուական աւարառու և

աշխարհակալական քաղաքականութեան տոն տուողները կողմում են այն թէալիստ քաղաքագետները, բուրժուական շահերի և պետական էգօրիզմի այն ապօլօզէտները (Չատագով), որոնք, իբրև այդպիսիք, գրաւում են պետական մեխանիզմի մէջ ամենաբարձր պօստերն ու պատասխանատու ֆունկցիաները. որոնք, իբրև այդպիսիք, ասում ենք, դառն ու հեզնական ժողիտ են արձակուած ֆիլանտրօպ իգէալիստների և նրանց ճանների ու բէգօլիւցիանների վրայ:

Քուրժուական ֆիլանտրօպիա դիւանագիտութեան սահմանում.— դա կուշտ կերած արխատօկրատներին նոյն հովերն են, նոյն ֆանտազեօրների ֆրազէօլօգիան, ինչպէ՞ս այսպէս անւանւած խաղաղասէրների 1—2 տարին մի անգամ գումարուղ միջազգային խաղաղասիրական կօնգրեհները են, որոնք առանց շօշափելու ներկայ հասարակական կարգերի գոյութեան հիմնական արմատները, առանց միլիտարիզմի վերացման պահանջ ունենալու, Թօմաս Մօրու երևակայական թուիչքներով պատկերացնում են մի այնպիսի ուսօպիական դրութիւն, ուր չլինի կռիւ, պատերազմ, արիւնհեղութիւն ու կոտորած, այլ ամեն բան այնպէս խաղաղ ու սիրով երթայ, որ գայլն ու գառը միմեանց մօտ արածել կարողանան,

Անշուշտ ֆիլանտրօպ, իգէալիստ, ականաւոր (ինչ ուզում էք անւանեցէք) «հայասէրները»— ազարաւած ու այլանդակւած դեմօկրատիզմի այդ անշնորհք երկրպագուները, որ ազգից ուզում են թող լինեն— կցանկանան մի շարք բարեփոխութիւններ, 61-րդ յօդւածի գործադրութիւնը Տաճկահայաստանում, գուցէ և ինքնավար Հայաստան Փոքր-Ասիայում, այն, կցանկանան այդ բոլորը, իբրև բարեպաշտական իղձ ու բաղձանք. կճանան, շանթահար բողոքներ կարձակեն միտինգներում

«քարասիրտ» դիպլոմատիայի հասցէին. բայց իրապէս նրանցից ամէն մէկը—անգլիացի, ֆրանսիացի, գերմանացի թէ նոյն իսկ ուրա կազեա—աւելի շուտ իր մատերը կկտրէ, քան համաձայն կլինի, որ իր ազգային պետութեան ազդեցութիւնը թուանայ «միջսոցային արէօպագում», քան կընդունէ, որ իր ազգային պետութեան տնտեսական-քաղաքական շահերը յետ մղեն թիւրքիայում, Փոքր-Ասիայում:

Այդպիսի ականաւոր «հայասէրների» հետ զործունի «սօցիալիստ» Դաշնակցութիւնը, սկսած «Մեծ Մարդասէր» Գլադստօնից մինչև պատիկ Լեպչիուսն ու Րօհրբախը, մինչև կաթօլիկ ու բողոքական հաւատաւորս միսիօնարները:

Որքան բուրժուական այդ դատորկարան ֆրադէօլօղները կարող են և ընդունակ կլինեն ճշմարիտ մարդասէր լինելու, այնքան էլ Դաշնակցութիւնը կարող է իսկական սօցիալիստական կուսակցութիւն համարել. եւ որքան հայկական «գորդեան հանգոյցը», տանկահայ թշուա ժողովուրդը կարող է իրական օղնութիւն սպասել, իր հարցի լուծումը յուսալ այդ բուրժուական ֆիլանտրօպայից, այնքան էլ կովկասահայ բանւորութիւնը իրաւունք կունենայ դասակարգային կռիւ սպասելու եւ հարազատ սօցիալիստական գործնէութիւն յուսալու նացիօնալիստ Դաշնակցութիւնից:

Pari passu, pariter—միևնոյն չափով, միևնոյն եղանակով:

Բ Ո Վ Ա Ն Դ Ա Կ Ո Ի Թ Ի Ի Ն

ՏԱՃԿԱՀԱՅ ԽՆԴԻՐԸ ԵՒ ՄԻՋԱԶԳԱՅԻՆ ԴԻՊԼՕ-ՄԱՏԻԱՆ

ՅԱՌԱՋԱԲԱՆ

1

Ներածութիւն

Քաղաքական խնդիրների և հասարակական երևոյթների երբևէ բնոյթը:—Հայկական հարցի երեք կողմերը:—Մեր թեման և նրա ծաւալը:—Հայ յեղափոխականների վերաբերմունքը դէպի իրենց հակառակորդները:—Մեր հակառակորդների քաղաքագիտական մտածողութեան հորիզոնը: Եր. 7:

II

Տաճկահայ խնդրի լուծման ճանապարհը

Ազատագրութեան երեք միջոցներ:—Ելըրդ միջոցի կիրառումը պատմական անցեալում:—Հաւաքական միջամտութիւն:—Տաճկահայ խնդրի դիպլոմատիական բնաւորութիւնը:—Հայ յեղափոխական շարժման նպատակը:—Դաշնակցական իդէօլօգիների վկայութիւնները:—Դործնէութեան երկուստեք ուղին:—Ե՞րբ է ննարաւոր պետութիւնների հաւաքական միջամտութիւնը: Եր. 11:

III

Եւրօպայի շահերը Թիւրքիայում

Տաճկաստանը որպէս մի շահագրգիռ օբիեկտ:—Եւրօպական մեծ պետութիւնների քաղաքական և տնտեսական-ֆինանսական շահերը Թիւրքիայում:—Թիւրքիայի պետական պարտքերը: Երկաթուղային գծերի կառուցումը:—Գերմանիայի նուաճումները:—Թիւրքիան, որպէս ներմուծման և արտահանութեան շուկայ:—Դիպլոմատի և կապիտալիստի ապահով յոյսերը:—Շահը և դիպլոմատիան: Եր. 18:

IV

Պետութիւնների դիպլոմատիան և Թիւրքիան

«Արևելեան հարցի» վերաւոր կողմերը:—Եւրօպական դիպլոմատիան Բերլինի կոնգրեսից առաջ:—Պաշտօնական հովանա-

ւորութեան շրջանը:—Դիւանագիտութիւնը 1878 թ.-ից յետոյ:—
Թիւրքիան՝ գիւղականութեան հակասութեան մէջ:—Պետութիւննե-
րի իրական և պաշտօնական քաղաքականութիւնը:—Մարքսի կար-
ծիքը:—Թիւրքիայի երկաւորի քաղաքականութիւնը:—Լոկ խոս-
տումների արտաքին միտան և իրական ներքին միտան եր. 24:

V

Հայկական հարցի լաւատեսութեան և հոռետեսու-
թեան շրջանը

Դիպլոմատիական դուալիզմը:—Տաճկահայ խնդրի քաղա-
քական երկակի բնուիթը Բերլինի վեհաժողովից յետոյ:—Անկա-
լութիւններու և իւլիզիաների շրջանը:—Դաշնակցութեան իդէո-
լոգիներու խանդավառ յոյսերը:—Սիստեմատիկ կոտորածներու մի-
տումաւոր քաղաքականութիւնը:—Բր. Միքայէլեանի հակասու-
թիւնները:—61-րդ յօդածը՝ լաւատեսութեան և յոռետեսութեան
մի մնայուն ազդիւր:—Եւրօպական պետութիւններու և Թիւրքիայի
ընդհանուր քաղաքական պատֆօրմը և Տաճկահայ խնդիրը: Եր. 32:

VI

Ռուսաստանի քաղաքականութիւնը և տաճկահայ
խնդիրը

Ռուսաստանի ծանրակշիռ դերը «Արևելեան Հարցում»:—
Նրա իմպերալիստական ձգտումներու նպատակը:—Ռուսաստանի
մասնակցութիւնը Կրեմլի և արևել. Ռուսիայի գործում:—Ցարի
դիպլոմատիան Մակեդոնիայի նորագոյն ապստամբութեան օրով:
—Եւրօպայի դիրքը Ռուսաստանի առաջխաղացման հանդէպ մեր-
ձուր արևելքում:—Ռուսաստանի քաղաքականութիւնը «Հայկա-
կան Հարցի» նկատմամբ:—Դաշնակցական իդէոլոգիներու խոստո-
վանութիւնը:—Ռուսաստանի հետևողական ու սիստեմատիկ քա-
ղաքականութեան մօտիւնները «Հայկական Խնդրի» վերաբերմամբ:
—1. Թիւրքիայի ամբողջութեան անձեռնմխելիութեան խնդիրը:—
2. Ռուսաստանը՝ ինքնավար Հայաստանի պատմական թշնամի:—
3. Ռուսաստանի և Թիւրքիայի մտերմութեան-բարեկամութեան
ձգտումը: Եր. 38:

VII

Անգլիայի քաղաքականութիւնը և Տաճկահայ Խնդ-
րը

Անգլիան և տաճկահայ խնդիրը:—Անգլիան՝ «հայասիրու-
թեան» հայրենիք:—Դաշնակցական իդէոլոգիներու քաղաքագիտա-

կան ըոքկութիւնը:—Ուլտիմատումներէ և ճառերի անվերջ հա-
կասութիւնները Անգլիայում:—Անգլիական ճարտիկ ու առածը-
գական քաղաքականութեան տենդեցները:—Անգլիան, որպէս ա-
ռաջնակարգ արտայայտիչ համաեւրոպական տենդենցիաների:—
Նրա «հայասիրութիւնը» և հակամարտ քաղաքականութիւնը Ռու-
սաստանի դէմ:—Անգլիայի վերջին տարիներէ ձեռնպահ գիրքի
պատճառը «Հայկական հարցի» նկատմամբ: Եր. 49:

V III

Փրանսիական քաղաքականութիւնը եւ Տաճկանայ
Խնդիրը

Նոր ակնկալութիւններէ շրջանը:—Փրանսիան և Տաճկա-
նայ խնդիրը:—Գարձեալ յուսախաբութիւն:—Գաշնակցական «Հայ-
րենիք»-ի յոյսերը Փրանսիական նոր մինիստրութեան վրայ:—
Յեղափոխական անվերջ լարախաղացութիւն:—Ունի՞ Փրանսիան
առանձնայատուկ շահեր՝ գործելու ի նպաստ հայկական դատի:—
Փրանսիայի դիպլոմատիան պայմանաւորուած Ֆրանկո-ռուսական
դաշնակցութեամբ:—Պատմա-քաղաքական անցեալը և ներկան:—
Բնական հետեանքները: Եր. 55:

IX

Գերմանիայի քաղաքականութիւնը եւ Տաճկանայ
Խնդիրը

Գերմանիայի դարաւոր քաղաքականութեան դեկզը:—Գեր-
մանիան և ճնշուած ազգերի ադատագրութիւնը:—Գերմանիան և
Հայկական Հարցը:—Գերմանիայի քաղաքականութիւնը մերձաւոր
արեւելքում: Նրա գաղթականական և տնտեսական-առևտրական
ձգտումները Փոքր-Ասիայում:—Պանգերմանիստ քաղաքագէտների
իդէերը:—Բաղդատի երկաթուղին և տաճկահայերը:—Գարձեալ
յոյսեր ու երազներ:—Երկաթուղու տնտեսական-կուլտուրական
ներգործութիւնը հայերի համար:—Կապիտալիստական շահագոր-
ծութիւնը և քաղաքական միտումները:—Անհիմն երազներ: Եր. 63:

X

Աւստրիան, Իտալիան եւ Տաճկանայ խնդիրը

Աւստրիայի և Իտալիայի դերը միջազգային գիւնանգի-
տութեան մէջ:—Աւստրիան, Իտալիան և Արևելեան Խնդիրը:—
Նրանց դիրքը Հայկական Հարցի նկատմամբ:—Նրանց գրաւած
տեղը դիպլոմատիական կոմբինացիաների ժամանակ . . . Եր. 70:

Ամերիկայի Միացեալ Նահանգները եւ Տաճկահայ խնդիրը

Ահնկալութիւնների և իւլիզիաների նորագոյն ֆազիսը:—
Դաշնակցական իդէօլօգիայի հակասութիւնների անվերջ շղթան:—
Պրիմիտիւ քաղաքագիտութեան և նահապետական-գոեհկական
լօգիկայի փաստարանութիւնը:—Ամերիկայի Միաց. Նահանգների
շահերի և սոցիցուլութեան պայքարը Թիւրքիայում:—Միաց. Նա-
հանգները և Տաճկահայ Խնդիրը:—Ամերիկայի քաղաքական կօմ-
պետենցիան սուլթանի երկրում:— Ռուզվելտի մերժողական պա-
տասխանի իմաստը Եր. 73:

Ամիոփում եւ եզրափակում

Պետութիւնների շահերն ու ձգտումները Թիւրքիայում:—
Դիւանագիտական յարաբերութիւնների աննպաստ դասաւորու-
թիւնը՝ անգլօ-ռուսական հակամարտութիւն, ֆրանկօ-ռուսական
դաշնակցութիւն, գերման-թիւրքական բարեկամութիւն:—Մեր
Նկտագօտութեան եղանակը:—Պ. Ego-ի մեծ հակասութիւնը:—
Քաւական չէ խոստովանութիւնը:—Դաշնակցութեան քաղաքագի-
րական իդէօլօգիայի պատկերը:—Քր. Միքայէլեանը և ամբոխա-
յն նահապետական տրամաբանութիւնն ու հոգեբանութիւնը:—
Քարոյական նախատինք և ըէալ քաղաքականութիւն . . . Եր. 80:

ՀԱՅ ՅԵՂ. ԴԱՇՆԱԿՑՈՒԹԵԱՆ ԳՈՐԾՈՒՆԷՈՒԹԵԱՆ ԵՐԿՈՒ ՃԱՆԱՊԱՐՀԸ

1. Յեղափոխական ճանապարհ կամ յեղափոխական գործունէութիւն երկրի ներսում.

Դաշնակցութեան գործունէութեան տարբեր ճանապարհ-
ները:—Նրա յեղափոխական գործունէութեան էութիւնը:—Տոյ-
ցեր, արշաւանքներ, հրոսակային խմբեր, տերօրական գործողու-
թիւններ:—Ո՞րն է յեղ. կուրի ու պայքարի իմաստը:—Անուղղակի
նպատակը:—Ո՞րն է «բռնի ոյժ»-ի արժէքը:—Եւրօպական միջա-
մտութեան խնդիրը:—Դաշնակցութեան տեսական ու գործնական
սխալ ուղղութիւնները:—Յեղափոխ. ֆրադէօլօգիայի թութակում:
—Յեղափոխական գործունէութեան պօզիտիւ ձգտումները և նե-
պատիւ հետևանքները:—Յեղափոխ. շարժման բնոյթը Թիւրքահա-
երի մէջ:—Հայկական շարժում և հայկական կոտորած:—Դաշ.

յեղափոխական ձգտումների մաքսիմումը:—Անյաջող ապագայի հաւանական շանսերը:—Տաճկահայ խնդրի ու շարժման չեզօքացման տենդենցիան:—Ի՞նչ են ասում մեզ նեգատիւ հետեանքները:—Քր. Միքայելեանի գրքի արժէքը:—Դիալեկտիկայի հակադրական օրէնքը:—Թիւրքահայի քաղաքական վիճակի երեք շրջանները:—Կոստրաձնների ուժեղացման սիստեմատիկ քաղաքականութիւնը: եր. 89:

XIV

ՀԱՅ ՅԵՂ. ԴԱՇՆԱԿՑՈՒԹԵԱՆ ԴՈՐԾՈՒՆԷՈՒԹԵԱՆ ԵՐԿՈՒ ՃԱՆԱՊԱՐՀՐ

2. Բաղարական նանապարհ կամ քաղաքագիտական-պրօպագանդիստական գործունէութիւն երկրից դուրս.

Երկու ճանապարհի բնաւորութիւնը և նպատակը:—Դաշնակցութեան գործնէութիւնը արտասահմանում:—Գործունէութեան քաղաքագիտական և պրօպագանդիստական բաժինները:—Արտասահմանեան գործնէութեան իմաստը:—Հակասութիւնների քօսուրը հետեանքների մասին. «Յառաջ», Ego, «Դրօշակ», «Այլք» հակասում են միմեանց և իրենք իրենց:—Միուրոյն տեսակէտի և երկուոյթների պատմական ըմբռնողութեան բացակայութիւն:—Տարբերութիւնը առհասարակ յեղափոխականների և դաշնակցական յեղափոխականների մէջ:—Քաղաքական մուրացկանութիւն:—Բանաստեղծ-քաղաքագէտների քաղաքական վուլգարիզմը:—Ո՞րն է քաղաքական պարտականութիւնը Եւրօպայի:—Ինքնախաբէութեան թանձր քօղը:—Հասարակական կարծիք, բուրժուական և պրօլետարական:—Յոյսեր բուրժուական գեմօկրատիայից և Ֆիլանտրօպիայից:—Ականաւոր «հայասէրներ» եր. 114:

Ծանօթ.—Մեզանից անկախ մի շարք պատճառներով զրօրախտաբար անկարող եղանք այս գրքի մէջ գետեղել հեղինակութեանս վերջին երեք գլուխները. այն է՝ Գլ. XV Թիւրքիայի ապագան:—I. Թիւրքիայի ապագան բնօրինակաւ: Գլ. XVI Թիւրքահայերի ապագան մասնաւորապէս:—Գլ. XVII.—Աօց.-գեմօկրատիան եւ սաճկահայ խնդիրը: Հեղինակ

Վ Ր Ի Պ Ա Կ Ն Ե Ր

Սխալ	Երես	ուղիղ
են (10 տող վերևից)	14	էին
բացառիկ (10 տող ներքևից)	14	բացառակի
իբրենց (12 տող ներքևից)	16	իր
ուսննայ (18 տող վերևից)	19	ուսննայ
ծանօթ. վերջում	19	դնել (εNeue Zeit 1902 թ. № 26)
(14 տող վերևից)	20	Jbid
ծանօթ. վերջում	23	Jbid
ամենագեղեցիկ (1 տող վերևից)	23	ամենաազդեցիկ
ծանրանայ (13 տող ներքևից)	30	ցածրանայ
պահ (12 տող վերևից)	33	պահ
Քոքր (10 տող ներքևից)	45	Փոքր
Լօտանդոների (11 տող վերևից)	56	Լօրանդոների
ի դէպս (7 տող ներքևից)	56	'ի դէմս
զրաւոր (5 տող վերևից)	64	զարաւոր
Մի (12 տող վերևից)	67	Մեծ
փետրուար (13 տող վերևից)	75	փետրւար
պատրական (14 տող ներքևից)	81	պատմական
քալելով (7 տող ներքևից)	81	քաշկռւող
ընդունում է (1 տող վերևից)	83	ընդունակ է
նրանք (12 տող վերևից)	83	նրանց
հողմացոյց (5 տող վերևից)	85	հողմազայ
խաժամուժ (19 տող վերևից)	86	խաժամուժ
անարխիստական (11 տ. ներք.)	86	անարխիական
պլատոնական (8 տող վեր.)	87	պաշտօնական
են (6 տող վերևից)	94	ենք
գիտակից (16 տող վերևից)	101	գիշատիչ

5547

5548

5641000

2013

